

"Ovo mi je bilo najbolje putovanje u životu, koje me zauvijek promjenilo"

KANADSKI PARLAMENTARAC BRIAN MASSE ZAVRŠIO POSJETU BOSNI I HERCEGOVINI

Kanadski parlamentarac Brian Masse, sponzor Rezolucije o genocidu u Srebrenici i BiH, koja je usvojena 19. oktobra 2010. godine u Parlamentu Kanade, završio je višednevnu posjetu Bosni i Hercegovini. Ključni povod odlaska u BiH je posjeta Memorijalnom centru Potočari, susret sa preživjelim žrtvama genocida i prisustvovanje kolektivnoj dženazi i ukupu 613 žrtva genocida koja je obavljena 11. jula, na Dan genocida nad Bošnjacima u Srebrenici. Ukupan broj do sada identificiranih i ukupanih žrtava genocida u Memorijalnom centru je 5137.

U okviru promocije specijalnog izdanja „Univerzitetskog informativnog glasnika“ upriličena je i dodjela priznanja „Zlatna značka“ Univerziteta u Sarajevu, koju je rektor prof. dr. Faruk Čaklovica uručio Brianu Masseu, članu Kanadskog federalnog parlamenta. U obrazloženju Univerziteta između ostaloga se navodi:

“Kanadski federalni parlament je 19. oktobra 2010. godine jednoglasno usvojio Rezoluciju BR-M416 o Danu sjećanja na žrtve genocida u Srebrenici. Najznačajniji nosilac aktivnosti za usvajanje navedene rezolucije i širenje istine o agresiji na Republiku Bosnu i Hercegovinu i genocidu nad Bošnjacima je gospodin Brian Masse, potvrđeni borac za istinu i ljudska prava. Ovim činom Kanadski federalni parlament je izrazio bezrezervnu opredijeljenost, što je potvrđeno i glasanjem za usvajanje Rezolucije, kojom je potvrđeno da su događaji u i oko Srebrenice u julu 1995. okvalifikovani kao genocid”.

Još da spomenemo da je Univerzitet u Sarajevu dodijelio "Zlatnu značku" i Emiru Ramiću, direktoru Instituta za istraživanje genocida, Kanada, koji je, kako je u obrazloženju naglašeno, "dao značajan i zapažen doprinos u procesu odvijanja ove značajne aktivnosti u Kanadskom federalnom parlamentu".

U toku višednevne posjete Masse je imao niz zapaženih susreta sa brojnim intelektualcima, te političkim, kulturnim i drugim zvaničnicima i predstavnicima institucija u BiH. Isto tako bio je gost TV Hayat, FTV i drugih bh. medija.

Prema saznanju Bošnjaci.Net kanadski parlamentarac Brian Masse imao je susrete sa sljedećim ličnostima: Predsjedavajućim Predsjedništva BiH Željkom Komšićem, članom Predsjedništva BiH Bakirom Izetbegovićem, Visokim predstavnikom u BiH Valentinom Inzkom, Sadikom Ahmetovićem, ministar sigurnosti BiH, rektor Sarajevskog univerziteta prof. dr. Farukom Čaklovica, prof. dr. Smailom Čekićem, direktor Instituta za istraživanje ratnih zločina, Amrom Mašovićem, direktor Instituta za nestale, Ambasadorom SAD Patrick Moonom, Asimom Sarajlićem, potpredsjednik SDA, Ćamilom Durakovićem, zamjenik gradonačelnika Srebrenice, ministrom Mirsadom Kebo i njegovim savjetnikom Refikom Begićem, sa majkama i predstavnicama udruženja Srebrenice Munirom Subašić, Kadom Hotić, akademikom Muhamedom Filipovićem, predsjednikom SDP Zlatkom Lagumdžijom, Senadom Softić-Telalović, predsjednica Vijeća bh. organizacija Australije, i drugim ličnostima iz BiH i drugih zemalja.

Jedan od zanimljivijih susreta, Brian Masse je skupa sa članovima Instituta za istraživanje ratnih zločina posjetio i obišao prostorije zloglasnog srpsko-crnogorskog logora "Kod Sonje" kao i upoznavanje vlasnice nekadašnjeg restorana, danas starice Sonje (Sofije) Beganović u čijem objektu su bile zatvorene i silovane brojne Bošnjakinje. Jedan od silovatelja Bošnjakinja u ovom logoru bio je i komandant UN trupa u BiH, kanadski general Lewis Mackenzie, koji naklonom kanadskog političkog establišmenta i tužilaštva godinama izmiče pravdi.

Sonja (Sofija) Beganović, inače Hrvatica, za vrijeme agresije bila je protjerana. Sada ima oko 80 godina i sama živi u objektu, srpskom ratnom logoru, koji po njenim riječima, niko ne želi da kupi!

Na kraju posjete Brian Masse je kratko za Bošnjaci.Net izjavio da mu je ovo bilo najbolje putovanje u životu, koje ga zauvijek promjenilo.

"Sada se trebaju nastaviti naponi na poboljšanju odnosa BiH i Kanade, kao i mogućnosti otvaranja kanadske Ambasade u Sarajevu. Isto tako treba se raditi na uspostavljanju Kluba prijatelja Bosne i Hercegovine koji će djelovati u Kanadskom parlamentu. Isto osnivanjem grupa podrške npr. "Žena ženi ili majka majci" gdje bi Majke / Žene iz Kanade pomagale Majkama u Srebrenici..." - rekao je za Bošnjaci.Net Senad Alićehajić, gl. urednik radio "Sevdah" iz Windsora, koji je bio u višednevnoj pratnji gospodina Massea. Alispahić je također jedan od zaslužnijih aktivista na lobiranju za spomenutu usvojenu rezoluciju u Parlamentu Kanade.

Veliko interesiranje medija u BiH za posjetu kanadskog parlamentarca: Masse okružen novinarima

U povodu 11. jula – Dana genocida nad Bošnjacima u Srebrenici u višednevnoj posjeti Bosni i Hercegovini je doputovao Brian Masse, član Parlamenta Kanade, NDP stranke (New Democratic Party), kritičar za Industriju, auto-industriju i granične predmete, bosanskoj i bošnjačkoj javnosti poznatiji kao sponzor Rezolucije o genocidu u Srebrenici i BiH koja je u Parlamentu Kanade usvojena 20.okt. 2010. godine. Gospodin Masse u je imao niz aktivnosti i susreta sa značajnim ličnoistima iz bh. javnog života.

Kako smo saznali Masse se do sada sreo sa Asimom Sarajlićem, potpredsjednikom SDA, Čamilom Durakovićem, zamjenikom gradonačelnika Srebrenice, Refikom Begićem, savjetnikom Mirsada Kebe, te sa majkama Srebrenice i predstavnicama udruženja Munirom Subašić, Kadom Hotić, i dr. Ujedno, posjetio je Memorijalni centar u Potočare i upisao se u Knjigu žalosti. Dok će 11.jula, u sklopu zvanica iz BiH i svijeta prisustvovati masovnoj dženazi u Srebrenici kada će biti ukopano još 613 žrtava genocida.

Nakon dženaze očekuje se još niz aktivnosti i susreta sa zvaničnicima u BiH o čemu ćemo narednih dana detaljnije pisati.

Da podsjetimo, nakon usvojene rezolucije Masse je izjavio: „Već je vrijeme za Kanadu da proglasi 11. juli - Dan sjećanja Srebrenice. Ova obljetnica uzdiže svijest tragičnog mučenja ljudi Bosne i daje počast i pamti one koji su bili ubijeni kao rezultat politike genocida, etničkog čišćenja i ratnih zločina počinjenih u Bosni i Hercegovini od 1992. do 1995.“

U pratnji gospodina Massea se nalazi i Senad Alićehajić, gl. urednik radio “Sevdah” iz Windsora, ujedno jedan od zaslužnijih aktivista na lobiranju za spomenutu usvojenu rezoluciju.

Konačano poslije pet godina lobiranja od strane Bošnjačko – kanadske zajednice

KANADSKI PARLAMENT JEDNOGLASNO USVOJIO REZOLUCIJU O GENOCIDU U SREBRENICI

Član Parlamenta Kanade Brian MASSE, nakon usvojene Rezolucije o genocidu u Srebrenici i BiH u Parlamentu Kanade, izjavljuje:

OVO JE POBJEDA ZA LJUDSKA PRAVA, JER JE ZAHTJEV ZA DAN SJEĆANJA SREBRENICE PRIHVAĆEN U SKUPŠTINI PARLAMENTA

Tekst jednoglasno usvojene Rezolucije (M- 416) u Kanadskom parlamentu

„Da se, po mišljenju Predstavničkog doma Kanadskog parlamenta, dan 11. juli treba označiti Danom Sjećanja na Srebrenicu, u sjećanju na Masakr jula 1995., u kojem je više od 7000 bošnjačkih muškaraca i dječaka bilo pobijeno, što je izraženo činom genocida od strane Međunarodnog krivičnog tribunala za bivšu Jugoslaviju i Međunarodnog suda pravde, i kad su 25000 drugih bili silom prognati iz svojih domova od snaga bosanskih Srba“.

Ministar vanjskih poslova Kanade, Pierre Pettigrew (Liberalna partija Kanade) obratio se kanadskoj javnosti posebnom izjavom u ime Vlade Kanade u kojoj se između ostalog kaže: "Ubojstva u Srebrenici predstavljaju najgori zločin počinjen u Evropi od Drugog svjetskog rata. Najprimjereniji način za odavanje počasti onima koji su ubijeni u Srebrenici je da svi arhitekti genocida u Bosni i Hercegovini budu privedeni sudu pravde“.

Početak lobiranja tačno na desetu godišnjicu od genocida u Srebrenici

Proces lobiranja Bošnjaka u Kanadi za usvajanje rezolucije o genocidu u Bosni i Hercegovini u Kanadskom parlamentu počeo je prije pet godina, tačno na desetu godišnjicu od genocida u Srebrenici. Tadašnji član Kanadskog parlamenta, Jean Augustine, prva žena – afro-kanadskog porijekla izabrana u Kanadski parlament, član Liberalne partije Kanade i veliki prijatelj Bošnjaka i Bosne i Hercegovine je pročitala izjavu u Parlamentu u kojoj se između ostalog kaže: "Masakr u Srebrenici bio je najgori genocidni zločin u Evropi od Drugog svjetskog rata. Rezolucija Kongresa Bošnjaka Sjeverne Amerike u povodu desete godišnjice genocida u Srebrenici navodi da politika agresije i genocida provedenog od strane srpskih snaga u Bosni i Hercegovini ispunjavaju uvjete

definiranje zločina genocida iz člana 2. Konvencije o sprječavanju i kažnjavanju zločina genocida. Pamćenje tih zlodjela su još uvijek vrlo živa u svijesti i srcima svih prijatelja istine i pravde u Kanadi”.

Iste godine tadašnji Ministar vanjskih poslova Kanade, Pierre Pettigrew (Liberalna partija Kanade) obratio se kanadskoj javnosti posebnom izjavom u ime Vlade Kanade u kojoj se između ostalog kaže: "Ubojstva u Srebrenici predstavljaju najgori zločin počinjen u Evropi od Drugog svjetskog rata. Najprimjereniji način za odavanje počasti onima koji su ubijeni u Srebrenici je da svi arhitekti genocida u Bosni i Hercegovini budu privedeni sudu pravde”.

Kanada ima priliku da popravi grešku i prepozna genocid u Srebrenici kao što su prepoznali mnogi drugi na internacionalnoj sceni

Naime, Brian Masse, član Kanadskog parlamenta (Nova demokratska partija Kanade) je prihvatio inicijativu Kongresa Bošnjaka Sjeverne Amerike i Instituta za istraživanje genocida Kanada da bude sponzor Rezolucije o genocidu u Kanadskom parlamentu. Svoje sponzorstvo on je javno objavio na konferenciji za štampu na najvećem trgu u Windsoru krajem augusta 2009. godine. Brian Masse je tada rekao: “Genocid se desio prije četrnaest godina, a Kanada nije obratila dovoljno pažnje tom genocidu, niti je prepoznala znake i posljedice tog genocida. Zato Kanada ima priliku da popravi tu grešku i prepozna ovo što su prepoznali mnogi drugi na internacionalnoj sceni. Žrtve ovog genocida zaslužuju podršku i pomoć. Svi treba da naučimo lekcije od ovog slučaja jer u suprotnom mogli bi ponovo da se nađemo u situaciji gdje naš glas nije dovoljno jak da spriječimo ovakve grozne gubitke ljudskih života. Zato oni koji ne žele da se ovakve stvari događaju moraju raditi na jačanju glasa protiv genocida, ali i na tome da proces oporavka može da se nesmetano odvija, i da se kvalitet života žrtava vrati na jedan normalan nivo. Ovo nije samo slučaj Bošnjaka i muslimana, niti je ovo samo moja rezolucija, rezultat je važan. Ljudski rod mora prepoznati potrebu da spriječi genocid ma gdje se on dešavao. To je ono što me čini ponosnim na bosnjačku zajednicu u Kanadi, ta njihova otvorenost i progresivna priroda da surađuju sa drugima i rade ka generalnom poboljšanju uslova života svih ljudi. To garantuje da će posao biti odrađen kako treba. Srebrenica genocid je fakt koji nije otvoren za debatu. Pošto je Kanada ta koja je primila hiljade Bošnjaka ona ima i obavezu da bude u toku dešavanja u svijetu i da pomogne tim ljudima u očuvanju njihove tradicije ali i u zalječivanju njihovih rana. Ova rezolucija bi upravo mogla da pomogne Kanadi da se izjednači i ne kasni za drugima na međunarodnoj sceni”.

Prijedlog Rezolucije (M-416) je predviđao da Kanada: kao članica međunarodne zajednice, ima dužnost da podrži presude Međunarodnog suda pravde i Međunarodnog krivičnog tribunala za područje bivše Jugoslavije, prihvati te sudske odluke i sprovede te odluke, ima poštovanje prema Rezolucijama Sjedinjenih Američkih Država i Evropske unije koji su prihvatili posebne rezolucije u kojima se priznaje da je genocid počinjen nad Bošnjacima u Srebrenici, kao suverena parlamentarna država ima dužnost da poštuje međunarodno pravo i prihvati informacije u vezi srebreničkog genocida koje su zabilježene i već prošle sudske procese. Na kraju rezolucijom se traži proglašenje 11. jula danom sjećanja na više od 8000 nevinih bošnjačkih žrtava genocida u Srebrenici i proglašenje sedmice Bosne i Hercegovine u Kanadi.

Dobro organizovanom kampanjom bošnjačka zajednica u Kanadi je uspjela dobiti podršku više od dvije trećine članova Parlamenta i tri parlamentarne stranke.

Robert Oliphant, član kanadskog parlamenta (Liberalna partija Kanade) je prihvatio inicijativu Kongresa Bošnjaka Sjeverne Amerike i Instituta za istraživanje genocida Kanada da bude sponzor Zakona o obilježavanju jedanaestog jula u Kanadi kao Danom sjećanja na žrtve genocida u Srebrenici. Time bi Kanada postala jedina zemlja u svijetu koja zakonom reguliše pravo žrtava genocida koji su Kanadu izabrali kao svoju drugu domovinu. Na konferenciji za štampu u Kanadskom parlamentu kojoj je prijedila konferencija za štampu lidera kanadske bošnjačke zajednice sa liderima parlamentarnih političkih stranaka koji prihvataju rezoluciju o genocidu u Srebrenici, Rob Oliphant je između ostalog rekao: "Zadovoljstvo mi je da predstavim akt koji želi da uspostavi kanadski nacionalni Dan sjećanja na genocid u Srebrenici koji bi se obilježavao svakog jedanaestog jula. U julu 1995., više od 8,000 Bošnjaka su masakrirani u regionu Srebrenice u Bosni i Hercegovini u zaštićenoj zoni UN-a, od strane snaga bosanskih Srba. Ovo je bilo najveće masovno ubijanje u Evropi od Drugog svjetskog rata. Međunarodni krivični tribunal za područje bivše Jugoslavije i Međunarodni sud pravde u Hagu zaključili su da je masakar u Srebrenici genocid. Također, rezolucije koje osuđuju genocid su izglasane u Evropskom Parlamentu kao i u američkom Predstavničkom Domu i Senatu. Proteklog marta, predsjednik Srbije izdao je puno državno izvinjenje te podržao odluku Međunarodnog suda pravde. Prepoznavajući devastirajuće efekte vezane za genocid u Srebrenici u Julu 1995. godine, ovaj akt bi pružio mogućnost svim Kanađanima da stanu zajedno sa članovima bošnjačko – kanadske zajednice i dijele njihovu bol i respektuju sjećanje na te ljude i djecu koji su masakrirani. Pošto se približavamo petnaestoj godišnjici ovog masakra, nadam se da će ovaj akt služiti kao korak u pravom pravcu koji će ultimativno obezbjediti barem prividnu utjehu preživjelim žrtvama genocida u bošnjačkoj zajednici u Kanadi. Neka uspomena na one koji su ubijeni u genocidu nekad ne izbljedi".

Kanadski Bošnjaci neće pregovarati o genocidu

Konzervativna partija Kanade na čelu sa premijerom Stephen Harper je odbila rezoluciju na taj način što je umjesto nacionalnog imena Bošnjak upotrijebila termin «bosanski ljudi nad kojima je navodno izvršen genocid», čime je pokušala da kaže da se genocid vršio nad svim narodima u Bosni i Hercegovini, zatim je smanjila broj žrtava genocida u Srebrenici i na kraju je izbacila termin genocid, upotrijebivši termin masovno ubijanje. Bošnjaci žrtve genocida koji žive u Kanadi oštro su protestovali zbog iskrivljavanja činjenica, da je nakon tog protesta premijer Harper je prihvatio termin Bošnjak i stvarnu cifru broja žrtava genocida u Srebrenici, ali je uporno odbijao upotrebu termina genocid. Bošnjaci Kanade smatraju da nema pregovora oko genocida koji je potvrđen pravosnažnim presudama na oba Međunarodna suda u Hagu i u mnogim drugim dokumentima. Više od dvadeset država je u svojim parlamentima usvojilo rezolucije u kojima su 11. juli proglasili Danom sjećanja na žrtve genocida u Srebrenici. Još jednom se pokazalo da je Konzervativna partije Kanade pod jakim uticajem srpskog i ruskog lobija u Kanadi. Tokom bošnjačkog lobiranja Srbi su imali svoju kampanju, čak su djelili listove protiv rezolucije u samom Parlamentu. Kongres Bošnjaka Sjeverne Amerike i Institut za

istraživanje genocida Kanada zajedno sa Bošnjacima Kanade imali su do sada najjaču svoju akciju. Kanadski Bošnjaci su poslali jasnu poruku kanadskoj vladi i kanadskom Parlamentu: Bošnjaci u Kanadi neće nikada prihvatiti rezoluciju koja precizno ne uključuje termin genocid. Izbacivanje termina genocid je uvreda ne samo za kanadske Bošnjake, žrtve genocida, već i za čovjeka i civilizaciju uopšte, za Kanadu i čitav slobodoljubljivi svijet. Bošnjaci Kanade neće pregovarati o genocidu. Na to nema niko pravo u ime stotine hiljada nevinih žrtava – šehida koji su dali svoje živote u odbrani Bošnjaka i Bosne i Hercegovine.

Najistaknutiji stručnjaci iz oblasti međunarodnog prava i mnoge organizacije za zaštitu ljudskih prava i sloboda iz čitavog svijeta su podržali nastojanje kanadske bošnjačke zajednice da istina o genocidu u Bosni i Hercegovini i pravda za žrtve toga zločina budu prepoznata od strane Kanadskog parlamenta.

Kanadski Bošnjaci su svojom aktivnošću za usvajanje rezolucije branili svoje ljudskodostojanstvo i svoje pravo na istinu, pravdu, domovinu

Usvojenom Rezolucijom Kanada jasno i glasno kaže kako žrtve genocida u Srebrenici i Bosni i Hercegovini nisu uzaludne i da ujedno pokazuje respekt prema njima. Istovremeno, Kanada usvajanjem rezolucije iskazuje kajanje što nije spriječila genocid u Srebrenici i Bosni i Hercegovini. Rezolucija ostvaruje svoj cilj, a to je da zločin ne smije proći nekažnjeno te da žrtve zločina ne smiju biti zaboravljene. Žrtve genocida u Bosni i Hercegovini su svjesne da se prošlost ne može promijeniti, ali im je lakše podnositi bol i patnju kad znaju da imaju prijatelje. Proglašavanje 11. jula od strane Kanadskog Parlamenta danom sjećanje na žrtve genocida u Srebrenici predstavlja poruku svim zločincima u prošlosti, sadašnjosti i budućnosti da njihov zločin neće biti nagrađen, već kažnjen, da zlo ne može preživjeti i da se posljedice genocida neće legalizirati.

Ovom rezolucijom je otvoren proces čiji je cilj da svaki Kanađanin vrlo dobro zna da "to što je urađeno u njihovo ime u Srebrenici i Bosni i Hercegovini jeste grijeh pred Bogom i zločin protiv čovječnosti. Yato se Kanada ovom rezolucijom mora suočiti sama sa sobom. Ona treba vidjeti spremnost kanadskih Bošnjaka da idu u proces istine, pravde i pomirenja, da im pošalje poruku da su u Kanadi dobrodošli, da nisu spodobе već domaćini u njoj.

Kanadski Bošnjaci nemaju straha da se suoče s istinom o agresiji na Bosnu i Hercegovinu i i pravdom za žrtve tih zločina. Oni su svojom aktivnošću za usvajanje rezolucije branili svoje ljudsko dostojanstvo i svoje pravo na istinu, pravdu, domovinu. Kanadski Bošnjaci nisu spremni da ih se ponižava na tom putu.

Usvajanje rezolucije je samo početak ozbiljnog rada kanadskih Bošnjaka na planu informisanja kanadske javnosti i vlasti o dimenzijama agresije na Bosnu i Hercegovinu i genocida protiv Bošnjaka. Prilika za to je već u lobiranju za usvajanje zakona C-533, zakona, koji pored rezolucije utvrđuje Dan sjećanja na žrtve genocida u Srebrenici u Kanadi. Rezolucija o genocidu u Srebrenici je sada zvanično usvojena u Kanadskom parlamentu. To je momenat kada se veoma težak, odgovoran, složen i častan posao kanadske bošnjačke zajednice treba vrednovati.

U ime kanadsko bošnjačke zajednice zahvaljujemo se Kanadskom parlamentu i vladi što su napokon uradili jedino mogući i ispravnu stvar. Bošnjaci u Kanadi će od sada biti više ponosni na

Kanadu. Zahvaljujemo svim kanadskim Bošnjacima koji su sudjelovali u ovoj historijskoj političkoj borbi. Hvala svim prijateljima istine i pravde koja nas podržavali svih ovih pet godina, osobito u trenucima kad smo bili izloženi napadima od strane onih koji pokušavaju negirati genocid. Zahvaljujemo se medijima koji redovito objavljujili rezultate naših nastojanja.

Prof. Emir Ramić

Direktor Instituta za istraživanje genocida Kanada,

Predsjednik Upravnog odbora Kongresa Bošnjaka Sjeverne Amerike, Ogranak za Kanadu

<http://www.instituteforgenocide.ca>

Izjave u povodu usvajanja rezolucije o genocidu u Kanadskom parlamentu

Prof. dr. Smail ČEKIĆ, direktor Instituta za istraživanje zločina protiv čovječnosti i međunarodnog prava Univerziteta u Sarajevu

Još jedna od velikih svjetskih zemalja je priznala planetarni zločin

Sa zadovoljstvom smo primili vijest da je Kanadski parlament usvojio Rezoluciju o genocidu u Srebrenici. To je velika pobjeda Bošnjaka i njihovih organizacija u ovoj zemlji, s obzirom da je bilo, u vezi sa tim, velikih otpora i destrukcija. Na taj način još jedna od velikih svjetskih zemalja, u kojoj živi veliki broj Bosanaca i Hercegovaca, je priznala planetarni zločin, najveći u Evropi nakon Drugog svjetskog rata - genocid u Srebrenici, sigurnoj zoni Ujedinjenih nacija, jula 1995. Istovremeno, ovim se stvaraju uslovi da se eliminiše relativiziranje i minimiziranje ovog zločina, čega je bilo i u Kanadi. U ovakvim i sličnim akcijama uvijek ćete imati našu podršku, pri čemu Vam još jednom čestitam na Vašoj upornosti i istrajnosti, izjavio je dr. Čekić.

Emir RAMIĆ, direktor Instituta za istraživanje genocida Kanada, predsjednik UO Kongresa Bošnjaka Sjeverne Amerike, Ogranak za Kanadu

Da bi išla naprijed, Kanada mora pamtiti Srebrenicu

Da bi išla naprijed, Kanada mora pamtiti Srebrenicu. Šta se desilo u Srebrenici jeste zločin, jeste genocid, jeste težak grijeh prema ljudskom životu i ljudskoj časti. Ne pozivam na mržnju, nego pozivam da se Srebrenica ne zaboravi. Ne pozivam na osvetu niti kaznu, jer će Bog svojom pravdom kazniti ili nagraditi. Pozivam da se ovo zlo dobro zapamti i da se iz njega pouka uzme. Niko nema pravo da od Bošnjaka traži da šute. Žrtve Srebrenice nisu samo brojevi. To su svjedočanstva o nestanku bošnjačkog čovjeka, bošnjačke porodice, bošnjačkih generacija. Sve može biti tema kompromisa, ali bosanska država i bošnjačka žrtva – nikad. Zašto? Zato što bez bosanske države i bez aktivne uspomene na bošnjačku žrtvu nema bošnjačkog naroda. To je granica koja mora biti uspostavljena u svakoj bošnjačkoj glavi. Zapad se izgradio po devizi: «nikad više genocid» iz Drugog svjetskog rata, što nije spriječilo događanja u Srebrenici. Srebrenički holokaust je povrijedio pravo postojanja zapada, pa samim tim i Kanade: da bi išla naprijed, Kanada mora pamtiti Srebrenicu. Cilj akcije bošnjačko-kanadske zajednice za usvajanje rezolucije o genocidu u Kanadskom parlamentu je bio da Kanađani saznaju za pad Srebrenice i

negacije kanadskih vrijednosti koje ti događaji nose. To uključuje da Kanada poduzme inicijative i podrži ovaj zadatak, da reaguju u smjeru rehabilitacije jedinstvene i demokratske Republike Bosne i Hercegovine te reviziju Daytonskog sporazuma. Rezolucija treba da podstakne sve učesnike kanadskog društvenog života koji raspolažu društvenom ili prosvjetnom odgovornošću (nastavnici, istraživači, novinari, kulturna društva ili asocijacije) da postignu da se i Kanađani masovnije zainteresuju za srebreničku tragediju i da se tako uvjeri o svijetskoj dimenziji ovog pitanja. Za Kanadske Bošnjake rezolucija treba biti početak rada na strateškoj viziji razvijanja kulture pamćenja u bošnjačkom biću. Rezolucija treba da skenira bošnjačka distanciranost od bošnjačke žrtve, jer bošnjačka žrtva genocida nije predmet zaborava. Onaj koji kontrolira prošlost kontrolira i budućnost. Bošnjačke žrtve su ključ koji zaključava bošnjačko pravo na budućnost. Bošnjačko pamćenje mora nadjačati suze, ojačati moral, očvrstnuti ambiciju i postati apsolutni kompas u ponašanju i činjenju svega bošnjačkog. U svakoj je bošnjačkoj žrtvi ispisan i naš život. Iskustvo žrtve se treba prenijeti kroz vrijeme, prostor, generacije. Danas su žrtve genocida pobjedile poslije petogodišnje borbe za istinu i pravdu u Kanadi. Zato je ovo veliki dan za Bosnu i Hercegovinu. Veliki dan za Bošnjake. Veliki dan za sve prijatelje istine i pravde u svijetu. Poslije pet godina velike političke borbe, istina o genocidu nad šu Bosni i Hercegovini je politički i pravno formulirana u Parlamentu jedne od najrazvijenijih zapadnih demokratija. Ova rezolucija je dokaz da se za istinu i pravdu isplati boriti. Ona simbolizuje priznanje Kanade da se desio genocid nad Bošnjacima pred pasivnim očima cijelog svijeta. Ona simbolizuje priznanje Kanade da zajedno sa drugim državama nije uradila sve što je mogla da bio se najveća ljudska tragedija u Evropi poslije Drugog svjetskog rata spriječila.

Hvala svim kanadskim Bošnjacima koji su učestvovali u ovoj borbi. Hvala svim prijateljima istine i pravde koji su nas svih ovih pet godina podržavali, posebno u momentima kada smo bili izloženi napadima onih koji pokušavaju negirati genocid. Hvala sredstvima informisanja koji su redovno objavljivali sve rezultate naše borbe.

Tajib ef. PAŠANBEGOVIĆ, Glavni imam Bošnjačke islamske zajednice u Kanadi

Dan kanadskog sjećanja na žrtve genocida u Srebrenici

Ja pohvaljujem odluku Kanadskog parlamenta da prihvati Rezoluciju o genocidu u Srebrenici, kojom se 11. juli prepoznaje kao Dan kanadskog sjećanja na žrtve genocida u Srebrenici. Usvajanjem rezolucije, Kanade se konačno pridružila dugom popisu zemalja koje su stale iza Odluka Međunarodnog krivičnog tribunala za područje bivše Jugoslavije, koje jasno utvrđuju da je masakr više od 8000 nevinih bošnjačkih muškaraca i žena čin genocida.

Mr. Haris ALIBAŠIĆ, predsjednik UO KBSA

Pozdravljam odluku kanadske vlade da oda počast žrtvama genocida i agresije

Pozdravljam odluku kanadske vlade da oda počast žrtvama genocida i agresije koja se dogodila u Srebrenici, u Bosni i Hercegovini. Izuzetno je važno da nastavljamo da se sjećamo žrtava i da razgovaramo o ovim stravičnim događajima koji ga čine najgorim zločinom u Evropi od Drugog svjetskog rata i Holokausta. Genocid se dogodio nakon pada Srebrenice 11. jula 1995. u ruke

vojnih formacija bosanskih Srba koje su podržavane od strane srbijanskih paravojskih snaga. Strašni zločini koji su se dogodili nakon toga će ostati zauvijek na kolektivnoj svijesti cijeloga svijeta. Snage bosanskih Srba su sistematski ubile više od 8.000 nevinih bošnjačkih civila, uključujući i novorođenu djecu, s namjerom da iskorijene bošnjačko stanovništvo u Srebrenici i okolnim selima. Dodatnih 30.000 civila je protjerano iz svojih domova, dok su žene silovane, a cijeli grad uništen od strane terorizirajućih vojnih formacija. Ovaj događaj je klasificiran kao genocid od strane Međunarodnog krivičnog suda za bivšu Jugoslaviju i Međunarodnog suda pravde. I Senat i Predstavnički dom SAD su usvojili rezolucije 2005. prepoznajući genocid koji su srpske snage počinile u Srebrenici i u cijeloj Bosni i Hercegovini od 1992-1995. Prisjećajući se žrtava, mi ćemo osigurati da im odamo počast širenjem spoznaje o slučajevima genocida u cijelom svijetu, tako da ono što se dogodilo u Srebrenici nikada neće dogoditi opet, bilo gdje u svijetu. Ali mi ne smijemo zaboraviti druge gradove i mjesta u BiH koji su svjedočili o sličnim razaranjima, genocidu i agresiji, mjestima kao što su: Brčko, Gacko, Vlasenica, Kozarac, Doboj, Žepa, Prijedor, Gacko, Trebinje, Foča, Zvornik, Višegrad, Bijeljina, i mnoga druga. Moramo se uvijek sjećati cijele zemlje Bosne i Hercegovine, čiji je glas za slobodu i demokraciju dočekan silom, agresijom i mržnjom. Mnogi ratni zločinci, uključujući i Ratka Mladića, generala koji je vodio napade na Srebrenicu, još uvijek se nalaze na slobodi. Za istinski mir i pomirenje, svi ratni zločinci moraju biti privedeni pravdi. Stoga je imperativ da i dalje pokazujemo podršku za BiH, tako da će i dalje čvrsto nastaviti na putu ka miru, stabilnosti, demokraciji i slobodi za sve njezine građane.

Željko MILIĆEVIĆ, predsjednik Pokreta pravde za Bosnu i Hercegovinu

Kanada je putem parlamentarne debate priznala da je genocid počinjen nad Bošnjacima

Kanada je zakonski obvezana priznati genocid počinjen nad Bošnjacima u periodu 1992. - 1995. godine općenito, a pogotovo onaj počinjen u i oko Srebrenice u julu 1995. godine. Tijekom svih materijalno-pravnih vremena Kanada je bila obvezana, isto kao što je i danas, Ženevskom konvencijom o genocidu koja u svojem prvom članu naređuje svojim zemljama-članicama da moraju spriječiti i kazniti zločin genocida. Tijekom svih materijalno-pravnih vremena Kanada je imala svoje vojne trupe na tlu Bosne i Hercegovine. Tijekom svih materijalno-pravnih vremena Kanada je imala, i koristila, način skupljanja podataka o svim planovima i pokretima oružanih jedinica na tlu Bosne i Hercegovine. Kanada je pod dužnošću konačno i formalno priznati, putem parlamentarne debate, da je genocid bio počinjen nad Bošnjacima. Formalno priznanje toga, od strane predstavničkog tijela, je potrebno da se omogući katarza počinitelja na jednoj strani, te oprost zločina od žrtava, preživjelih i njihovih obitelji na drugoj strani.

Dr. Zijad DELIĆ, direktor Islamskog nacionalni kongresa Kanade

Kanadska reputacija na internacionalnom planu će rezolucijom o genocidu biti više poštovana

Usvajanje Rezolucije o genocidu kojom se 11. juli proglašava danom kanadskog sjećanja na žrtve genocida u Srebrenici je velika pobjeda kanadskih Bošnjaka. Kanada se tako pridružila

drugim zemljama u solidarnosti prema žrtvama zločina genocida nad Bošnjacima i pokazala svoju reputaciju kao zemlja koja se zalaže za mir, istinu i pravdu i štiti ljudska prava i slobode. Kanadska reputacija na internacionalnom planu će ovom rezolucijom biti više poštovana. Usvajanjem Rezolucije Kanada šalje jasnu poruku svim onim koji zloupotrebljavaju vlast, ljudska prava i slobode da će uvijek podržavati mir kroz pravdu i istinu. Usvajanjem Rezolucije Kanada će postati model i mentor drugim zemljama da prihvate rezolucije o sjećanju na žrtve genocida u Srebrenici i Bosni i Hercegovini. Srbi iz Bosne i Hercegovine i Srbijanci iz Srbije i Crnogorci iz Crne Gore sa podrškom srpske i crnogorske vlade ubili su oko 250,000 muslimana, silovali preko 50,000 muslimanki, zatvorili hiljadama u logore, osakatili i ranili hiljadama i hiljadama. Čitav spisak groznih zločina je predugačak da se izlista ovdje. U sada poznatom bosanskom gradu Srebrenica, što je navodno bio poznat kao "sigurna zona" — Srbi su ubili preko 8,000 muškaraca i dječaka, zločin samo što su muslimani. Šta su Srbi uradili nevinim Bošnjacima pripada definiciji genocida kao što je potvrđeno u drugom članu Konvencije o sprečavanju i kažnjavanju zločina genocida koja je usvojena u Parizu 9. decembra 1948. godine i koja je stavljena u praksu 12. januara 1951. godine. Traumatične memorije što su proizvedene kroz namjernu patnju Bošnjaka, i sada su veoma žive u srcima i dušama preživjelih. Iako ima više godine poslije ovog pokolja, nije kasno da svijet kolektivno ustane i osudi sve zlo što je urađeno nad ljudima u Bosni i Hercegovini. Usvajanjem rezolucije Kanada je dobila priliku da se pridruži drugim zemljama u solidarnosti protiv zločina, genocida i da pokaže svoju reputaciju kao zemlja koja se zalaže za mir, istinu i pravdu i štiti ljudska prava i slobode. Kanadska reputacija na internacionalnom planu će ovom rezolucijom biti poštovana kao što je bila i u prošlosti. Kanada će poslati jasne poruke svim onim koji zloupotrebljavaju vlasti da će uvijek podržavati mir kroz pravdu i istinu. Kanada će služiti kao model i mentor drugim zemljama da prate put u utvrđivanjima genocida nad nevinim Bošnjacima. Kanada će dati nadu onima koji su je izgubili. Svi Kanađani trebaju podržati ovu rezoluciju, tako da se ovaj genocid nikad ne zaboravi, da ljudi žive zajedno u miru, poslije pobjede istine i pravde i da se nikad ne ponovi ono što se desilo Bošnjacima. Na kraju usvajanjem rezolucije Kanada daje nadu onima koji su je izgubili.

Članovi UO HD BCRA

Pomozite nam i dalje na podizanju svijesti

Kanada je oduvijek bila međunarodno cijenjena zbog odlučnosti u borbi za pravdu i ljudska prava. Ona ima dugu historiju srdačne dobrodošlice za mnoge koji su pokucali na njezina vrata u vremenima očaja. Jedan vrlo nedavni primjer takve milosti Kanade da je zagrlila bosanske iseljenike. Od našeg dolaska u Kanadu, Bosanska zajednica je vrlo teško radila da ponovno izgradi nase živote i da se integriramo u Kanadsko društveno tkivo. Jedan vrlo važan proizvod ovog napora je osnivanje "Bosanskog Kanadskog Humanitarnog Društva" - Relief Association (BCRA). BCRA je dobrotvorna organizacija usmjerena na humanitarne napore u Bosni i Hercegovini (BiH). Sastav je osnovan u ljeto 1992 kao odgovor na humanitarnu katastrofu koja je uslijedila genocidna agresija protiv civilnog stanovništva BiH, BCRA otada neprekidno radi na ublažavanju posljedica nepravde u zemlji. Nesto vise od 14 godina BCRA je studiozno radila na mnogim projektima. Jos vaznije, nastojala da doprinese istinitoj Kanadskoj izvanrednoj multikulturalnoj mreži, BCRA aktivno nastoji educirati i dijeliti s Kanađanima ljepotu bosanske

kulture i krvavu historiju, koju je prati. Kao službena (javna) humanitarna organizacija za "Kongres Bošnjaka Sjeverne Amerike", BCRA organizirala je brojne serije predavanja, panel diskusije, i razne druge svečane događaje. S druge strane, naši humanitarni napori su priznati od organizacija i dostojanstvenika u Bosni te Kanadski zajednice pod istim uvjetima. Drugim riječima, BCRA je aktivno radila na obogaćivanju Kanadskog društva, podizanjem svijesti za bosanski slucaj. To je u ovom prikazu, obliku da smo mi, članovi BCRA, i da apeliramo na članove Kanadskog parlamenta. Pomozite nam i dalje podizanje svijesti i borbe protiv nepravde donošenjem rezolucije o genocidu u Srebrenici. Pomozite nam napraviti razliku! Danas, oni Bošnjaci koji su jednom izbjegli iz svojih domova i porodica za početak sigurnijeg i mirnog život u Kanadi, sastavljaju jedinstven i vrlo važan dio većeg multikulturalnog društvenog tkivo koje karakterizira Kanadsko društvo, a mi kao Bosanci smo veoma ponosni na ovu integraciju. Ipak, zahvalni kao što smo da je Kanada dala nam priliku da pridonesemo njenom rastu kao narod, mi kao Bosanci, kao i ljudi koji su pretrpjeli toliko nepravde u rukama onih koji nemaju poštovanja za ljudski život i dostojanstvo ponovno kucamo na vrata Kanade koja je učinila časnu stvar i donijela rješenje o genocidu u Srebrenici u Kanadskom parlamentu.

Senad PAŠALIĆ, sekretar Instituta za istraživanje genocida Kanada

Historijski događaj kojim je pobijedila pravda i progovorila istina

Usvajanje rezolucije u Kanadskom parlamentu je historijski događaj kojim je pobijedila pravda i progovorila istina. Sa ovim činom žrtve Srebreničkog genocida nikada neće biti zaboravljene. Svijet je još jedan korak bliži saznanju da se genocid nikada ne oprašta i da će počinioci uvijek biti osuđeni, a ruka pravde, iako spora, uvijek biti dostižna.

Mirsad SMAJIĆ, član Upravnog odbora Kongresa Bošnjaka Sjeverne Amerike

Ubjedili smo Kanadski parlament i vladu da prihvate istinu o genocidu nad Bošnjacima

Usvajanje Rezolucije znači mnogo kao čovjeka, Bosanca i Bošnjaka, jer ovdje u Kanadi gdje su naši neprijatelji izuzetno moćni, uspjeli smo da istrajemo i ubjedimo Kanadski parlament i Kanadsku vladu da prihvate istinu o genocidu nad Bošnjacima. Nadam se da će ovo pomoći u našem daljem radu kako kanadsko-bošnjačke zajednice tako i posebno Instituta za istraživanje genocida Kanada i Kongresa Bošnjaka Sjeverne Amerike.

Senad ALIĆHAJIĆ, /Bošnjačka zajednica Windsor

Bošnjačka zajednica Kanade je postala relevantna snaga

Baš kao između pojedinaca, tako i između političkih partija i grupa, rješavanje nesuglasica i problema putem pregovora je najbolji način da čovjek postigne željene rezultate. Ako želimo promjene u svijetu, moramo i sami biti spremni na promjene, t.j. moramo biti spremni na rad. Sam početak tog rada je zasnovan na volji da pregovaramo i tražimo rješenja koja će dovesti do poboljšanja kvalitete našeg života, a uz to nam je potrebno i puno strpljenja. Takav je slučaj

bio i sa lobiranjem za usvajanje prijedloga teksta koji je nedavno proglasila Kanadsk Vlada, a u svezi Srebreničkog genocida. Iako postoji samo jedna istina u vezi ovog žalosnog događaja, mnogi si uzimaju za pravo da manipulišu brojevima ili pričama, pa čak i do mjere potpune negacije genocida i prebacivanja krivice na žrtve istog tog genocida. U borbi protiv takvih iskrivljenih istina i priča Bošnjačka zajednica Kanade je zauzela advokatski stav, i u dogom procesu iznošenja činjenica dovela do konačne "presude" koja potvrđuje događaje u i oko Srebrenice kao genocid, imenuje počinioce i žrtve i proglašava Dan Sjećanja na Srebrenicu. Ovaj proglas će biti odskočna daska za još čvršću i opširniju rezoluciju koja slijedi. Na ovaj način Bošnjačka zajednica Kanade je postala relevantna snaga u borbi za "Bosansku stvar" i nastavit će svoju borbu da preventira Genocid ne samo u Bosni nego i u cijelom svijetu.

Aldina MUSLIJA, član UO KBSA i član Instituta za istraživanje genocida Kanada

Dugo sam sanjala dan kada će 11. juli imati značenje u Kanadi

Kao mlada Bošnjakinja u Kanadi, nemogu vam objasniti koliko sam sretna i ponosna da će 11. juli biti Dan Srebrenice. Dugo sam sanjala dan kada će 11. juli imati značenje u Kanadi. Prije nego što nastavim, moram se zahvaliti svim članovima Parlamenta lobistima, svima koji su podržali ovaj bitan pokret i najbitnije hvala onim koji su započeli ovaj pokret. Inspiracija ste. Mnogi misle da je ovo samo obećanje na papiru sa par potpisa od političara. Za Bošnjake u Kanadi, ova rezolucija ima veće značenje. Nepravda je bila i genocid se desio u mojoj rodnoj državi i svi mi što potičemo iz Bosne i Hercegovine, nosimo te ožiljke do danas. Sa zvaničnim danom sjećanja, Kanadska vlada prihvata da je genocid napravljen u Srebrenici od strane bosanskih Srba i Srba iz Srbije. Dalje, sa ovim danom, Kanada izjavljuje čitavom svijetu da njena vlada i državljani ne tolerišu niti podržavaju genocid. Za ovih 15 godina, svi mi bolujemo za žrtvama genocida u Bosni i Hercegovini, ali nedostatak podrške od Kanadske vlade je izdvojilo našu zajednicu od ostalih. Sa zvaničnim danom sjećanja, možemo educirati Kanađane o ovom genocidu i ujediniti se sa drugim zajednicama da se borimo protiv nepravde, ratnih zločina i zloupotrebe ljudskih prava. Mi želimo poslati poruku onima koji produkuju i izvršavaju genocid, da takvi nisu niti će biti tolerisani na ovom svijetu. Kanada, sa ovim danom dobila si 50,000 aktivista zaštite ljudskih prava koji će se boriti da obećanje "nikada više" zaista ostane nikada više. Naš cilj je da privučemo pažnju na događaje što su se desili u Bosni i Hercegovini i da pokažemo žrtvama genocida i drugim zajednicama da je bitno pričati o prošlosti. To je jedini način na koji možemo sadržati istinu i sjećanje na žrtve genocida. Kao državljani demokratske države naša je dužnost da pričamo o ovim problemima i da se borimo za istinu i pravdu. Završiću ovaj tekst sa jednom izrekom: « Odlaganje je zadnji korak genocida ». Kanada, hvala ti na priznanju genocida u Srebrenici.

Daniel TOLJAGA

Upozorenje za budućnost svima onima koji pomisle da počine takvo gnusno djelo

Sve rasprave o pravnom karakteru masakra u Srebrenici su završene. U postupku Radislava Krstića, Žalbeno vijeće Međunarodnog krivičnog suda za bivšu Jugoslaviju otklonilo je

nedoumice o pravnom karakteru masakra jednoglasno zaključujući da je to bio Genocid. Jevrej koji je preživio Holocaust, časni sudac Theodor Meron, predsjedavao je u žalbenom postupku Krstića kada je Sud ustanovio sljedeće činjenice: "Nastojeći eliminirati dio bosanskih Muslimana, snage bosanskih Srba su počinile genocid. Oni su odredili za uništenje četrdeset hiljada [40,000] Bošnjaka stanovnika Srebrenice, koji su kao grupa predstavljali bosanske Muslimane uopšte. Oni su svim zarobljenim muškarcima Bošnjacima, i vojnicima i civilima, starim i mladim, oduzeli njihove lične stvari i dokumente te ih smišljeno i metodično ubijali isključivo na osnovu njihove pripadnosti. Snage bosanskih Srba su bile svjesne, kada su se upustile u svoj genocidni poduhvat, da će bosanskim Muslimanima zlo koje su im nanijele donijeti trajne nevolje. Žalbeno vijeće s potpunim uvjerenjem izjavljuje da pravda osuđuje, odgovarajućim formulacijama, ogromnu i trajnu štetu koja je nanesena i pokolj u Srebrenici naziva njegovim pravim imenom: genocid. Odgovorni će nositi ovu stigm, i ona će služiti kao upozorenje za budućnost svima onima koji pomisle da počine takvo gnusno djelo."

Ekskluzivno: Član Parlamenta Kanade Brian MASSE, nakon usvojene Rezolucije o genocidu u Srebrenici i BiH u Parlamentu Kanade, izjavljuje:

OVO JE POBJEDA ZA LJUDSKA PRAVA, JER JE ZAHTJEV ZA DAN SJEĆANJA SREBRENICE PRIHVAĆEN U SKUPŠTINI PARLAMENTA

SPONZOR REZOLUCIJE: Brian Masse, član Parlamenta Kanade

Poziv dobija jednoglasnu podršku u Domu predstavnika nakon dugog nastojanja

Ottawa, ON - Danas je Brian Masse, član Parlamenta Kanade, NDP stranke (New Democratic Party), kritičar za Industriju, Auto-industriju i Granične predmete, izjavio pobjedu za ljudska prava kroz prihvaćanje njegovog zahtjeva kojeg je dao da se ustanovi Dan Sjećanja Srebrenice, i koji je dobio jednoglasno prihvaćanje u Domu predstavnika, nakon dugih nastojanja koja su počela prije više od godine dana u njegovom izbornom krugu i koja su vođena od strane Bosansko-kanadske zajednice.

„Već je vrijeme za Kanadu da proglasi 11. juli - Dan sjećanja Srebrenice. Ova obljetnica uzdiže svijest tragičnog mučenja ljudi Bosne i daje počast i pamti one koji su bili ubijeni kao rezultat politike genocida, etničkog čišćenja i ratnih zločina počinjenih u Bosni i Hercegovini od 1992. do 1995.“, - izjavio je Masse.

„S ovom deklaracijom Kanada priznaje važnost ovog događaja u pomaganju bosanskim ljudima da se dođe do završetka kroz istinu i pravdu. Institucionaliziranje Dana sjećanja Srebrenice svakog 11. jula će podsjetiti buduće generacije i pomoći svima nama u radu za miran suživot“-

Nakon pada Srebrenice, 11. jula 1995., snage bosanskih Srba, pod komandom generala Ratka Mladića, koji je sudski proganjan kao ratni zločinac, i para-vojne formacije su hitro pobili više od osam hiljada Bošnjaka (muslimana) odraslih, dječaka i ostarjelih koji su tražili utočište. Povrh

toga, nekih trideset hiljada je bilo silom prognano u etničkom čišćenju pomognutom od Ujedinjenih nacija.

Rezolucija Evropskog parlamenta je prozvala Masakr Srebrenice „najvećim ratnim zločinom nakon Drugog svjetskog rata“. To zlodjelo je Međunarodni kriminalni tribunal za bivšu Jugoslaviju

Brian Masse na dan kada je krajem augusta 2009. godine na najvećem trgu u Windsoru na konferenciji za štampu obznanio sponzorstvo Rezoluciji o genocidu u Srebrenici proglasio genocidom. Dom predstavnika i Senat Sjedinjenih Država su prihvatile rezoluciju o genocidu u Srebrenici i svih zlodjela počinjenih u ratu 1992.-1995. Evropski parlament je donio rezoluciju, dana 15. januara 2009. usvajajući 11. Juli - Danom sjećanja Srebrenice. U martu ove godine Parlament Srbije je prihvatio rezoluciju u priznanju masakra 1995. u Srebrenici.

Ja se želim zahvaliti, i priznati goleme napore, odlučnost i upornost bosansko-kanadskoj zajednici u omogućavanju ovog današnjeg uspjeha za Kanadu. Ovo je rezultat hiljada Bosanaca-Kanađana, preko cijele zemlje, vođenih od Emira Ramića, predsjednika Kongresa Bošnjaka Sjeverne Amerike-Kanada i direktora Instituta genocida Kanade, do imama dr. Zijad ef. Delića, Željka Milićevića, predsjednika Justice for Bosnia Task Force, Senada Alićehjajića, predsjednika Bosanskog kluba u Windsoru, Leile Handanović, Dine Bajrić, i nebrojenih drugih.

S ovim, Dom Predstavnika ujedinjuje Kanadu s mnogim drugim zemljama u onome što je trebalo biti učinjeno odavno,“ naglasio je Masse.

Proglas koji je danas usvojen u Domu Predstavnika (House of Commons)

„Da se, po mišljenju Doma, 11. julij treba priznati Danom sjećanja Srebrenice u u uspomeni na masakr jula 1995., kad je više od 7000 Bošnjaka, muškaraca i dječaka bilo pobijeno, a što je Međunarodni krivični sud za bivšu Jugoslaviju presudio aktom genocida, i gdje je 25000 drugih bilo silom protjerano iz njihovih domova od strane Srba.

Iskustva instituta za istraživanje genocida Kanada u kampanji za usvajanje rezolucije o genocidu u BiH u Kanadskom parlamentu

SRPSKO-CRNOGORSKI GENOCID NAD BOŠNJACIMA – NAMJERA UNIŠTENJA JEDNOG NARODA

Namjera tog zločinačkog čina, utemeljena na srpskom i hrvatskom velikodržavnom projektu, imala je za cilj zauzimanje Republike BiH kao države, te “konačno rješenje” muslimanskog pitanja - istrjebljenje Bošnjaka ili njihovo svođenje na beznačajnu etničku skupinu. U funkciju tih zločinačkih aktivnosti poslušno su se, kao saradnici i izvršioци, stavili servilni petokolonaši iz BiH (“Hrvatska Zajednica Herceg-Bosna”, “Republika Srpska” i “Autonomna Pokrajina Zapadna Bosna”) i Republike Hrvatske (“Republika Srpska Krajina”). Agresija na Bosnu i Hercegovinu i genocid nad Bošnjacima su isplanirani (intelektualno, ideološki, politički, vojno, ekonomski, medijski, obavještajno, psihološki, itd.), sa jasno postavljenim ciljem, naređeni sa nadležnih političkih i vojnih mjesta i izvršeni planski, sistematski i organizovano. Poznate su države -

agresori, zatim ideolozi, planeri, naredbodavci, izvršiooci i saradnici, te kako su zločini izvršeni i zbog čega su izvršeni.

Genocid u BiH predstavlja poraz svih tekovina ljudske civilizacije. IRGC govori u ime žrtava, podsjeća na njihove patnje i suze i potiskuje strah od zaborava.

Genocid nad Bošnjacima je zločinačko djelo plana, strategije i jasne namjere da se sasvim određeni ljudi – Bošnjaci ubiju, istrijebe, siluju, muče u logorima smrti, protjeraju da bi zauvijek nestali. Bošnjaci ne smiju dopustiti da bošnjačka žrtva bude izigrana tako što će pravni domen rješavanja problema biti napušten. Pravo mora biti osnov bošnjačkog političkog djelovanja. Odustajanje od prava otvora neslućene opasnosti za državu BiH i bošnjački narod. Bilo kakav pritisak ili pokušaj navikavanja žrtve da prihvati stanje uspostavljeno genocidom je čin genocida. Genocid u Srebrenici predstavlja konačan dokaz ljudske degradacije i definitivno sramotan poraz ljudskog morala i zaštite ljudskih prava.

Osnovna uloga IRGC u kampanji Kanadskih Bošnjaka za usvajanje rezolucije o genocidu u BiH u Kanadskom parlamentu nije bila sama rezolucija radi rezolucije, već produkcija trajne opomene kanadskim građanima na najteži oblik zločina protiv čovječnosti, zločin genocida u BiH, koji je Bošnjacima, svim građanima BiH i cijelom čovječanstvu nanio velike gubitke, i ponovo postavio pitanje oslobađanja čovječanstva od genocida.

U toj kampanji IRGC je upoznao Kanađane sa činjenicom da je na Republiku BiH izvršena klasična oružana agresija, odnosno zločin protiv mira i sigurnosti čovječnosti, što znači da se radi o međunarodnom oružanom sukobu. Na okupiranim teritorijama Republike BiH i gradovima u opsadi nad Bošnjacima je izvršen najteži zločin - zločin genocida. Agresija na Republiku BiH i genocid nad Bošnjacima čine suštinu zajedničkog zločinačkog poduhvata država SRJ (Srbije i Crne Gore) i Republike Hrvatske, njihovih rukovodstava i brojnih rukovodilaca političkog, vojnog, policijskog i upravnog vrha, te njihovih petokolonaša, kolaboracionista i plaćenika. Namjera tog zločinačkog čina, utemeljena na srpskom i hrvatskom velikodržavnom projektu, imala je za cilj zauzimanje Republike BiH kao države, te "konačno rješenje" muslimanskog pitanja - istrjebljenje Bošnjaka ili njihovo svođenje na beznačajnu etničku skupinu. U funkciju tih zločinačkih aktivnosti poslušno su se, kao saradnici i izvršiooci, stavili servilni petokolonaši iz BiH ("Hrvatska Zajednica Herceg-Bosna", "Republika Srpska" i "Autonomna Pokrajina Zapadna Bosna") i Republike Hrvatske ("Republika Srpska Krajina"). Agresija na Bosnu i Hercegovinu i genocid nad Bošnjacima su isplanirani (intelektualno, ideološki, politički, vojno, ekonomski, medijski, obavještajno, psihološki, itd.), sa jasno postavljenim ciljem, naređeni sa nadležnih političkih i vojnih mjesta i izvršeni planski, sistematski i organizovano. Poznate su države - agresori, zatim ideolozi, planeri, naredbodavci, izvršiooci i saradnici, te kako su zločini izvršeni i zbog čega su izvršeni.

Za istrebljenje Bošnjaka, međunarodnim humanitarnim pravom zaštićene grupe (nacionalne i vjerske), postojala je genocidna zločinačka namjera i genocidni plan (postoje, pored ostalog, naredbe za izvršenje genocida, uključujući i formiranje konclogora). Agresija na Republiku BiH je, uz embargo na oružje i humanitarnu politiku Ujedinjenih nacija, Evrope i međunarodne zajednice i međunarodnu strategiju ignoriranja velikodržavnog fašističkog i genocidnog projekta Velike Srbije, bila sastavni dio Miloševićeve državne politike, u čije je ime najveći dio BiH

okupiran, a Bošnjaci ubijani, protjerivani i odvođeni u konclogore zbog njihove nacionalne i vjerske pripadnosti i zauzimanja njihove zemlje, pljačkanja materijalnih dobara i druge pokretne imovine, te otimanja i prisvajanja njihovih kuća i stanova i zatiranja tragova kulturnih i civilizacijskih tekovina.

Sve priče o kulturnim i civilizacijskim tekovinama u svijetu nakon genocida u BiH na kraju XX stoljeća postaju potpuno suvišne i nepotrebne. BiH i njena sigurna zona Ujedinjenih nacija Srebrenica su simboli stradanja naroda zbog njihove nacionalne, etničke i vjerske pripadnosti i osvajanja tuđih teritorija, ali i paradigmatični primjer antifašističkog otpora i odbrane Evrope od najtežeg zla koje poznaje čovječanstvo - zločina genocida, posebno na kraju XX stoljeća, kada je Evropa ostala nijema na pozive brojnih nemoćnih ljudskih bića za spas, a svijet, naročito vlade velikih zapadnih zemalja, zauzeo neutralan, ravnodušan, pasivan i licemjerman stav prema žrtvama, lišavajući ih legitimnih prava na odbranu biološkog opstanka.

Zajedno sa preživjelim žrtvama genocida, IRGC diže glas protiv genocida i upućuje poruku kanadskim građanima, kako bi spasili savremeno čovječanstvo i civilizaciju, očuvali najviše ljudske vrijednosti, ljudska prava i živote i malih, slabih i nemoćnih.

Naučno istraživačka saznanja su trajna osnova razvijanja sposobnosti u pravovremenom otkrivanju, identifikovanju, sprečavanju i kažnjavanju zločina genocida, u čemu i istraživači genocida i drugih oblika zločina protiv čovječnosti i međunarodnog prava imaju historijsku ulogu i odgovornost. Obaveza je istraživača, kako to piše nobelovac Eli Vazel, da govore u ime žrtava, podsjećaju na njihove patnje i suze i potiskuju strah od zaborava. Istraživači imaju profesionalnu odgovornost i dovoljno moralne hrabrosti u istraživanju i saopćavanju javnosti naučne istine o genocidu.

IRGC se nada da će sadašnje i buduće generacije iz svih dosadašnjih zločina genocida konačno, u interesu budućnosti savremenog čovječanstva i civilizacije, izvući historijsku pouku i poruku o potrebi jačanja, razvijanja i ujedinjavanja svih antifašističkih snaga, bez obzira na nacionalnu, etničku, rasnu, vjersku, ideološku ili političku pripadnost i opredijeljenost, u strategiji sprečavanja i kažnjavanja zločina genocida. U toj izuzetno značajnoj aktivnosti posebnu ulogu, između ostalih, imaju istraživači i sve preživjele žrtve genocida.

IRGC podsjeća kanadsku i svijetsku javnost da se genocid nad Bošnjacima i dalje prikriva, minimizira, relativizira i osporava, uključujući i presude Međunarodnog krivičnog tribunala za područje bivše Jugoslavije, Međunarodnog suda pravde i nacionalnih sudova pojedinih država. U cilju zaštite žrtve od zločina i u cilju kažnjavanja zločina i zločinaca, djela zločina i zločince treba tretirati iznad svega i neizostavno u domenu prava, dakle, u domenu sudske istine i sudskog metoda. Ne smije se dopustiti da žrtva bude izigrana tako što će pravni domen rješavanja problema biti bilo napušten. Cinična podvala toj žrtvi agresije, ratnih zločina i zločina genocida, dogodila se upravo strateškim preusmjeravanjem rješavanja njenog problema – vršenja internacionalno pravno jasno definiranih i dokumentiranih zločina nad njom – iz domena prava u domene moraliziranja, javnih debata i humanitarnih djela. A u međuvremenu su se odigravali, a i dalje se odigravaju procesi koji imaju formu agresije i produženog genocida nad građanima BiH i dovođenja države članice OUN do konačnog uništenja.

IRGC se zalaže za javno kazivanje i pune slobode bošnjačkih žrtava da kažu istinu o agresiji na BiH i genocidu nad Bošnjacima.

IRGC smatra da sve nadležne institucije u i van BiH treba da iznesu sve podatke o ratnim zločinima s kojima raspolažu kada je u pitanju agresija na BiH i genocid nad Bošnjacima. IRGC konstatuje da prikrivanje ratnih zločina, takođe predstavlja zločin.

IRGC se zalaze za privođenje svih ratnih zločinaca sudovima pravde, međunarodnim ili nacionalnim.

IRGC će sudjelovati u svakom projektu pod uslovima uvažavanja istine i pravde o agresiji na BiH i genocida nad Bošnjacima, a to su:

1. Priznavanje genocida nad Bošnjacima u BiH na osnovu odluka Međunarodnog suda pravde, Međunarodnog krivičnog tribunala za područje bivše Jugoslavije, Evropskog suda za zaštitu ljudskih prava i nacionalnih sudova, a to podrazumjeva zakonsku zabranu negiranja genocida, poput zakona o zabrani negiranja Holokausta.
2. Privođenje svih osumnjačenih za ratne zločine Međunarodnom krivičnom tribunalu za područje bivše Jugoslavije u Hagu, posebno Ratko Mladić.
3. Nadoknada za nanešenu duševnu bol i materijalnu štetu žrtvama genocida, kojeg su Bošnjaci doživjeli širom Bosne i Hercegovine.

IRGC se zahvaljuje Kongresu Bošnjaka Sjeverne Amerike, mnogim akademcima, intelektualcima i prijateljima istine i pravde na njihovom značajnom doprinosu najvećem uspjehu Kanadskih Bošnjaka – Usvajanje Rezolucije M-416 o genocidu u BiH u Kanadskom parlamentu.

Emir Ramić

Institut za istraživanje genocida Kanada {IRGC}

<http://www.instituteforgenocide.ca/>

IZJAVE UGLEDNIH AKADEMIKA I INTELEKTUALACA POVODOM USVAJANJA REZOLUCIJE O GENOCIDU U SREBRENICI I BOSNI I HERCEGOVINI U KANADSKOM PARLAMENTU

Već je bilo vrijeme za Kanadu da proglasi 11. juli - Danom sjećanja na žrtve genocida u Srebrenici. Ova godišnjica uzdiže svijest tragičnog mučenja ljudi u BiH i daje počast i pamti one koji su bili ubijeni kao rezultat politike genocida, etničkog čišćenja i ratnih zločina počinjenih u BiH od 1992. do 1995. S ovom Rezolucijom Kanada priznaje važnost ovog događaja u pomaganju narodima i građanima u BiH da se dođe do završetka krize kroz istinu i pravdu. Institucionaliziranje Dana sjećanja na žrtve genocida u Srebrenici svakog 11. jula će podsjetiti buduće generacije i pomoći svima nama u radu za miran suživot. Rezolucija Evropskog parlamenta je prozvala Masakr Srebrenice „najvećim ratnim zločinom nakon Drugog svjetskog rata“. To zlodjelo je Međunarodni krivični tribunal za bivšu Jugoslaviju proglasio genocidom. Dom predstavnika i Senat Sjedinjenih Država su prihvatile rezoluciju o genocidu u Srebrenici i svih zlodjela počinjenih u ratu 1992.-1995. Evropski parlament je donio rezoluciju, dana 15. januara 2009. usvajajući 11. Juli - Danom sjećanja na žrtve genocida u Srebrenici. U martu ove godine Parlament Srbije je prihvatio rezoluciju o priznanju masakra 1995. u Srebrenici. S ovom Rezolucijom, Dom Predstavnika Kanadskog parlamenta ujedinjuje Kanadu s mnogim drugim zemljama u onome što je trebalo biti učinjeno odavno. Brian Masse, Član Kanadskog parlamenta i sponzor Rezolucije M – 416.

Želim se zahvaliti Kanadsko-bošnjačkoj zajednici za odličan rad i velike uložene napore u kampanji za usvajanje Rezolucije M-416. Zahvaljujući upornosti i odlično vođenoj kampanji Kanadsko-bošnjačkih lobista sve parlamentarne partije su prihvatile Rezoluciju kojom se 11. juli u Kanadi obilježava kao dan sjećanja na žrtve genocida u Srebrenici i BiH. Meni je bila velika čast i privilegija da radim sa Bošnjačko-kanadskom zajednicom u ovoj veoma važnoj akciji. Hvala Bošnjačko-kanadskoj zajednici u ime svih Kanađana. Rob Oliphant, član Kanadskog parlamenta.

U Evropi, čovječanstvo svjedoči niz najstravičnijih genocida: Armenski genocid, Holodomor, Ukrajinski genocid i najveće zlo među svim zločinima, Holokaust. Evropa je tada obećala čitavom svijetu, 'Never Again'. Prije petnaest godina, zlo se ponovilo u Evropi, u Srebrenici i Bosni i Hercegovini. To je sramno kako za Evropu, tako i za cijeli svijeta. Kada će naš zalog 'Never Again' stvarno značiti 'Never Again. Borys Wrzesnewskyj, član Kanadskog parlamenta. U ime mojih klijenata, "Majke Srebrenice i Podrinja", želim od srca čestitati bošnjačko-kanadskoj zajednici za izvanredan rad u vođenju kampanje za usvajanje rezolucije o genocidu u Srebrenici u Kanadskom parlamentu. Slične rezolucije trebaju usvojiti parlamenti svih zemalja u svijetu. Profesor Francis A. Boyle advokat za "Majke Srebrenice i Podrinja". Pravna činjenica o zločinu genocida u Srebrenici je pravno osnovana, potvrđena i dokazana od strane Međunarodnog krivičnog tribunala za područje bivše Jugoslavije i Međunarodnog suda pravde. Nadam se da će usvajanje rezolucije o genocidu od strane Kanadskog parlamenta učiniti težim ignorisanje pravne činjenice o genocidu u Srebrenici i Bosni i Hercegovini od strane negatora genocida. Profesor dr. Marko Hoare, historičar

Donošenjem Rezolucije o genocidu u Srebrenici, Kanada ne samo da prizna genocid nad bošnjačkim narodom u Srebrenici, nego podsjeća svijet da trebamo ugraditi zločin genocida u Srebrenici u zajedničko, ljudsko, civilizacijsko, povjesno pamćenje. Dan sećanja na žrtve genocida u Srebrenici nije samo odavanje počasti žrtvama zločina počinjenog sa izričitom namjerom da se uništi čitav jedan narod, već i priznanje patnje preživjelim. Čin usvajanje rezolucije o genocidu u Kanadskom parlamentu je okrenut prema budućnosti u kojoj nove generacije trebaju biti sposobne razumjeti koliko je neophodno sačuvati i promovirati univerzalne vrijednosti čovjeka i civilizacije, koje jedino mogu zaštititi nove generacije od ponavljanja zla. Zato Rezolucija ne smije biti samo čin proglašenja 11.og. jula danom sjećanja na žrtve genocida. Ona mora biti prihvaćena u kanadskoj javnosti kao odbrana i štiti protiv oni koji još uvijek negiraju genocid u Srebrenici, koji je utvrđen presudama Međunarodnog krivičnog tribunala za područje bivše Jugoslavije i Međunarodnog suda pravde. Florence Hartman, francuski novinar, autor.

Čestitke svima koji su bili uključeni u donošenje Rezolucije o genocidu u Srebrenici u Kanadskom parlamentu, koja priznaje patnju ljudi u Srebrenici. Kanadski Bošnjaci trebaju imati na umu da se genocid dogodio ne samo u Srebrenici, već u cijeloj Bosni i Hercegovini između 1992-1995. To trebaju priznati parlamenti svih država u svijetu. Vlada Kanade je odigrala sramotnu ulogu u tom razdoblju, posredno pomažući planere i izvršitelje zločina agresije i genocida u Bosni i Hercegovini. To je činjenica koja se tek treba priznati u Kanadi. Dakle, više posla ostaje da se uradi. Nadam se da će prijatelji istine i pravde nastaviti svoje hrabre napore u odbrani povijesne

istine i pravde o zločinu agresije na Bosnu i Hercegovinu i zločinu genocida protiv Bošnjaka.
Prof. dr. Nader Hašemi.

Genocid Watch pozdravlja Rezoluciju Kanadskog parlamenta kojom se priznaju masakri u Srebrenici i drugdje u Bosni i Hercegovini kao genocid. Ti zločini ne smiju proći nekažnjeno niti se smiju zaboraviti. Genocid Watch snažno poziva Republiku Srbiju da uhapsi počinitelja genocida u Srebrenici i Bosni i Hercegovini, generala Ratka Mladića i preda ga Međunarodnom krivičnom tribunalu za bivšu Jugoslaviju u Hagu. Dr. Gregory Stanton predsjednik Genocid Watch.

Čestitam svima koji su pridonijeli na bilo koji način da Kanadski parlament usvoji Rezoluciju M-416 i proglasi 11. Juli Danom sjećanja na žrtve genocida u Srebrenici, priznajući tako ovaj strašni zločin. Ovo je još jedan uspjeh Kanadskih Bošnjaka koji su izabrali Kanadu, državu mirnog suživota njenih građana, za svoj novi dom. Iskrena hvala i zahvalnost pripada gospodinu Brian Masse koji je stručno usmjeravao podršku za prihvatanje rezolucije u parlamentu. Brian Masse unatoč mnogim izazovima i prijetnjama nije odustao od napora da se rezolucija usvoji, prenoseći članovima Kanadskog parlamenta brojne poruke bošnjačko kanadske dijaspore. Ovaj veliki korak Instituta za istraživanje genocida Kanada nužno će Kanadu ponovo popeti na planine pravde. Naučno istraživanje genocida je veoma važno u procesu suzbijanja tog zločina u svijetu. Samo zajedničkim radom za sve ono što je pozitivno za sve ljude bez obzira na njihovo porijeklo predstavlja najbolju opoziciju eventualnim zločinima genocida u budućnosti. Sjetimo se: " Zlo se događa, jer dobri ljudi ne čine ništa". Sir Winston Churchill. Prof. Dr. Safia Soliman, UK.

Moje iskrene čestitke Institutu za istraživanje genocida Kanada i Kongresu Bošnjaka Sjeverne Amerike za uspješnu kampanju po pitanju usvajanja Rezolucije o genocidu u Srebrenici u Kanadskom parlamentu. Ovo je još jedan korak u priznavanju genocida u Srebrenici i Bosni i Hercegovini za vrijeme agresije 1992-1995. Iako se žrtve ne mogu vratiti natrag u život, i ako se zločini nad velikim brojem muškaraca, žena i djece nikada ne mogu zaboraviti, odluka Kanadskog parlamenta je važan korak u prepoznavanju žrtava genocida i drugih ratnih zločina, osuđivanju počinitelja zločina genocida i prevenciji sličnih radnji u budućnosti. Odluka Kanadskog parlamenta takođe pomaže da se bar djelimično otkloni sramota Kanadske vlade koja je pomagala i podržavala zločine počinjene u Bosni i Hercegovini, negirajući genocid nad Bošnjacima. Nadam se da će i druge zemlje svijeta slijediti Kanadu i u svojim parlamentima donijeti rezolucije kojim će se 11. juli proglasiti danom sjećanja na žrtve genocida u Srebrenici i Bosni i Hercegovini. Profesor dr. Ron Adams La Trobe Univerzitet Australija

Osuda i priznavanje zločina moraju u suvremenom svijetu postati nužnost demokracije. I danas prisutno negiranje genocida koji se dogodio nad Bošnjacima u Bosni i Hercegovini predstavlja suučesništvo u genocidu jer takvo što ne da je dobar put novim naraštajima. Usvajanje Rezolucije o genocidu u Kanadskom parlamentu nije i nesmiije biti važno samo za Bošnjake već predstavlja dužnost svih nas da ne zaboravimo one koji su stradali i predstavlja osudu zločina koji se u 20. stoljeću na tlu Evrope nije smio dogoditi. S druge strane sramotno je što je za istinu još uvijek potrebna velika borba, a budući da je Povijest učiteljica života pred svima nama je još

uvijek velika borba kako bi se prihvatila jedna jedina istina jer samo povijest utemeljena na istini može graditi bolju budućnost. Profesor Maja Kassa

Usvajanje Rezolucije o genocidu u Srebrenici, zaštićenoj zoni UN, koji se desio u julu 1995. godine, od strane kanadskog Parlamenta je dokaz i nada da se za istinu mora i može izboriti i da ta borba nikada ne treba prestati kako bi žrtve imale svoj mir a zločinci zasluženu kaznu.

Parlament EU, Kongres USA, Parlament Kanade, naši susjedi i mnoge druge države širom svijeta konačno shvataju šta se 1995. godine desilo u Srebrenici u BiH i pokazuju da prihvataju odluku suda pravde i njene posljedice. Skupština UN, pod čijom je zaštitom bio narod u zaštićenoj zoni u Srebrenici nad kojim je učinjen genocid, ima odgovornost i obavezu da također usvoji Rezoluciju o sjećanju na 11. Juli kao dan sjećanja na žrtve genocida u Srebrenici i koja bi bila obavezujuća za sve zemlje članice UN. Mr.sci. Husein Nanić, zastupnik u Predstavničkom domu Parlamentarne skupštine BiH, član komisije za vanjske poslove PS BiH.

Rezoluciju o genocidu u Srebrenici, koju je usvojio Parlament Kanade, smatram izuzetno važnim dostignućem humanosti suvremenog svijeta, ali i vrlo važnim političkim aktom čiji cilj je osujećivanje sličnih kolektivnih stradanja najvišega reda u budućnosti. Usvajanje ove Rezolucije ima posebnu težinu i naročit značaj, budući da ju je usvojio Parlament jedne moćne i planetarno važne zemlje. Svjestan sam u punoj mjeri svih ovih pozitivnih faktora, te zato i srcem u umom zahvaljujem Parlamentu Kanade na ovome velikom činu humanizma. Smatram da je Rezolucija važna naročito danas, zbog najmanje dva razloga. Prvo, međunarodna zajednica je svojevremeno dopustila da se dogodi genocid u Srebrenici, pa se ni danas njen velik i moćan dio ne ponaša prema BiH i Srebrenici u skladu s tom dokazanom činjenicom. Drugo, svjedoci smo da danas u svijetu – dakle, i umnoštvo zemalja Zapada – silno jača ekstremizam, desna politička opcija koja vodi u kataklizmične međukulturalne sukobe. Stoga Rezoluciju vidim kao dragocjenu svjetlost na horizontu koji se već uveliko zamućuje. Akademik dr. Esad Duraković, redovni profesor na Filozofskom fakultetu u Sarajevu.

Bošnjaci su danas jedan od naroda svijeta koji živi postgenocidnu egzistenciju. Imaju potrebu za slobodom i jednakosti, kao i svi drugi narodi, a to je autentičan izraz njihovog savremenog života. Sva društva u kojima ljudi danas organiziraju svoje interese i htijenja podrazumijevaju načelo jednakost kao temeljno načelo modernih društava. Genocid u kojem je 1995. godine ubijeno hiljade bošnjačkih civila u regionu Srebrenice (istočna BiH) predstavlja najveći zločin u Evropi poslije Drugog svjetskog rata. Zločin genocida nad Bošnjacima izvršili su vojska i policija Republike Srpske, kojom je tada predsjedavao Radovan Karadžić, i brojne vojne formacije iz Srbije na čijem je čelu tada bio Slobodan Milošević. Onaj koji je komandovao izvršenjem zločina genocida, ratni zločinac Ratko Mladić, nažalost, još uvijek je na slobodi u Srbiji. Djelo velikosrpskog zločina ostalo je da postoji kao znak sramnog zlodjela nad jednim narodom. To je današnji svijet u kojem živimo. Nade bošnjačkog naroda usmjerene su u razumnost velikih nacija i njihovu općeljudsku podršku. U tom kontekstu, usvajanje rezolucije M-416 o genocidu u Srebrenici od strane kanadske Vlade predstavlja snažnu i znakovitu podršku državi Bosni i Hercegovinu, njenim građanima, narodima, ali posebno Bošnjacima u ostvarenju jednakosti, prava i pravde. Bošnjaci su zahvalni svim prijateljima u Kanadi, a posebno onima koji su pomogli da se institucionalno sporovede ova važna rezolucija. U tom se prepoznaje prijateljstvo između Kanade i Bosne i Hercegovine koje je zalag naše zajedničke, ljudske budućnosti. U ime BZK „Preporod“ iskazujem neopisivu zahvalnost kanadskoj Vladi na ovoj velikoj i važnoj podršci da Država Bosna i Hercegovina napokon stane na svjetsku pozornicu slobode, jednakosti i pravde.

Tako zahvaljujem se svim istinskim borcima za ljudska prava u Kanadi koji su uspješno vodili ovu veoma značajnu akciju. Profesor dr. Senadin Lavić, Predsjednik BZK „Preporod“

Sjećanje na genocid nad bošnjačkim stanovništvom u regiji Srebrenica u julu 1995 godine, sve više zadobija planetarne rezmjere. Ne u pogledu sadržaja, npr. otkrivanjem novih detalja tog strašnog zločina, nego prije svega u formi. U formi bar simboličke verbalne osude tog zlodjela od strane parlamenata demokracija širom svijeta. U tom nizu izraze našeg poštovanja zaslužuje Parlament Kraljevine Kanade koji je, nakon duge i teške intelektualne borbe Bošnjaka koji žive u Kanadi, jednoglasno adoptirao rezoluciju o osudi genocida u Srebrenici i izrazio mišljenje da 11. juli treba označiti danom sjećanja na Srebrenicu. Treba se podsjetiti da je ova pobjeda Instituta za istraživanje genocida Kanada i Kongresa Bošnjaka Sjeverne Amerike uslijedila nakon iskrenog odnosa i podrške čelnika Liberalne partije Kanade prema inicijativi bošnjačkih intelektualaca koji žive u toj zemlji, da se osudi taj najstrašniji zločin počinjen na tlu Evrope nako Drugog svjetskog rata. U toj humanoj misiji znatnu aktivnost iskazao je i Institut za istraživanje genocida Kanada, čiji čelnici zaslužuju našu posebnu zahvalnost i divljenje. Ovakve rezolucije služe da nas podsjećaju da se taj strašni zločin, nikada, nikada ne smije zaboraviti i da počiniozi zločina ne smiju proći nekažnjeno. Dr. Suad Arnautovic, Profesor na Fakultetu političkih nauka Univerziteta u Sarajevu, Član Centralne izborne komisije Bosne i Hercegovine.

Pa ko zna koji put se pokazalo da istina i borba za istinu idu pod ruku. Za istinu se mora boriti i ona ne dolazi sama, ona se u našem slučaju genocida nad Bošnjacima ne podrazumijeva i mora se stalno dokazivati. Bošnjačke izjave u posljednje vrijeme tipa cijeli svijet zna šta je bilo u BiH i da je bio genocid nam ne pomažu. Kako sam bio i dio tima koji je radio na usvajanju EU rezolucije o Srebrenice znam koliko truda treba da se usvoji ovakava rezolucija. Svi koji su na bilo koji način pomogli usvajanje ove Rezolucije su svojevrsni heroji. Ovakve Rezolucije i akcije nam olakšavaju i naš rad na ICTY-Den Haag. Amir Ahmić, Bošnjački oficir za vezu sa Međunarodnim krivičnim tribunalom za područje bivše Jugoslavije.

Kanadsko usvajanje Rezolucije o Srebrenici treba da nas uvjeri da smo u pravu kada se borimo za instituciju kulture pamćenja, kao što su to bili i Jevreji kada su 20-tak godina nakon Drugog svjetskog rata krenuli u veliki projekat izgradnje multidisciplinarnе mekorije o holokaustu. Pred našom generacijom su naredne obaveze - da u Sarajevu izgradimo Muzej genocida, da bošnjačku žrtvu oslobodimo iz geta Srebrenice i da se borimo za jednak odnos prema svim našim žrtvama, da bošnjačka žrtva bude institucionalno pamćena kroz obrazovne i kulturne programe, komemorativne i spomeničke komplekse, da bude zaštićena zakonom od vrijeđanja, negiranja i minimiziranja. Kanadska Rezolucija nas uvjerava u ispravan put i biva inspiracija za naredne korake. Magistar Fatmir Alispahic, književnik i publicista.

Čast mi je da u ime Bosansko-američkog Inistuta za istraživanje genocide i edukaciju čestitam Bosanko-kanadskoj zajednici na usvojenoj Rezoluciji kojom se 11. juli proglašava u Kanadi danom sjećanja na žrtve genocida u Srebrenici i čitavoj Bosni i Hercegovini tokom Agresije na nezavisnu državu Bosnu i Hercegovinu 1992-1995 od strane susjednih država Srbije, Hrvatske i Crne gore. Ovom Rezolucijom se pozivaju svi građani Kanade da se zajednički zalažu da se zaustavi ciklus nasilja i da se promoviše miran suživot među svim ljudima na Zemlji. Posebno

čestitam Emiru Ramiću, direktoru Instituta za genocid u Kanadi, Predsjedniku Kongresa Bošnjaka Sjeverne Amerike, Ogranak za Kaanadu koji je pet godina istrajno vodio ovu akciju sa čvrstim uvjerenjem da istina i pravda moraju pobjediti, i na taj način preventivno djelovati na spriječavanje budućih zlocina protiv humanosti i međunarodnog prava. Sanja Drnovšek, Direktor Bosansko-američkog instituta za istraživanje genocida i edukaciju.

Čestitke Institutu za istraživanje genocida Kanada i Kongresu Bošnjaka Sjeverne Amerike za jednoglasno usvajanje Rezolucije o genocidu u Srebrenici nakon 5 godišnje uporne borbe i lobiranja. Ova Rezolucija obavezuje sve građane Kanade da 15. juli obilježe na adekvatan način sa porukom da se genocid nikada, nikome i nigdje ne dogodi i ne ponovi.

Nadamo se da će vremenom i brojna srpsko četnička populacija u Kanadi, koja se tako uporno borila lažima i podvalama protiv usvajanja ove Rezolucije, upravo zbog njihove djece i budućih generacija vremenom prihvatiti njene poruke i pouke, suočiti se sa realnošću prošlosti, osuditi je i priznati zločine, tražiti oprost, baš kao i Njemci nakon Holokausta, i tako sprati ljagu bar sa budućih generacija u cilju bolje zajedničke budućnosti. Sanja Seferović Drnovšek, direktor Bosansko američkog instituta genocida, Mensur Seferovic, historičar i pisac, Selena Seferović, direktor Bosanske biblioteke u Čikagu

Svaka javna osuda bilo kojeg oblika zločina je velika stvar za ljudsko društvo, a posebno osuda najtežih oblika zločina kao što je genocid. Rezolucija koju je usvojio Kanadski parlament daje nadu da će u budućnosti biti sve manje onih koji planiraju masovne zločine. Pored toga, to je i mala satisfakcija za žrtve genocida, odnosno njihove najbliže, kao i ljude koji su radili na usvajanju navedene rezolucije. Nadati se da će biti još više takvih rezolucija kako bi bio sve manji broj onih koji ne priznaju genocid u Srebrenici, ili ga žele minimizirati. Kao osoba koja je izgubila nekoliko članova svoje porodice, kao i više osoba bliže rodbine, zahvaljujem se Kongresu Bošnjaka Sjeverne Amerike i Institutu za istraživanje genocida Kanada na ustrajnom radu u globalizaciji zločina genocida. Prof. dr. Alija Suljić.

Hvala aktivistima Instituta za istraživanje genocida Kanada i Kongresa Bošnjaka Sjeverne Amerike na ovom uspjehu što su se lavovski borili, i izborili, da dođe do ove realizacije. Mirsad Mujović, PhD, The Independent Institute for Social Studies.

Čestitam i zahvaljujem se suradnicima Instituta za istraživanje genocida Kanada i svim akademikima, aktivistima za ljudska prava, pojedincima i grupama koji su sudjelovali u promicanju istine o genocidu u Srebrenici i drugim ratnim zločinima počinjenim u Bosni i Hercegovini od strane srpske vojske i policije u vrijeme agresije 1992-1995 protiv Bosne i Hercegovine i njenih naroda. Usvajanje Rezolucije o Danu sjećanja na žrtve genocida u Srebrenici od strane Kanadskog parlamenta je važna pobjeda kanadskih Bošnjaka, važno je priznanje onima koji su poginuli i onima koji su preživjeli. Takođe to je službena državna osuda onih koji su počinili genocid. Imenovanjem srebreničkog zločina genocidom kao najtežim zločinom protiv čovječnosti s namjerom da se Bošnjaci unište u cijelosti, kanadski Parlament čini važan korak u spriječavanju budućih genocida bilo gdje u svijetu. Važno je zapamtiti da je Kanada, kao i mnoge druge zapadne zemlje, bila uključena u 'mirovnoj misiji' u Bosni između 1992 - 1995. Tokom te 'mirovne misije' deseci hiljada nevinih civila svih starosnih dobi i spola brutalno su ubijeni, a više od dva miliona ljudi protjerani iz svojih domova od strane počinitelja koji nisu poštovali svetost života, Ženevske konvencije i Rezolucije UN-a. Nemogućnosti (kao i nevoljnost, neznanje i arogancija) nekih od onih koji su predstavljali Kanadu i Ujedinjene narode

u Bosni i Hercegovini, kao zloglasni general Lewis Mackenzie, nisu učinili ništa da se spriječi genocid, pomagali su izvršioce genocida i tako posramili kanadsku i svijetsku politiku. Usvajanjem rezolucije o genocidu u Srebrenici, Kanadski parlament u ime svih Kanađana ispravlja, barem simbolički i retrospektivno, nepravdu koje su počinili pojedini Kanađani u Bosni i Hercegovini. Poštovani Brian Masse i ostali članovi kanadskog parlamenta su pokazali da preživjele žrtve bosanskog genocida nisu usamljene u svojoj potrazi za pravdom i časnim sjećanjem na ubijene u genocidu u Srebrenici. Političke akcije poput usvajanja Rezolucije M-416 su važne i potrebne, kao podstrek svim zemljama u svijetu da u svojim parlamentima usvoje rezolucije o danu sjećanja na žrtve genocida u Srebrenici, da se tako stalno sjećamo onih koji su nestali i podsjećamo druge da se loše stvari događaju kada dobri ljudi ne čine ništa. Dr Hariz Halilovich, Profesor – Istraživač, Univerzitet, Melburn, Australija

Samo usvajanje rezolucije o Srebrenici u Kanadskom Parlamentu, jeste umirivanje nečiste savjesti Kanadskog Parlamenta, gdje su snage Kanadskog UNPROFOR-a morale odreagovati u cilju sprečavanja stradanja civila, ali su se nečinjenjem svrstale na stranu agresora. Pored očiglednog tolerisanja postupaka agresorskih snaga na Srebrenicu i druge zaštićene zone, jer se nije poduzelo ništa kako bi se spriječilo gušenje naselja i masakriranje civila, gdje je čak zabilježena pojava kako “bezbjedonosne snage” pružaju podršku agresoru u cilju “odrađivanja” planiranog zadatka tj. potpunog uništenja bošnjačkog naroda. Međutim, ovdje se treba osvrnuti na rad bosanske lobističke grupe i rad prof. Emira Ramića koji su svojom borbom za pravilnu svijest o stradanju bošnjačkog naroda, kao i očuvanja nacionalnog identiteta otvorili vrata Kanadskom Parlamentu da barem djelomično rehabilituje svoju sramnu ulogu u stratištu Bošnjaka. Za nadati se da formirane zablude kanadske vlade, naravno pod jakim uticajem srpskog lobija, koje su pridonosile ovakvim destruktivnim stavovima i zabludama o Bosni i bošnjačkom narodu, su napokon dio jednog sramotnog historijskog ciklusa, i da vrijeme koje je pred nama napokon postane vrijeme dijaloga i istine. Muharem Obradović, autor.

Nedavno je Kanadski Parlament osvojio rezoluciju koja proglašava 11. juli kao Dan Sjećanja u Kanadi na žrtve genocida u Srebrenici. Ova rezolucija potvrđuje činjenice koje su dogodile u Srebrenici u julu, 1995, pokolj Bošnjaka i nasilno protjerivanje Bošnjaka iz svojih domova, kao činjenice genocida. Na kraju se prizna da se dogodio i genocid u Bosnu i Hercegovinu za vrijeme agresije. Ovo je veliki korak prema pravdi za nevine ljude koji su nastradali u Srebreničkom genocidu i za sve koji su nevino stradali u agresiji i genocidu u Bosni i Hercegovini. Tek kada se pravda potpuno izvrši, bit će moguće za sve građane i narode u Bosnu i Hercegovini izgraditi čvrst i trajni mir. Suzana Vukić, novinar The Hudson/St. Lazare Gazette, Montreal.

Kada se buduće generacije Bošnjaka na sjevernoameričkom kontinetu budu bavile proučavanjem svoje historije na prostoru Kanade siguran sam da će 19. oktobar 2010 biti datum koga će spominjati sa posebnim ponosom. Napokon, nakon višegodišnje kampanje, relativno mala bošnjačka zajednica predvođena aktivistima Instituta za istraživanje genocida Kanada i Kongresa Bošnjaka Sjeverne Amerike uspjela se izboriti da Parlament Kanade usvoji Rezoluciju o genocidu u Srebrenici odajući počast žrtvama genocida i agresije na Bosnu i Hercegovinu. Ovim činom nije samo prepoznata žrtva već je jasno upućena opomena i poruka da se nikada i nikom ne ponovi golgota Srebrenice. Srebrenička tragedija je odavno prevazišla samo bošnjačku moralnu i patriotsku obavezu pamćenja i sjećanja i postala poziv na katarzu ukupnog čovječanstva. Kanada je i pored svih opstrukcija i pokušaja politizacije Rezolucije pokazala svoju sposobnost da prepozna taj poziv Zbog toga Bošnjacima Kanade, članovima

političkih partija i njihovim predstavnicima u Parlamentu Kanade jedno veliko hvala na ovom prije svega humanom ali važnom političkom uspjehu. Profesor Semir Đulić Usvajanje rezolucije o genocidu u Srebrenici u Kanadskom parlamentu je od značajnih, historijskih vrijednosti, jer jasno, pravno i politički identificira da je genocid počinjen nad građanima Srebrenice. Mi nikada ne možemo zaboraviti što se dogodilo u Srebrenici i rezolucije, poput one koju je donio Kanadski parlament su garancija da će ovaj tragični događaj zauvijek biti zapamćen i dokumentiran u historiji čovječanstva kao primjer najvećeg zla protiv čovjeka i civilizacije. Nadamo se da će rezolucija osigurati da se takvi događaji ne ponavljaju i da se zločinci zaustave u obavljanju svojih barbarskih djela protiv čovječanstva. Kao Američki Bošnjak posebno mi je drago da su i moje druge domovine, SAD i sada Kanada kao američka sestra usvojile rezolucije o genocidu u Srebrenici i tako osudile teror i prepoznale zločin genocida protiv naše braće i sestara u Srebrenici. Iskreno se zahvaljujem kanadskom narodu i vladi za usvajanje rezolucije kao važnom koraku da se nikada zlo ne zaboravi i nikada više ne ponovi u historiji ljudskog roda. Džafer Kulenovic, Chicago, Illinois, USA

Činjenica da je Kanadski parlament označio 11. juli kao Dan Srebrenice veoma je važna meni kao Kanađanki, Bošnjakinji i ljudskom biću. Nisam iz Srebrenice, ali u posljednjih nekoliko godina sponzorujem Šemsu Čatić, koja je bila djetė kad su u julu 1995 njen otac i brat nestali iz njihovog sela koje se nalazi u okolini Srebrenice. Šemsa je sada djevojka na studijama u Sarajevu. 2007 upoznala sam Šemsu, njenu mamu, sestru i sestricu u Ilijasu. Šemsina porodica je jedna od mnogih koje su razorene zauvijek genocidom koji su Srbi počinili nad Bošnjacima Srebrenice. Nadam se da ćemo kroz pamćenje 11. jula spriječiti buduće genocide tako da se Šemsini doživljaji ne ponove nikom drugom bilo gdje ikada. Sanela Gorović, Institut za istraživanje genocida Kanada

Vjerovatno niko nije potpunije i jasnije izrazio sam čin nedavnog usvajanja rezolucije o genocidu u Srebrenici u Kanadskom Parlamentu nego što je to učinio Brian Masse, M.P., inače, član Nove Demokratske Partije. On je, jednostavno, to nazvao: "Institulizacija Dana sjećanja na Srebrenicu". Tog dana sam na moj "facebook" stavio "O Kanada" (jedno od najljepših vokalnih izvođenja) i napisao da je "danas zaista biti lijepo i Kanađanin i Bošnjak". Ubijeden sam da usvajanje ove rezolucije ima veliki značaj za Kanadu - prvo, kao izrazito demokratsku zemlju i drugo, kao zemlju koja svoje humanističke principe čuva kao osnovne vrijednosti svoje unutrašnje i spoljne politike. Usvajanje rezolucije će biti upamćeno kao jedna od svijetlijih tačaka "Harperove ere". Ono što akt usvajanja rezolucije reflektira u meni, jeste dvojako osjećanje, osjećanje zahvalnosti Bogu što moja djeca žive u zemlji u kojoj se cijeni ljudskost i osjećanje velikog respekta prema mojoj novoj domovini. Ozbiljno pitanje je sada šta su zadaci Bosansko-hercegovačke dijaspore u Kanadi. Naime, rezolucija je, bar u političkom smislu, dokinula osjećaj žrtve kod Bosnjaka i pri tom otvorila uslove za moguću saradnju i pomirenje. Ostaje, naravno, stalan zadatak proganjanja i hapšenja počinioca ratnih zločina u ratu u Bosni i Hercegovini. Imam želju i to je moj san, da djeca nas koji smo izašli iz tog rata družu se slobodno, bez obzira na nacionalnu pripadnost, budu ponosni Kanađani i da vole grudu gdje su ponikli njihovi roditelji. Nema zločinackih naroda, postoje samo ljudi i njihove "dobre i loše duše", da citiram velikog Rumij. Zijad Burgić, novinar.

Usvajanje Rezolucije o genocidu u Kanadskom parlamentu je grandiozan uspjeh bošnjačko-kanadske zajednice predvođene Institutom za istraživanje genocida Kanada i Kongresom Bošnjaka Sjeverne Amerike. Znam da su Kanadski Bošnjaci imali velike protivnike, ali su oni još

jedanput dokazali koliko su veliki i hrabri. Rat protiv Bošnjaka još traje, samo što se sada vodi diplomatskim putem. Kanadski Bošnjaci su imali protiv sebe jednu od najvećih i najačih dijaspora u Kanadi. Srpska dijaspora potpomognuta sa svojim istomišljenicima bjelosvjetskm, svo vrijeme je bila velika prepreka i barikada. Sulejman V. Aličković, književnik.

Usvajanje Rezolucije o genocidu u Kanadskom Parlamerntu je izuzetan korak u historijskom kontestu agresije na Bosnu i Hercegovinu. Dokumentat sam pažljivo pročitao i uvjerio se da put kojim su morali proći Kanadski Bošnjaci nije nimalo jednostavan. Zato Tim na čelu s profesorom Ramićem zaslužuje pohvalu i verifikuje vrijednost Instituta za borbu protiv genocida počinjenog u Bosni i Hercegovini. Nama koji pratimo uporni rad Kanadskih Bošnjaka je čast i privilegija što je ovaj posao samo početak u iznošenju na svjetsku scenu onoga što se pokušalo zaboraviti po završetku agresije. Rad na tom projektu će nadam se trajati decenijama jer je puno toga urađeno u Bosni i Hercegovini u periodu agresije. Susjedne zemlje Srbija i Hrvatska se moraju suočiti sa činjenicama i shvatiti da njihove ambicije danas i nedjela u periodu agresije na Bosnu i Hercegovinu predstavljaju ideologiju srednjeg vijeka. Rezultati Kanadskih Bošnjaka uveliko potvrđuju državnost, nezavisnost, samostalnost i jedinstvo države Bosne i Hercegovine, otvoreno, slobodno, civilno društvo u Bosni i Hercegovini i stabiliziraju političku klimu na Balkanu. Sabit I. Milinkich.

Čestitke lobističkom kanadsko-bošnjačkom timu na ovom uspjehu. Borba za istinu i da se istina ne zaboravi je veoma važna. Treba biti uporan i hrabar da se takvo nešto postigne. Alija Izetbegović je jednom rekao da je život borba između dobra i zla, te da je to najčešće nepravedna borba, ali nam ne preostaje ništa drugo nego da se borimo protiv zla. Ja bih dodala da ta borba daje smisao i snagu životu i na taj način život postaje ljepši. Amra Hodžić.

Kongresu Bošnjaka Sjeverne Amerike i Institutu za istraživanje genocida Kanada čestitamo na uspješnom višegodišnjem radu na usvajanju Rezolucije Kanadskog parlamenta o 11. Julu, Danu sjećanja na počinjen genocid od strane Srba nad Bošnjacima u Srebrenici. Ova Rezolucija Parlamenta Kanade, za koju ste se uporno borili i znalački izborili, utoliko je značajnija jer se radi o vanevropskoj moćnoj državi, a naslanja se na Rezoluciju Evropskog parlamenta o obilježavanju genocida u Srebrenici od januara 2009. godine. Affan Čehajić.

Kanadski Bošnjaci su uspjeli dobiti Rezoluciju o genocidu u Srebrenici u Kanadskom parlamentu, nakon neviđenog prljavog lobiranja neprijatelja Bosne i Hercegovine i Bošnjaka u Kanadi na čelu sa velikosrpskim lobistom Mekenzijem te nedavnog blokiranja iste od strane Kanadskog premijera. Tako su dokazali kanadskim poslanicima i civiliziranom svijetu da je na kraju pravda i istina o genocidnu nad Bosnjacima Srebrenice i Bosne i Hercegovine neosporna i da je ovom rezolucijom Kanadski parlament stao na stranu istine i respekta prema žrtvama srebreničkog i bošnjačkog genocida. Međunarodna zajednica uključujući i Kanadsku vladu takođe snosi dio odgovornost za isti jer su nam tih godina brutalne agresije Srbije i Karadžićevih pobunjenika vezali ruke embargom na oružje u vrijeme velikosrpskog zla i agresije nad golorukim građanima Bosne i Hercegovine, a zauzimanjem UN zaštićene srebreničke enklave i počinjenim genocidom nad srebreničanima pokazali vrhunac svog velikosrpskog - četničkog, ideološkog zla. Dugogodišnji uspješni rad Instituta za istraživanje genocida Kanada i Kongresa Bošnjaka Sjeverne Amerike kao i svih prijatelja i lobista Bosne i Hercegovine je krunisan još jednim

zaslužnim rezultatom kao dug i respekt svim stradalim u srebreničkom genocidu nad Bošnjacima kao i svima onima koji su preživjeli golgote agresije kao posljedica mračnih ideologa zla iz Srpske akademije nauka i umjetnosti. Sadašnjim i budućim generacijama ostaje da se bore da zaborav ne prekrije prošlost i da nam bude pouka za budućnost, da se sjetimo tragične prošlosti ali i dodatni motiv da se borimo da sadašnja nepravda zločinačke tvorevine tzv.Republike Srpske nastala na tom dokazanom genocidu ne ostane budućnost, već da ostane na sramnim stranicama zločinačke prošlosti kojoj se sudi svih ovih godina na sudovima u Hagu na čelu sa njenim zločinackim predsjednikom Radovanom Karadžićem. Aziz Ramović.

Institut za istraživanje genocida Kanada u saradnji sa Kongresom Bošnjaka Sjeverne Amerike

BOŠNJAČKE INSTITUCIJE POKREĆU NOVU KAMPANJU ZA USVAJANJE REZOLUCIJE I ZAKONA O GENOCIDU U SREBRENICI I BIH U PARLAMENTU KANADE

Institut za istraživanje genocida Kanada u saradnji sa Kongresom Bošnjaka Sjeverne Amerike je započeo novu kampanju za usvajanje rezolucije i zakona o genocidu u Srebrenici i Bosni i Hercegovini u Parlamentu Kanade.

Bez obzira na pozitivne signale Vlade Kanade napisane u pismu Ministra vanjskih poslova Kanade Lawrence Cannon adresiranom na kanadsko bošnjačku zajednicu, Institut i Kongres smatraju da je Parlament Kanade jedino legalno i legitimno mjesto gdje se treba prihvatiti rezolucija i zakon o genocidu u Srebrenici i Bosni i Hercegovini, što su već davno uradili skoro svi parlamenti najrazvijenijih demokratija u svijetu.

Trenutno se u parlamentarnoj proceduri nalaze dva dokumenta. Rezolucija M - 416 čiji je sponzor Brian Masse i Zakon C-533 čiji je sponzor Rob Oliphant.

Institut i Kongres neće prekidati svoju kampanju sve dok se rezolucija i zakon ne usvoje u Parlamentu Kanade.

Izjave intelektualca širom svijeta koji osuđuju sraman čin kanadaskog premijera Stephena Harpera koji je uložio veto na odluku osude genocida u Srebrenici i BiH, i danu sjećanja u Kanadi

KANADSKI PREMIJER STEPHEN HARPER JE SVOJIM VETOM NA REZOLUCIJU O GENOCIDU U SREBRENICI POSTAO POMAGAČ ZLOČINCU

Da li je odluka o vetu Stephen Harpera, premijera Kanade ustvari negiranje genocida nad Bošnjacima Srebrenice i BiH?

Web magazin Bošnjaci.Net je preko bošnjačkih lobista iz Kanade dobio izjave parlamentaraca Kanade, kao i poznatih javnih ličnosti iz svijeta prava, politike i kulture širom svijeta koji osuđuju

stav premijera Kanade Stephena Harpera koji je nametnuo veto na izglašavanje Rezolucije Genocida u Srebrenici i BiH, kao i obilježavanje Dana sjećanja na genocid u Srebrenici u Kanadi.

Brian Masse, član Kanadskog parlamenta i sponzor rezolucije M – 416

Premijer Stephen Harper je stavio veto na rezoluciju zbog termina genocid

"S velikim žaljenjem obavještavamo vas da je prijedlog Rezolucije M - 416 odbijen od strane Ministra vanjskih poslova i Vlade Kanade. Tako se Kanada neće priključiti zemljama demokratskog svijeta koje su povodom 15. godišnjice od genocida u Srebrenici u svojim Parlamentima već usvojile rezolucije kojima proglašavaju 11. juli Danom sjećanja na žrtve genocida u Srebrenici. Budite uvjereni da i ako nismo ostvarili naš cilj, vaš trud i odlično organizovana kampanja i lobiranje je vrlo vrijedno. I ako je ovo tužan dan, naš i vaš glas i glas žrtava genocida više nije usamljen u Kanadskom Parlamentu. Premijer Stephen Harper je stavio veto na rezoluciju zbog termina genocid. Tako nemamo rezoluciju za 15. godišnjicu od genocida u Srebrenici. Ali o ovoj rezoluciji će se glasati u Kanadskom Parlamentu na sljedećem zasjedanju. Ja otkazujem svoj planirani put u Potačare – Srebrenicu – Bosnu i Hercegovinu iz protesta prema Harperovom odbijanju rezolucije o genocidu, jer nije moguće žrtvama genocida u Srebrenici objasniti ovaj neodgovorni, nehumani potez kanadskog premijera".

Robert Oliphant, član kanadskog parlamenta i sponzor Bill 533 – Zakon o obilježavanju 11 jula u Kanadi kao Danom sjećanje na žrtve genocida u Srebrenici

Neka uspomena na one koji su ubijeni u genocidu nekad ne izblijedi

"Zadovoljstvo mi je da predstavim akt koji želi da uspostavi kanadski nacionalni Dan Sjećanja na Srebrenicu koji bi se obilježavao svakog 11. jula. U julu 1995, više od 8,000 Bošnjaka su masakrirani u regionu Srebrenice u Bosni i Hercegovini u zaštićenoj zoni UN-a, od strane snaga bosanskih Srba. Ovo je bilo najveće masovno ubijanje u Evropi od Drugog svjetskog rata. Međunarodni krivični tribunal za područje bivše Jugoslavije i Međunarodni sud pravde u Hagu zaključili su da je masakar u Srebrenici genocid. Također, rezolucije koje osuđuju genocid su izglasane u Evropskom Parlamentu kao i u američkom Predstavničkom Domu i Senatu. Proteklog marta, predsjednik Srbije izdao je puno državno izvinjenje te podržao odluku Međunarodnog suda pravde. Prepoznavajući devastirajuće efekte vezane za genocid u Srebrenici u Julu 1995. godine, ovaj akt bi pružio mogućnost svim Kanađanima da stanu zajedno sa članovima bošnjačko – kanadske zajednice i dijele njihovu bol i respektuju sjećanje na te ljude i djecu koji su masakrirani. Pošto se približavamo 15-oj godišnjici ovog masakra, nadam se da će ovaj akt služiti kao korak u pravom pravcu koji će ultimativno obezbjediti barem prividnu utjehu preživjelim žrtvama genocida bošnjačkoj zajednici u Kanadi. Neka uspomena na one koji su ubijeni u genocidu nekad ne izblijedi".

Francine Lalonde, član kanadskog parlamenta, glasnogovornik za vanjske poslove Bloc Quebecois

Blok Quebecois podržava uspostavljanje Dan sjećanja na genocid u Srebrenici

"Bloc Quebecois prepoznaje važnost za Quebec, Kanadu i međunarodnu zajednicu obilježavanje spomena na strašne i tragične događaje u Srebrenici u julu 1995. Gotovo 8.000 bosanskih Muslimana ubijeno je tamo od pripadnika paravojnih snaga bosanskih Srba. Mnoga kršenja Ženevskih konvencija počinjena su tu, posebice deportacija hiljada žena, djece i starijih osoba i silovanje mnogih žena. Bilo koji proces ozdravljenja i pomirenja počinje prije svega memorijom zločina. Međunarodna zajednica ima odgovornost da uči iz tih događaja koji se opisuju kao "genocid" od strane Međunarodnog suda pravde, kako bi se spriječio njihov povratak i omogućilo potrebno nacionalno pomirenje u Bosni i Hercegovini. Zbog toga bloka Quebecois podržava uspostavljanje Dan sjećanja na genocid u Srebrenici. Više od 60 godina nakon Opće deklaracije o ljudskim pravima i Konvencije o sprečavanju i kažnjavanju zločina genocida, ratificiranih od strane Opće skupštine Ujedinjenih naroda 1948, međunarodna zajednica mora nastaviti rad kako bi se osiguralo istina o događajima u Srebrenici. Pregled zločine počinjenih tokom sukoba u bivšoj Jugoslaviji još uvijek nije dovršen, kao uslov trajnog mira u regiji i uspostavu procesa pravde. Bloka Quebecois će i dalje pratiti ovo pitanje i nastojati osigurati da Harperova vlada da svoj doprinos naporima međunarodne zajednice za stabilnost, mir i trajno pomirenje na ovom području".

Marlene Jennings, član kanadskog parlamenta

Bez oklijevanja, mi Kanadski Liberali su označeni masakar u Srebrenici kao genocid

Bez oklijevanja, mi Kanadski Liberali su označeni masakar u Srebrenici kao genocid. Zbog rasne, etničke, vjerske ili političkih pripadnosti, neke zemlje su nastojali uništiti čitavu populaciju kršenjem njihovih prava na život. Kanađani su izgubili članove svojih porodica u tim genocidima. Naša je odgovornost da prihvatimo sjećanje na te žrtve, kao dokaz na besmislenost tih sadističkog zločina. Kanada mora služiti kao primjer za svijet da se svi narodi, bez obzira na boju, nacionalnost, religija mogu živjeti s dostojanstvom i poštovanjem. Pod prethodnim liberalnim vladama, Kanada se pozicionirala u svijetu kao lider u poštovanju i zaštiti ljudskih prav. Liberalna partija Kanade se zalaže za zaštitu prava čovjeka u svijetu. U tom duhu ponovljam moju podršku za inicijativu da se u Kanadi proglaši 11. juli Danom sjećanja na Srebrenicu".

Hon. Bob Rae, član Parlamenta Kanade

Nikada nije prekasno za početak službenog sjećanja na strašne zločine koji su se dogodili u Bosni i Hercegovini između 1992 i 1995

"Nikada nije prekasno za početak službenog sjećanja na strašne zločine koji su se dogodili u Bosni i Hercegovini između 1992 i 1995. Razumijem važnost Dana sjećanja na žrtve genocida u Bosni i Hercegovini u Kanadi. Ja ću biti sretan da pomognem usvajanje rezolucije u parlamentu".

Profesor Francis A. Boyle, advokata za Majke Srebrenice i Podrinja

Kanadski premijer Stephen Harper je svojim vetom na rezoluciju o genocidu u Srebrenici postao pomagač zločincu

"Kanadski premijer Stephen Harper je svojim vetom na rezoluciju o genocidu u Srebrenici postao pomagač zločincu, čije krivično djelo je dokazano na Međunarodnom krivičnom tribunalu za područje bivše Jugoslavije i Međunarodnom sudu pravde, kao zločin genocida u Srebrenici, unatoč činjenici da je Kanada ugovorna stranka Konvencije o genocidu iz 1948. To nije na tragu obećanja "Never again!" u Kanadi".

Christiana Schwarz-Schillinga, bivši visoku predstavnik u BiH

Zaprepašten sam sljepoćom kanadskog premijera

Ja sam zaprepašten negiranjem zločina genocida u Srebrenici od strane kanadskog premijera Stephena Harpera i njegovom sljepoćom o ovom pitanju. Ja u potpunosti podržavam sadržaj saopćenja od strane Kongresa Bošnjaka Sjeverne Amerike, Kanadski ogranak i Instituta za istraživanje genocida Kanada.

David Pettigrew-a, doktora filozofskih nauka i profesora filozofije na Southern Connecticut State University, SAD

Premijer Kanade mora znati da se ne može govoriti o tragediji Srebrenice ako se, istovremeno, ne govori o genocidu

„Gosp. Brian Masse, član Parlamenta Kanade za područje zapadni Windsor, javlja da je Premijer Stephen Harper izjavio da on neće podržati niti jednu rezoluciju u spomen na Srebrenicu ukoliko ta rezolucija uključuje riječ „genocid“. Ako je ovo stvarno činjenica, onda mi moramo podići slijedeći protest. Ubistvo od više nego 8000 civila, Bošnjaka, u Srebrenici u julu 1995 je, u stvari, službeno označeno kao „genocid“ od strane dvije sudske institucije, a to su Međunarodni krivični sud za bivšu Jugoslaviju, (MKSJ), i Međunarodni sud pravde. Dapače, počiniteljima groznog zločina u Srebrenici su izrečene dvije presude za genocid i dvije presude za „pomaganje i hrabrenje“ u genocidu. Stoga je ovdje potpuno jasno da se ne može govoriti o tragediji Srebrenice ako se, istovremeno, ne govori o genocidu. Štoviše, u nedavnoj presudi, dana 10. juna 2010. godine, u slučaju „Popović i drugi“, MKSJ je izjavio da „obim i priroda operacije ubistva, s šokirajućim brojem izvršenih ubistava, sistematskim i organiziranim načinom na koji je to izvršeno, ciljanje i nezaustavljiva potjera žrtava, i očita namjera - razvidna iz dokaza - da se eliminiira svaki bošnjački muškarac koji je bio uhvaćen ili se je predao dokazuje, van razumne sumnje, da je ovo bio genocid“ (naši navodni znakovi). Stoga smo uvjereni da će g. Stephen Harper, premijer Kanade, biti osjetljiv prema činjenici da bi oni koji su bili žrtve eliminacije prema ciljevima vodstva Republike Srpske, kao i njenog vojnog štaba, bili uznemireni u znanju da vođa jedne razvijene demokratske zemlje, u kojoj svi uzimaju istinu i pravdu za ideale, i u

kojoj se poštuje vlada zakona, neće javno priznati dokumentiran zločin genocida koji je bio usmjeren protiv njihovih osoba, njihovih zajednica, njihove kulture i, u stvari, protiv njihovog povijesnog postojanja kao takvog i sjećanja na to. Nadalje, mi smo uvjereni da će se g. Stephen Harper, premijer Kanade, složiti da je neizbježan čin na putu do pravde i pomirenja u društvu kao Bosna i Hercegovina, nakon sukoba i nakon genocida, u tome da se odgovorno prizna zločin genocida. Ako se to ne učini bi označilo ustrojstvo s onima koji su uključeni u negiranje genocida, zajedno s trenutnim premijerom Republike srpske, Miloradom Dodikom. Većina članova parlamenta, kroz cijeli spektrom političkih stranaka zastupljenih u Parlamentu Kanade, su izjavili dati podršku prijedlogu da se 11. dan jula označi kao dan sjećanja na žrtve genocida u Srebrenici. G. Lawrence Cannon, ministar vanjskih poslova, je isto tako preporučio prihvaćanje prijedloga. Kako se bliži 15-godišnjica genocida u Srebrenici, godišnjica koja će svjedočiti ukapanju nekih osam stotina žrtava čiji su ostaci bili nađeni i izvađeni u napornom procesu iskapanja iz masovnih grobnica, mi zahtjevamo od premijera Kanade, g. Stephen Harper-a, da razmisli o svojoj poziciji u vezi Prijedloga 416, i da se proglasi dan 11. jula kao Dan sjećanja na Srebrenicu“.

Informacija o trenutnom stanju Rezolucije M – 416 i zakona - Bill C – 533 u kanadskom parlamentu

Zakon – Bill – C – 533 – Akt sjećanja na žrtve genocida u Srebrenici

Genocid, riječ je kojom Robert Oliphant, član kanadskog parlamenta ispred Liberalne partije Kanade u prijedlogu zakona {Bill C – 533}, u kanadskom parlamentu, naziva politiku agresije i zločina genocida izvršenih od strane srpskih snaga u Bosni i Hercegovini u periodu od 1992. do 1995 godine. Nadalje se navodi u prijedlogu zakona da je politika agresije od strane snaga bosanskih Srba uz direktnu podršku vlasti Savezne Republike Jugoslavije (Srbije i Crne Gore), dovela do nasilnog ubijanje više od 8,000 Bošnjaka u julu 1995. godine u regionu Srebrenice. To je najveće masovno ubistvo u Evropi od Drugog svjetskog rata te najveći zločin počinjen od strane srpskih snaga agresije na Bosnu i Hercegovinu. U zakonu se dalje kaže da je Međunarodni krivični tribunal za područje bivše Jugoslavije u Hagu jednoglasno odlučio u slučaju "Krstić" da je u Srebrenici počinjen zločin genocida. Takođe Međunarodni Sud Pravde je presudio u Februaru 2007. godine u Tužbi Bosne i Hercegovine protiv Srbije za genocid da je u Srebrenici izvršen genocid sa specifičnom namjerom da se unište Bosanski muslimani - Bošnjaci. Zakon zaključuje da pošto je rezolucija koja osuđuje genocid u Srebrenici usvojena od strane Evropskog Parlamenta 15. Januara 2009. godine, te od strane Američkog Senata i Kongresa 2005. godine, te pošto je 31. Marta 2010. godine Vlada Srbije, predvođena sa predsjednikom Borisom Tadićem izdala državno izvinjenje za genocid u Srebrenici, pružajući prešutno priznavanje genocidne prirode ovog kriminalnog akta, te tako dala podršku odluci Međunarodnog Suda Pravde iz Februara 2007. godine, na osnovu gore navedenog oba doma Kanadskog parlamenta usvajaju zakon „Dan sjećanja na Srebrenicu“, tako što će se u cijeloj Kanadi, u svakoj godini, jedanaesti juli zvati kao Dan sjećanja na genocid u Srebrenici.

Usvajanjem ovog zakona kanadski parlament treba odati duboku počast svim žrtvama agresije i genocida u Bosni i Hercegovini. Takođe kanadski parlament treba odati svoju počast stranim državljanima, uključujući i kanadske, koji su radeći u mirovnoj misiji u Bosni i Hercegovini dali svoje živote. Kongres Bosnjaka Sjeverne Amerike, Ogranak za Kanadu i Institut za istraživanje zločina genocida Kanada izražavaju iznimno zadovoljstvo što je gospodin Robert Oliphant apsolutno prihvatio zahtijev kanadsko – bošnjačke zajednice da u pogledu upotrebe termina genocid nema pregovaranja. Istovremeno koristimo priliku da se zahvalimo Bošnjacima, Bosancima i Hercegovcima te svim prijateljima Bosne i Hercegovine širom Kanade, koji su svojim neumornim radom na lobiranju u zadnjih nekoliko godina omogućili da se istina o agresiji na Bosnu i Hercegovinu i zločina genocida nad Bošnjacima više čuje u Kanadi. Posebno se zahvaljujemo velikim prijateljima Bosne i Hercegovine, članovima Kanadskog Parlamenta: Brian Masse, Robert Oliphant i Francine Lalonde.

Rezolucija M - 416 – na koju je kanadski premijer Stephen Harper stavio veto zbog upotrebe termina genocid

I ako Konzervativna partija Kanade pod liderstvom premijera Stephen Harpera nije prihvatila tekst rezolucije u kojoj se genocidom naziva zločin u Srebrenici, ista rezolucija biće predmet glasanja u Kanadskom parlamentu na jesenjem zasjedanju, kada se očekuje njeno usvajanja, jer već sada ima podršku više od dvije trećine članova parlamenta i tri od četiri parlamentarne političke partije.

Tekst rezolucije M – 416 glasi: “Po mišljenju Kanadskog parlamenta dan 11. juli treba da bude prepoznat kao Dan sjećanja na Srebrenicu kao podsjetnik na masakar u Srebrenici u julu 1995. godine, u kojem je više od 8,000 Bošnjačkih civila ubijeno pod policom etničkog čišćenja, a koji je deklarisan kao akt genocida od strane Međunarodnog krivičnog suda za bivšu Jugoslaviju, a 30,000 ostalih protjerani iz njihovih domova od strane srpskih snaga“.

Time se u proceduri kanadskog parlamenta nalaze rezolucija M - 416 i zakon Bill C – 533. Proces lobiranja kanadskih Bošnjaka za usvajanje rezolucije o genocidu u Bosni i Hercegovini u kanadskom parlamentu je počeo 2005. godine na 10. godišnjicu komemoracije žrtvama genocida u Srebrenici, kada su izjave dali: Pierre Pettigrew, tadašnji ministar vanjskih poslova Kanade i veliki prijatelj Bošnjaka i Bosne i Hercegovine i poštovana Jean Augustine, tadašnji član kanadskog parlamenta ispred Liberalne partije. Augusta 2009. godine Brian Masse, član Kanadskog parlamenta ispred Nove demokratske partije je najavio sponzorstvo rezoluciji pod nazivom M – 416, koja je predviđala proglašenje 11 jula u Kanadi, Danom sjećanje na žrtve genocida u Srebrenici. Rezoluciju su podržale tri parlamentarne političke partije, dvije trećine članova Parlamenta, više od 50 najistaknutijih stručnjaka međunarodnog prava u svijetu. Rezoluciju su podržali i pojedini članovi Konzervativne partije, uključujući i ministra vanjskih poslova Lawrence Cannon. Jedino je premijer manjinske Kanadske vlade Stephen Harper uslovio prihvatanje rezolucije ispuštanjem termina genocid. Kanadski Bošnjaci nisu prihvatili nikakve pregovore oko termina genocid.

Kanadski Bošnjaci neće nikada pregovarati o genocidu, neće prihvatiti rezoluciju bez jedino ispravnog termina za zločin, termina genocid i neće stati u svojoj akciji lobiranja dok god istina o agresiji na Bosnu i Hercegovinu i zločina genocida nad Bošnjacima ne pobjedi u Kanadi.

Emir Ramić,
Kongres Bošnjaka Sjeverne Amerike, Ogranak za Kanadu
Institut za istraživanje zločina genocida Kanada
Safia Soliman, koja je savjetnik za razvoj zajednica u Velikoj Britaniji:

Premijer Stephen Harper da izjavi koji su razlozi za njegovo neprihvatanje ustanovljivanja dana priznanja i sjećanja na genocid u Srebrenici, pogotovo kad su mnogi članovi parlamenta Kanade, kao i lokalnih vlasti, podržali taj prijedlog

„Nakon prestanka ratovanja u Bosni i Hercegovini, putem potpisivanja Daytonskih sporazuma, slijede ove činjevice:

Sistematski zločin genocida protiv Bošnjaka i Bosanaca i Hercegovaca, u periodu 1992-1995 je bio dobro dokumentiran i objavljen.

Neki od onih koji su počinili genocidni „zločin protiv ljudskosti“ u BiH su bili podvrgnuti javnom pravnom procesu i presuđeni krivima u Haagu.

Otvaranja i iskapanja nekih od mnogih masovnih grobnica s tjelesnim ostacima Bošnjaka, od strane stručnjaka međunarodne zajednica, su isto tako bila dobro dokumentirana i objavljena. Veliki broj mladih ljudi koji su bili rođeni kao posljedica silovanja su živi dokaz tog zločina i nosit će brazgotine svog nasljeđa vjerovatno tokom cijelih svojih života. Oni će isto tako nositi genetske znakove silovatelja koji su ih začeli, kao i svojih majki.

Priznavanje dana sjećanja na sve žrtve u Srebrenici, bez obzira na to je su li oni nastradali ili sve to preživjeli, ne bi smjelo predstavljati nikakvu poteškoću niti jednoj državi (i niti jednom političkom zastupniku) koja je potpisnica međunarodne Konvencije o ljudskim pravima. Stoga se nameće Kongresu Bošnjaka Sjeverne Amerike, Kanada, i Institutu za istraživanje genocida, Kanada, da formalno zahtjevaju od premijera Kanade, g. Stephen Harper-a, da on izjavi koji su razlozi za njegovo ne-prihvatanje ustanovljivanja dana priznanja i sjećanja na genocid ljudi u Srebrenici, pogotovo kad su mnogi članovi parlamenta Kanade, kao i lokalnih vlasti, podržali taj prijedlog.

Ljudska prava se odnose na sva ljudska bića bez obzira na rasu, geografsku lokaciju, boju kože, jezik, kulturu, spol, i uključuju sve koji su drugačije omoćeni, bez predrasuda. Genocid nikad ne smije biti neprimjetan.

Dok svijet ulaže značajne napore u suprotstavljanju međunarodnom terorizmu, zašto je to tako očito teško označiti i privesti pravdi one koji su već počinili grozan zločin genocida u koncentracionim logorima i drugdje, u sred Europe u dvadesetom stoljeću? Zašto je to tako očito teško jednostavno proglasiti „Dan sjećanja“ za sve žrtve, u ovom slučaju prošle i današnje stanovnike Srebrenice?“

Prof. dr. Marko Attila Hoare, historičar
Genocid u Srebrenici je dokazan pravosnažnim presudama

Veto premijera Kanade na rezoluciju o genocidu u Srebrenici je sramotan, kao i uloga Kanade u bosanskom ratu. Genocid u Srebrenici se ne dokazuje rezolucijama političara ili parlamenata. Genocid u Srebrenici je dokazan pravosnažnim presudama Međunarodnog krivičnog tribunala za područje bivše Jugoslavije i Međunarodnog suda pravde u Hagu. Bez obzira na stav pojedinih političara ili parlamenata ova pravna činjenica oba suda u Hagu je pravna realnost.

Akademik dr. Esad Duraković, redovni profesor Filozofskog fakulteta u Sarajevu

Izražavam svoje duboko ogorčenje i osudu takvog postupka kao izrazito antihumanističkog i politički pogrešnog čina

“U vezi sa davanjem veta na usvajanje Rezolucije o genocidu u Srebrenici u kanadskom Parlamentu, od strane kanadskog premijera gospodina Stephena Harpera, izražavam svoje duboko ogorčenje i osudu takvog postupka kao izrazito antihumanističkog i politički pogrešnog čina. Genocid u Srebrenici utvrđen je presudom Međunarodnog suda pravde i stoga je veto gospodina Harpera i čin koji je u direktnom sukobu sa međunarodnim pravom i poretkom. Neshvatljivo je i neprihvatljivo da ljudi na tako visokim pozicijama amnestiraju pravno utvrđeni masovni zločin najvišega reda, ali se takvim činom istovremeno omogućavaju budući masovni zločini”.

Prof. dr. Senadin Lavić, predsjednik BZK „Preporod“

Genocid u Srebrenici sudski je dokazan

“Ovim pismom dajemo podršku Kongresu Bošnjaka Sjeverne Amerike: Ogranku za Kanadu, Institutu za istraživanje zločina genocida u Kanadi i svim Bošnjacima Sjeverne Amerike. Molimo vas da nastavite borbu u zastupanju interesa države Bosnu i Hercegovinu te da ne odustanete od rezolucije o Srebrenici.

Stradanje Srebrenice u ratu protiv Bosne i Hercegovine odvijalo se i svih proteklih godina nakon julskih dana 1995. godine kroz sramno ponašanje ljudi koji nastoje genocid u Srebrenici staviti u službu svojih političkih i ideoloških igara. Tako je 18. juna 2010. godine premijer Kanade Stephen Harper negirao zločin genocida nad Bošnjacima Srebrenice, nepristajući da podrži prijedlog da se u Kanadi 11. juli proglasi Danom sjećanja na genocid u Srebrenici. Većina političkih stranaka u Parlamentu Kanade prihvatila je da podrži prijedlog da se u Kanadi 11. juli službeno proglasi Danom sjećanja na žrtve genocida u Srebrenici. Sasvim ispod demokratske i civilizacijske razine Konzervativna partija Kanade, koju predvodi premijer Harper, uslovila je prihvatanje rezolucije o Srebrenici izravnim udarom na samo biće Bošnjaka. Harper i njegovi sljedbenici tražili su od Bošnjaka Kanade da se iz rezolucije izbaci nacionalno ime Bošnjak i umjesto njega stavi termin bosanski narod čime bi se prikrilo ime žrtve. Pored toga, konzervativci su tražili da se umanji broj žrtava genocida u Srebrenici s više od 8000 na manje od 7000 te da se iz rezolucije izbaci termin genocid. Ovdje treba upoznati javnost da je politički mentor premijeru Stephenu Harperu bivši premijer Brian Mulroney, koji je poznat po tome što

je na Vidovdan 1992. godine na četničkom skupu u Hamiltonu, obraćajući se četnicima Kanade, javno rekao da je „srpski sin“.

U Srebrenici 11. jula 1995. godine ubijani su ljudi koji pripadaju bošnjačkom narodu. U Srebrenici su ubijani Bošnjaci! Ubijani su ljudi, građani Bosne i Hercegovine – neovisne evropske države – pred očima cijelog svijeta. Ubijani su žene i muškarci, od novorođenčeta do starica i staraca. U činu genocida učestvovalo je više hiljada Srba. Zločin su počinili velikosrpski barbari koji su pokušali sakriti stotine masovnih grobnica širom Podrinja. I danas to čine. Bošnjaci još uvijek traže ostatke tijela svojih najbližih i sahranjuju ih u Potočarima i u drugim grebljima. Velikosrpski lobi, također, širom svijeta učestvuje u počinjenom zločinu, pokušavajući prikriti genocid koji je počinjen u ime srpskog naroda te relativizirati i obesmisлити genocid u Srebrenici. Relativiziranjem se dovršava genocid nad Bošnjacima Srebrenice te Bosne i Hercegovine. Tačan naziv za zločin nad Bošnjacima Srebrenice jeste termin genocid. Oko tog termina niko nema pravo da pregovara i da ga zamjenjuje nekim drugim koji krivotvori sadržaj počinjenog zločina.

Internacionalni krivični tribunal za bivšu Jugoslaviju je u slučaju „Krstić“ jednoglasno odlučio da je u Srebrenici počinjen zločin genocida. Isto tako, Internacionalni sud pravde u Hagu u februaru 2007. godine, povodom Tužbe Bosne i Hercegovine protiv Srbije za genocid, presudio je da je u Srebrenici izvršen genocid i da je Srbija bila dužna da onemogući taj zločin. U civiliziranom svijetu sudske istine se prihvataju s uvažavanjem i o njima se ne pregovara. One su nesumnjive i obavezujuće. Sudske istine se moraju ispoštovati. To bi, naravno, trebao znati premijer Kanade S. Harper, koji je postao glasnogovornik velikosrpskog lobija i četnika Kanade.

Jasno je da je pokušaj prikrivanja i negiranja genocida u Srebrenici sastavni dio plana onih koji su genocid nad Bošnjacima osmislili i proveli. Genocid u Srebrenici u julu 1995. godine počinjen je kao plansko-organizirani zločin velikosrpskog agresora na Republiku Bosnu i Hercegovinu. Miloševićev režim u Beogradu bio je osnovni pokretač mnogih zločina na tlu bivše države. Svi oni koji danas negiraju genocid u Srebrenici postaju saučesnici velikosrpskog zločina nad građanima Bosne i Hercegovine i svrstavaju se u skupinu zločinaca i ubica.

Genocid u Srebrenici je sudski dokazan i nije predmet bilo kakvog pregovaranja ili političkog nadmudrivanja, već neumitno ustanovljena istina. Molimo Bošnjake Kanade da s drugim odvažnim građanima Kanade, kakvi su Robert Oliphant, Brian Masse, Pierre Pettigrew, Jean Augustine, Lawrence Cannon, Francine Lalonde i mnogi drugi, nastave svoju plemenitu borbu za istinu i pravdu ».

Prof. dr. Smail Čekić, profesor Fakulteta političkih nauka i direktor Instituta za istraživanje zločina protiv čovječnosti i međunarodnog prava, Univerziteta u Sarajevu

Kanadski premijer Stephen Harper negira relevantne historijske činjenice o događajima u Republici Bosni i Hercegovini

«Institut za istraživanje zločina protiv čovječnosti i međunarodnog prava Univerziteta u Sarajevu sa žaljenjem je dobio informaciju od Profesora Emira Ramića, Direktora Instituta za istraživanje genocida Kanada da Kanadski premijer Stephen Harper negira relevantne historijske činjenice o događajima u Republici Bosni i Hercegovini na kraju XX stoljeća, a posebno agresiju na

Republiku Bosnu i Hercegovinu i genocid nad Bošnjacima. Institut, kao autonomna naučno-istraživačka institucija, članica Univerziteta u Sarajevu, od svog fomiranja, naučno-teorijski i naučno-empirijski istražuje genocid i druge oblike zločina protiv čovječnosti i međunarodnog prava, prati događaje, sudske procese, organizuje okrugle stolove, naučne skupove, regionalne i međunarodne konferencije, te prisustvuje međunarodnim konferencijama koje organizuju razni svjetski instituti i naučne ustanove, gdje, na strogo naučnoj, objektivnoj osnovi, pored ostalog, iznosi činjenice o karakteru rata i prirodi počinjenih zločina u Republici Bosni i Hercegovini. Istraživanje genocida i drugih oblika zločina protiv čovječnosti i međunarodnog prava kao najopasnije asocijalne pojave, pogubne po društvo, predstavlja jednu od najhumanijih društvenih aktivnosti, jer same činjenice o tim najtežim kršenjima međunarodnog humanitarnog prava, koje Institut istražuje dovoljna su opomena na tu društveno negativnu i pogubnu pojavu. U tom smislu Kanadskom premijeru Stephenu Harperu Institut iznosi bitne činjenice o događajima u Bosni i Hercegovini na kraju 20. Stoljeća, na osnovu kojih treba da promjeni svoju odluku:

Mnogobrojni relevantni izvori različite provenijencije pouzdano ukazuju na dvije početne i osnovne, bitne, fundamentalne postavke i odredbe savremenih događanja i događaja u Republici Bosni i Hercegovini na kraju XX stoljeća:
prvo, na Republiku Bosnu i Hercegovinu je izvršena klasična oružana agresija, odnosno zločin protiv mira i sigurnosti čovječanstva, što je po osnovnom shvatanju i definiciji međunarodni oružani sukob i
drugo, na okupiranim teritorijama Republike Bosne i Hercegovine i gradovima u opsadi nad Bošnjacima je izvršen najteži zločin - zločin genocida.

Imajući u vidu prethodno navedene bazne postavke, radi historijske istine neophodno je podsjetiti na bitne činjenice utvrđene na osnovu izvorne i relevantne dokumentacije:
- srpski nacizam je ponovo - tokom posljednje decenije XX stoljeća - generirao najteže zločine koji su poznati čovječanstvu;
- srpska nacionalistička elita (politička, intelektualna i crkvena) je, na temelju velikodržavnog projekta Velike Srbije ("svi Srbi u jednoj državi"), devedesetih godina XX stoljeća dovela do unutrašnje krize u SFRJ i razbila zajedničku državu;
- Republika Srbija je izmjenom Ustava od 28. septembra 1990. praktično izvršila secesiju (od SFRJ) i preuzela funkcije samostalne, suverene i nezavisne države, čime je sama izuzeta iz pravnog sistema SFRJ, što je po zakonima SFRJ predstavljalo najteže krivično djelo;
- agresija na Republiku Bosnu i Hercegovinu i genocid nad Bošnjacima čine suštinu zajedničkog zločinačkog poduhvata država SRJ (Srbije i Crne Gore) i Republike Hrvatske, njihovih rukovodstava i brojnih rukovodilaca političkog, vojnog, policijskog i upravnog vrha, te njihovih petokolonaša, kolaboracionista i plaćenika;
- namjera tog zločinačkog čina, utemeljena na srpskom i hrvatskom velikodržavnom projektu, imala je cilj da zauzme Republiku Bosnu i Hercegovinu kao državu, te "konačno rješenje" muslimanskog pitanja - potpuno istrebljenje Bošnjaka ili njihovo svođenje na beznačajnu etničku skupinu. U funkciju tih zločinačkih aktivnosti poslušno su se kao saradnici i izvršioi, stavili servilni petokolonaši iz Bosne i Hercegovine ("Hrvatska Zajednica Herceg-Bosna",

“Republika Srpska” i “Autonomna Pokrajina Zapadna Bosna”) i Republike Hrvatske (“Republika Srpska Krajina”);

- radi ostvarivanja navedenog zločinačkog poduhvata preduzete su sljedeće aktivnosti: razbijen je ustavni koncept odbrane SFRJ; smanjena i razoružana Teritorijalna odbrana Bosne i Hercegovine i još nekih konstitutivnih elemenata Federacije; JNA je od antifašističke i multietničke, “transformisana” u velikosrpsku vojsku; obnovljeni su i eskalirali i Velikosrpski i Velikohrvatski pokret; utvrđeni su metodi, mehanizmi i postupci planiranja i pripremanja zločina; postignut je načelan dogovor o uništenju Bosne i Hercegovine (marta 1991.); omeđavane su granice Velike Srbije i Velike Hrvatske; organizovana je i naoružana peta kolona (velikosrpska i velikohrvatska) susjednih država u Bosni i Hercegovini; komandovanje na okupiranim teritorijama objedinjeno je u rukama šefova susjednih država - okupacionih sila; zauzete su polazne pozicije za agresiju i druge zločinačke aktivnosti, uključujući i genocid nad Bošnjacima;

- agresija na Bosnu i Hercegovinu i genocid nad Bošnjacima su isplanirani (intelektualno, ideološki, politički, vojno, ekonomski, medijski, obavještajno, psihološki, itd.), sa jasno postavljenim ciljem, naređeni sa nadležnih političkih i vojnih mjesta i izvršeni planski, sistematski i organizovano. Poznate su države agresori, zatim ideolozi, planeri, naredbodavci, izvršioc i saradnici, te kako su zločini izvršeni i zbog čega su izvršeni;

- genocid nad Bošnjacima u Bosni i Hercegovini je dobro osmišljen i izvršen planski, sistematski i organizovano, uz, nažalost, masovno učešće srpskog naroda. Samo u genocidu nad Bošnjacima Bosne i Hercegovine u sigurnoj zoni Ujedinjenih nacija Srebrenici, jula 1995. učestvovalo je (po raznim osnovama i na različite načine), prema istraživanjima Vlade Republike Srpske, preko 25.000 ljudi;

- za istrebljenje Bošnjaka, međunarodnim humanitarnim pravom zaštićene grupe (nacionalne, etničke i vjerske), postojala je genocidna zločinačka namjera i genocidni plan (postoje, pored ostalog, naredbe za izvršenje genocida, uključujući i formiranje konclogora). Slobodan Milošević je “bio učesnik u udruženom zločinačkom poduhvatu, koji je uključivao i rukovodstvo bosanskih Srba, čiji su cilj i namjera bili da se djelimično unište bosanski Muslimani kao grupa” (ICTY, Tužilac protiv Slobodana Miloševića, Odluka po prijedlogu za donošenje oslobađajuće presude, Hag, 16. juni 2004.);

- agresija na Republiku Bosnu i Hercegovinu je uz embargo na oružje i humanitarnu politiku Ujedinjenih nacija, Evrope i međunarodne zajednice i međunarodnu strategiju ignoriranja velikodržavnog fašističkog i genocidnog projekta Velike Srbije, bila sastavni dio Miloševićeve državne politike, u čije je ime najveći dio Bosne i Hercegovine okupiran, a Bošnjaci ubijani, protjerivani i odvođeni u konclogore zbog njihove nacionalne, etničke i vjerske pripadnosti i zauzimanja njihove zemlje, pljačkanja materijalnih dobara i druge pokretne imovine, te otimanja i prisvajanja njihovih kuća i stanova i zatiranja tragova kulturnih i civilizacijskih tekovina;

- kolaboracionisti velikosrpskog agresora (politički, vojni, policijski i upravljačko-izvršni potencijal Republike Srpske, odnosno zvanična vlast Republike Srpske) su pod neposrednim rukovodstvom, organizacijom, komandom, učešćem i podrškom države Srbije i Crne Gore / Savezne Republike Jugoslavije, koja je okupirala preko 70% teritorije Republike Bosne i

Hercegovine, učestvovali u genocidu, zločinima protiv čovječnosti i ratnim zločinima nad Bošnjacima;

- fašističko i genocidno rukovodstvo kolaboracionističke tvorevine Republike Srpske, na čelu sa Radovanom Karadžićem, Momčilom Krajišnikom, Biljanom Plavšić i drugima, koju je generirao srpski nacizam i na kostima ubijenih Bošnjaka inaugurirao genocidnu tvorevinu nazvanu republikom, imalo je genocidnu namjeru i genocidni plan o istrebljenju Bošnjaka po kojem je genocid vršen i izvršen;

- u zauzimanju Srebrenice, sigurne zone Ujedinjenih nacija i izvršenju genocida nad Bošnjacima jula 1995. učestvovala su, pored vojnih i policijskih snaga kolaboracionističke, fašističke i genocidne Vojske Republike Srpske i Vojske Republike Srpska Krajina i oružane snage Savezne Republike Jugoslavije (Vojska Jugoslavije i Ministarstvo unutrašnjih poslova Republike Srbije). Tako su neposredno u egzekucijama zarobljenih Bošnjaka učestvovali i pripadnici Vojske Jugoslavije i specijalne jedinice Ministarstva unutrašnjih poslova Srbije;

- genocid nad Bošnjacima je u skladu sa velikosrpskom genocidnom ideologijom, politikom i praksom, a po uzoru na fašizam i nacizam, (iz)vršen u kontinuitetu, sa manjim ili većim oscilacijama do kraja 1995. bez obzira na broj likvidiranih. Najmasovniji pokolji bili su u regijama od po desetak opština sa bošnjačkom većinom (stanovništva) u Podrinju, Bosanskoj posavini, te Potkozarju i u dolini Sane. Masovne grobnice i koncentracioni logori su bitni pokazatelji agresije i realizacije njene osnovne namjere - biološko i duhovno istrebljenje Bošnjaka, odnosno genocid nad tim narodom;

- genocid nad Bošnjacima se i dalje prikriva, minimizira, relativizira i/ ili osporava, uključujući i presude međunarodnih (ICTY i ICJ) i nacionalnih (Savezna Republika Njemačka i Bosna i Hercegovina) krivičnih sudova, kao i rezultate Komisije za istraživanje događaja u i oko Srebrenice od 10. do 19. jula 1995. Vlade Republike Srpske i Radne grupe za provođenje zaključaka iz konačnog Izvještaja Komisije za istraživanje događaja u i oko Srebrenice od 10. do 19. jula 1995.;

- permanentno i kontinuirano se izjednačavaju žrtve genocida i njihovi izvršioци, što je nedopustivo (sve više se govori samo o ratnim zločinima na svim "stranama", čime se genocid i drugi oblici zločina protiv čovječnosti i međunarodnog prava reduciraju samo na ratne zločine, što najblaže rečeno duboko vrijeđa istraživače ovih zločina, a pogotovo žrtve genocida) i na sasvim pogrešan način se unaprijed, bez ikakvog istraživanja, daju kvalifikacije o tako značajnom pitanju, kao što je karakter zločina, a što ne odgovara činjeničnom stanju i u suprotnosti je sa relevantnom dokumentacijom;

- svjedoci smo nažalost, sve prisutnije pojave manipulisanja žrtvama genocida u Bosni i Hercegovini na kraju XX stoljeća, pri čemu se posebno aktivno angažuju kvazi-istraživači. Nosioci manipulacija su različiti i raznovrsni, kako pojedinci, tako i grupe, razna udruženja, ustanove i drugi čiji su interesi i ciljevi vrlo različiti i teško ih je artikulirati, otkriti, identifikovati, utvrditi i konstatovati na jedinstven način. Mi ih identifikujemo kao nedobronamjerne, tendenciozne i kontraproduktivne sa mogućim i veoma teškim, dugoročno štetnim implikacijama po Bosnu i Hercegovinu kao državu i sve njene građane, bez obzira na nacionalnu, vjersku ili političku pripadnost. Osnov za ovu kvalifikaciju proizilazi iz činjenice da se tzv. istraživanja ne organizuju i ne realizuju na naučnoj osnovi i naučno utvrđenoj proceduri, kojom se propisuje odvijanje procesa, od istraživačke ideje do konstituisanju rezultata naučnog istraživanja i njihove

eventualne primjene u naučnoj i društvenoj praksi. Opšte je poznato da postoji samo jedna istina, a da je cilj nauke naučna istina do koje se upravo dolazi primjenom naučnih metoda;

- krivično gonjenje i procesuiranje genocida i drugih oblika zločina protiv čovječnosti i međunarodnog prava pred sudovima u Bosni i Hercegovini se najblaže rečeno, kontinuirano opstruira pri čemu su na sceni snage koje, umjesto težine zločina, karaktera, statusa i broja žrtava, predmete biraju po nacionalnoj pripadnosti žrtava, radi izjednačavanja i izbalansiranja zločina među tri naroda (Bošnjaci, Srbi i Hrvati) i proglašavanja žrtve genocida - zločincem i da pored ostalog, kroz krivičnu proceduru izmijene karakter "sukoba" i karakter zločina u Bosni i Hercegovini, kako bi međunarodni oružani sukob, odnosno agresiju, prekvalifikovali u građanski rat, a zločin genocida u "etničko čišćenje";
- planeri, naredbodavci, učesnici, pomagači, saučesnici i izvršioци genocida su u velikosrpskoj ideologiji, politici i praksi najveći heroji u srpskom narodu (u nauci, kulturi, umjetnosti, obrazovanju), koji danas nekažnjeno žive i rade, uživajući, nažalost, u rezultatima genocida i ismijavajući žrtve tog zločina;
- srpski narod i njegova politička i naučna elita nisu se distancirali od izvršenog genocida, a kamoli da se žrtvama izvine i (za)traže oprost i pruže ruku pomirenja. Umjesto toga, oni u kontinuitetu negiraju genocid i odgovornost za zločine prebacuju na žrtvu genocida, te izmišljaju i falsifikuju historijske činjenice, kao što je pored ostalog i "teza" da su legalni organi vlasti Republike Bosne i Hercegovine protjerali Srbe sa područja Sarajeva, uključujući i "više od 650 univerzitetskih profesora i asistenata";
- entitet Republika Srpska je genocidna tvorevina velikosrpskog nacizma, nastala na teškim kršenjima međunarodnog humanitarnog prava, obilježena i natopljena uglavnom, bošnjačkom krvlju, te omeđena i prekrivena brojnim masovnim grobnicama i koncentracionim logorima u kojoj legalno djeluju fašističke organizacije. Tu genocidnu tvorevinu tzv. međunarodna zajednica je legalizirala i ustanovila je kao ustavnu kategoriju. Političko rukovodstvo i druge strukture Republike Srpske, u skladu sa velikosrpskom genocidnom ideologijom, politikom i praksom, na sve moguće načine opstruiraju jačanje države Bosne i Hercegovine i konstantno sprovode politiku secesije, uništavanja i uništenja države Bosne i Hercegovine.

Ovo su samo najosnovnije činjenice, duboko urezane u svijest svih preživjelih žrtava genocida i drugih oblika zločina protiv čovječnosti i međunarodnog prava i utkane u aktuelnu surovu društvenu stvarnost na kojoj se po svaku cijenu u raznim oblicima, nastoje održati (živim i legalnim) nacistički projekti koji, pored ostalog, impliciraju trajnu nestabilnost u Bosni i Hercegovini, osporavaju političko-pravni i državni kontinuitet Bosne i Hercegovine, negirajući mogućnost održanja, razvoja i unapređenja kvaliteta zajedničkog života, čime se najozbiljnije dovode u pitanje univerzalne ljudske vrijednosti, slobode i prava, civilizacijske i kulturne tekovine. Krajnje je vrijeme i nužna potreba ujedinjavanja i ujedinjenja, te aktivnijeg angažovanja svih antifašista i antifašističkih snaga u borbi za opstojnost ljudskog dostojanstva u Bosni i Hercegovini ».

Dr. Dennis Gratz

Sramotan čin premijera Harpera

“Ne mogu drugačije nego da ulaganje veta na usvajanje rezolucije o genocidu u Srebrenici od strane premijera Harpera okarakteriziram kao sramotno. Smatram da je propuštena velika šansa da građanke i građani Kanade putem svojih demokratskih izabranih predstavnika iskažu suosjećanje i daju podršku preživjelim tj. onima koji su izgubili svoje najmilije u tom strašnom, ultimativnom zločinu. Odnos premijera Harpera prema zločinu koji sržinski ugrožava cijelokupno čovječanstvo jeste vrijedno prijezira, ali se ne smije izgubiti iz vida činjenica da se radi o poražavajućem aktu jednog pojedinca, koji nipošto ne predstavlja stav i mišljenje kanadskog stanovništva. Sada je neophodno ukazati na ovo i združenim snagama - sa osvještenim, progresivnim političarima i istaknutim društvenim i humanitarnim aktivistima - raditi na tome da se rezolucija ipak usvoji i Kanada bude još jedna u nizu zemalja koje su usvajanjem odgovarajuće deklaracije o osuđivanju genocida nad Bošnjacima Srebrenice pokazali moralnu osvještenost i veličinu. Neka nam riječi velikog Edmund Burkea uvijek budu stalno upozorenje: "All that is necessary for the triumph of evil is that good men do nothing."

Kongres Bošnjaka Sjeverne Amerike

Većina Bošnjaka u Kanadi nose fizičke i emocionalne ožiljke iz ovog genocida

“Kongres Bošnjaka Sjeverne Amerike (KBSA) najoštrije osuđuje sramnu odluku kanadskog premijera da stavi veto na rezoluciju M-416 kanadskog parlamenta o genocidu u Srebrenici, koju su već odobrili ministri vanjskih poslova i sve oporbene stranke priznavajući genocid u Srebrenici i sjećanje na 11. juli, 1995. Neshvatljivo je da premijer i dalje ignorira glasove razuma i inzistira na negiranju činjenica oko genocida u Srebrenici koji su uspostavljeni u više navrata od strane Međunarodnog suda pravde (MSP) i Međunarodnog kaznenog suda za bivšu Jugoslaviju (MKSJ). Uz to, parlamenti SAD i EU su već usvojili rezolucije o genocidu u Srebrenici i osudili etničko čišćenje i genocid koji se dogodio u BiH tijekom 1990-ih. Mnogi gradovi u Sjedinjenim Državama i vlade država u SAD-u su započeli izdavanje rezolucija i proklamacija prepoznajući važnost ovog dana. Pozivamo sve članove parlamenta Kanade da nastave sa zalaganjem za pravdu za žrtve genocida. Očuvanje činjenica i sjećanja na genocid u Srebrenici je najmanje što kolektivno možemo učiniti da osiguramo da se genocid ne ponovi bilo gdje u svijetu. Kanadska vlada ima povijesnu priliku da prepozna genocid onakvim kakav jeste. Većina Bošnjaka u Kanadi nose fizičke i emocionalne ožiljke iz ovog genocida, a dan sjećanja na Srebrenicu će pomoći u ublažavanju tih ožiljaka odavanjem časti žrtvama. Premijerovo nepoznavanje važnosti ove rezolucije postavlja opasan presedan nijemog odobrenja za sve one koji žele ugnjetavati i počinuti zločine u budućnosti. Ako Kanada ne prepozna genocid u Srebrenici kako je definiran Poveljom UN, onda će to dovesti u pitanje u Kanadsku predanost i iskrenost ka promicanju ljudskih prava i mira u svijetu. Nepriznavanje srebreničkog genocida će također poslati jasan signal kanadskim Bošnjacima da unatoč svojih najboljih napora kako građani države koju sada zovu domom, ta država ne želi podržati njihove najmilije koji su izgubili živote u najgorem zločinu u Europi od holokausta“.

Sraman čin premijera i Vlade Kanade

KANADSKI PREMIJER HARPER STAVIO VETO NA PARLAMENTARNO USVAJANJE REZOLUCIJE O GENOCIDU U SREBRENICI

Sraman čin premijera Kanade: HARPER

Prije nekoliko trenutaka Bošnjaci.Net su dobili vijest od bošnjačkih lobista iz Kanade da je kanadski premijer i lider Konzervativne partije Kanade je uložio veto na usvajanje u Kanadskom parlamentu Rezolucije o genocidu u Srebrenici. Time je spriječio da građani Bosne i Hercegovine, preživjele žrtve genocida koji žive u Kanadi, dobiju rezoluciju kojom se Kanada poziva da 11. juli proglasi Danom sjećanja na žrtve najvećeg zločina poslije holokausta, zločina genocida u Srebrenici. Razgovori sa kabinetom premijera su trajali i poslije ljetnog raspuštanja Parlamenta. Rezolucija M – 416 koju je na prijedlog Kongresa Bošnjaka Sjeverne Amerike i Instituta za istraživanje genocida Kanada sponzorirao je uvaženi Brian Masse, član Parlamenta Kanade i član Nove demokratske partije Kanade, koji je imao podršku tri od četiri partije u Parlamentu. Također nekoliko članova Konzervativne partije premijera Harpera je podržalo Rezoluciju. Zatim i ministar vanjskih poslova Kanade Lawrence Cannon, koji je poslije morao povući svoje slaganje na zahtjev njegovog šefa. Također veliko broj najuglednijih svjetskih stručnjaka iz oblasti međunarodnog prava, te mnoge organizacije za zaštitu ljudskih prava i sloboda.

Premijer Harper je prvo u potpunosti odbio rezoluciju na taj način što je umjesto nacionalnog imena Bošnjak upotrijebio termin «bosanski ljudi nad kojima je navodno izvršen genocid», čime je pokušao da kaže da se genocid vršio nad svim narodima u BiH. Zatim je smanjio broj žrtava genocida u Srebrenici sa više od 8 hiljada na njegovih više od 7 hiljada i na kraju je izbacio termin genocid, upotrijebivši termin masovno ubijanje.

Bošnjaci žrtve genocida koji žive u Kanadi oštro su protestovali zbog iskrivljavanja činjenica, da je nakon tog protesta premijer Harper je prihvatio termin Bošnjak i stvarnu cifru od više od 8 hiljada žrtava genocida u Srebrenici, ali je uporno odbijao upotrebu termina genocid.

Bošnjaci Kanade smatraju da nema pregovora oko genocida koji je potvrđen pravosnažnim presudama na oba Međunarodna suda u Hagu i u mnogim drugim dokumentima. Više od 20 država je u svojim parlamentima usvojilo rezolucije u kojima su 11. juli proglasili Danom sjećanja na žrtve genocida u Srebrenici.

MASSE: Premijer Stephen Harper je stavio veto na rezoluciju zbog termina genocid

U povodu veta kanadskog premijera, Brian Masse, član Parlamenta Kanade i sponzor rezolucije M - 416 o genocidu u Srebrenici uputio je poruku kanadsko-bošnjačkoj zajednici u kojoj se između ostaloga kaže: "S velikim žaljenjem obavještavam vas da je prijedlog Rezolucije M - 416 odbijen od strane Ministra vanjskih poslova i Vlade Kanade. Tako se Kanada neće priključiti zemljama demokratskog svijeta koje su povodom 15. godišnjice od genocida u Srebrenici u svojim Parlamentima već usvojile rezolucije kojima proglašavaju 11. juli - Danom sjećanja na genocid u Srebrenici. Budite uvjereni da i ako nismo ostvarili naš cilj, vaš trud i odlično

organizovana kampanja i lobiranje je vrlo vrijedno. I ako je ovo tužan dan, naš i vaš glas i glas žrtava genocida više nije usamljen u Kanadskom parlamentu. Premijer Stephen Harper je stavio veto na rezoluciju zbog termina genocid. Tako nemamo rezoluciju za 15. godišnjicu od genocida u Srebrenici. Ali o ovoj rezoluciji će se glasati u Kanadskom parlamentu na sljedećem zasjedanju, zaključio je Masse.

Još jednom se pokazalo da je Harper i Konzervativna partije pod jakim uticajem srpskog i ruskog lobija u Kanadi. Tokom bošnjačkog lobiranja Srbi su imali svoju kampanju, čak su djelili listove protiv rezolucije u samom Parlamentu.

Kongres Bošnjaka Sjeverne Amerike - Ogranak za Kanadu i Institut za istraživanje genocida Kanada zajedno sa Bošnjacima Kanade imali su do sada najjaču svoju akciju. Glas žrtve genocida se ipak čuo u Parlamentu Kanade. Ipak se nadamo da će Rezolucija M- 41 i Bill 533 biti usvojeni na jesenjem zasjedanju parlamenta. Tada neće biti potreban kosenzus, a mi već sada imamo podršku dvije trećine članova parlamenta.

Također želimo istaći da je Reisu-l-ulema dr. Mustafa ef. Cerić jedini od bošnjačkih lidera uputio pismo Ministru vanjskih poslova Kanade sa naglaskom da se usvoji Rezolucija koju su procesuirali bošnjačke institucije u Kanadu, dok posebno naglašavamo da ni jedan od bošnjačkih političara iz Sarajeva nije pružio podršku pokretačima rezolucije. Čelnici institucija koji su pokrenuli inicijativu tražili su od svih njih da se pismeno obrate članovima Parlamenta Kanade. Ni jedan od njih to nije uradio. Sramno je to od naših lidera! Najzad, da li uopće možemo govoriti o riječi lider u ovom slučaju, pitam se Ramić.

Mi nastavljamo našu borbu sve dok istina o agresiji na BiH i genocidu nad Bošnjacima ne pobjedi u Kanadi, stoji u informaciji koju nam je prosljedio prof. Emir Ramić, koji je inače koordinirao proces lobiranja za rezoluciju.

Narednih dana očekujemo zvanično saopćenje i izjave uglednih ličnosti.

Intelektualci širom svijeta uputili Apel kanadskom Parlamentu i Vladi sa izričitim zahtjevom

USVOJITE REZOLUCIJU O GENOCIDU U SREBRENICI I BOSNI I HERCEGOVINI

OSUDA GENOCIDA ILI SAUČESNIŠTVO U GENOCIDU: Potpisnici Apela zahtjevaju da se rezolucija prihvati u njenom trenutnom obliku u što kraćem roku.

Mi, članovi Intenacionalnog tima Instituta za Istraživanje Genocida Kanade i potpisnici Apela, pružamo našu punu podršku Rezoluciji M-416 o genocidu u Srebrenici.

U augustu 2009., član Parlamenta Kanade gospodin Brian Masse je predstavio Rezoluciju koju uz njega sponzoruje Bill Siksay i Chris Charlton, članovi Kanadskog parlamenta. Rezolucija ima podršku Liberalne Partije Kanade, Nove Demokratske Partije Kanade, Quebec Parije, Zelene Partije Kanade, Islamskog Kongresa Kanade, Jevrejskog Kongresa Kanade, Instituta za

Istraživanje Genocida Kanade, Kongresa Bošnjaka Sjeverne Amerike, te mnogih drugih humanitarnih i organizacija za zaštitu ljudskih prava i sloboda u Kanadi i svijetu.

Rezolucijom M-416 Kanadski parlament i Vlada obilježavaju petnaestu godišnjicu genocida počinjenog u Srebrenici i Bosni i Hercegovini. Istim činom oni daju svoju podršku obilježavanju 11. jula - kao dana "Sjećanja na genocid u Srebrenici" u Kanadi.

Potpisnici ovog Apela također:

1. Pozdravljaju druge institucije koje su priznale genocid u Srebrenici, prvenstveno Parlament Europske Unije, Američki Kongres i Senat.

2. Odaju počast i sjećanje hiljadama nedužnih žrtava čiji su se životi nasilno završili u zločinu genocida počinjenom u Srebrenici u julu 1995, kao i svim drugim žrtvama agresije i genocida u Bosni i Hercegovini.

3. Izražavaju saučešće porodicama i prijateljima svih onih koji su izgubili živote u Srebrenici u Julu 1995, kao i svih onih koji su izgubili živote u agresiji i genocidu od 1992. do 1995. godine u Bosni i Hercegovini.

4. Podržavaju suverenost, samostalnost i teritorijalni integritet države Bosne i Hercegovine, mir i stabilnost u jugoistočnoj Evropi, i pravo svih građana te regije, bez obzira na nacionalnost ili religijsko opredjeljenje, da se vrate kućama pod štitom pravednog zakona, u društvo određeno na demokratski način.

Mi tražimo da Kanadskog parlamenta i Vlade da podrže Rezoluciju M-416. Mi zahtjevamo da se rezolucija prihvati u njenom trenutnom obliku u što kraćem roku.

Mi se nadamo da će Kanada ovim činom podržati dugu tradiciju mirotvorstva i tolerancije. Sa pažnjom očekujemo vaš odgovor.

Potpisnici su članovi Međunarodnog ekspertnog tima Instituta za istraživanje genocida Kanada:

Professor Elie Wiesel, political activist, Nobel Laureate and Holocaust survivor

M. Cherif Bassiouni, Distinguished Research Professor of Law Emeritus, President Emeritus International Human Rights Law Institute, DePaul University, Chicago Illinois USA; President, International Institute of Higher Studies in Criminal Sciences, Siracusa, Italy.

Prof. Dr. Christian Schwarz-Schilling, former High Representative for the B&H

Professor Linda Melvern, investigative journalist and author

Mark Hanis, President of the Genocide Intervention Network

Francis Anthony Boyle, PhD, Professor of international law at the University of Illinois.

Tilman Zülch, Society for Threatened Peoples International, President, Göttingen, Germany

Greg Stanton, Chair, International Campaign to End Genocide

Carole Hodge, MA, LLM, PhD, Post Genocide Education Foundation

Payam Akhavan, PhD, — Professor of International Law at McGill University in Montreal, a former UN war crimes prosecutor at The Hague and co-founder of the Iran Human Rights Documentation Centre.

Daniel Kofman, PhD, - Professor, Department of Philosophy, University of Ottawa

Safia Soliman, PhD Professor, Gloucester, UK.

Florence Hartmann, French journalist and author

Esad Durakovic, PhD, Professor, University of Sarajevo and Member Academy of Sciences and Arts of Bosnia and Herzegovina, Department of humanities.

David Pettigrew, PhD, Professor of Philosophy, Southern Connecticut State University, USA.

Bakhtyar Aljaf, Director of the International Institute for Middle-East and Balkan Studies (IFIMES) in Ljubljana, Slovenia.

Zijad Becirovic, M.Sc., Director of the International Institute for Middle-East and Balkan Studies (IFIMES) in Ljubljana, Slovenia.

Dennis Gratz, Dr. Phil .Lecturer on “Genocide and Genocidal Atrocities in Theory and International Law” at the Center for Interdisciplinary Postgraduate Studies of the University of Sarajevo (CIPS) – ERMA program.

Maja Kasa, Professor, Osijek, Croatia.

Patrick McCarthy, Advisor to the current exhibit on genocide in Prijedor and co-authored a book about the Srebrenica genocide.

Marko Attila Hoare, PhD, Kingston University, London – a world renowned British historian of the Former Yugoslavia, UK.

Daniel Toljaga, Board of Directors at the Congress of North American Bosniaks, Vancouver, Canada.

Amir Ahmic, Bosniak liaison officer at the International Criminal Tribunal for the Former Yugoslavia at the Hague, Netherlands.

Sakib Softic, PhD, Professor of Law, University of Sarajevo, former B&H agent in the dispute (Bosnia v Serbia) before the ICJ.

Nader Hashemi, Professor of Middle East and Islamic Politics Josef Korbel School of International Studies; University of Denver CO, USA.

Sahza Hatibovic Kofman, D.D.S., M.D.Sc., PhD., FRCD(C) Associate Professor & Chair, University of Western Ontario, Canada.

Mirza Trokic, PhD, Department of Economics McGill University, Montreal QC Canada; University of Denver CO, USA.

Smail Cekic, PhD, Professor of History at the University Sarajevo and head of the Institute for the Research of Crimes Against Humanity and International Law.

Emir Zlatar, Mr, Director of Television Sarajevo.

Zijad Delic, PhD, head of the Islamic Congress Canada.

Senadin Lavic, PhD Professor, University, Sarajevo

Suad Arnautovic, PhD, Professor, University, Sarajevo

Ibrakovic Dzelal, PhD, Proffesor, University, Sarajevo

Dzermaludin Latic, PhD, Professor, University Sarajevo, B&H.

Sacir Filandra, PhD, Professor, University Sarajevo, B&H.

Lejla Panjeta, PhD, Professor, University of Sarajevo, B&H.

Alija Suljic, PhD, Professor, University of Tuzla, B&H.

Ferid Muhic, Professor, University "Sts.Cyril and Methodius" in Skopje, Republic of Macedonia
Sefket Krcic, PhD., Professor, International University in Novi Pazar (Sanjak), President of Matica Bosniaks of Sanjak
Fatmir Alispahic, Mr. Sci., Tuzla, B&H.
Ante Milinovic, Mr. Sci. Zagreb, Croatia.
Goran Kapetanovic, Toronto, Canada.
Aldina Muslija, University of Toronto, Canada.
Zeljko Milicevic, President and Chairman, Justice for Bosnia Task Force, Ottawa
Eno Causevic, Hamilton, Canada.
Emina Gadzo, University of Toronto, Department of Political Science.
Mersiha Gadzo, University of Toronto, Department of Political Science.
Sanja Seferovic Drnovsek, Director of the Bosnian-American Genocide Institute and Education Center
Emir Ramic, Director of the Institute for Research of Genocide Canada

Pismo Reisu-l-uleme Ministru vanjskih poslova Kanade i saopćenje Instituta za istraživanje genocida u povodu četničkih prijetećih pisama

DR. CERIĆ: USVAJANJEM REZOLUCIJE O GENOCIDU U KANADSKOM PARLAMENTU DAJE NAM NADU DA SE SREBRENICA NEĆE NIKOME I NIGDJE PONOVI

U toku je proces lobiranja u Kanadskom parlamentu za usvajanje Rezolucije o genocidu u Srebrenici, i 11. juli – Danom sjećanja na žrtve genocida u Srebrenici. Tim povodom Reisu-l-ulema je uputio pismo Lawrence Cannon, ministru vanjskih poslova Kanade. U pismu se navodi:

Kanadski ministar Lawrence Cannon

Žrtve zločina genocida u BiH znaju da se prošlost ne može mijenjati, ali saznanje da oni imaju prijatelje na njihovoj strani, im pomaže da se nose sa svojom tugom i patnjom. Usvajanje rezolucije daje nam nadu da se Srebrenica neće ponoviti nigdje i nikome u svijetu.

Poštovani Ministre vanjskih poslova Kanade,

Ovo pismo je znak zahvale vama za vašu izraženu spremnost i aktivnost u vezi Rezolucije o Srebrenici, koju treba da usvoji Parlament Kanade i tako proglasi 11. juli u Kanadi danom sjećanja na žrtve genocida u Srebrenici.

Kongres Bošnjaka Sjeverne Amerike, Ogranak za Kanadu nas je obavijestio da su sve parlamentarne političke stranke pozitivno odgovorile na tekst rezolucije.

Ja bih također želio reći da usvajanje rezolucije u kanadskom Parlamentu daje važnost Rezoluciji o Srebrenici koju je usvojio Evropski Parlament 15. 01. 2010. sa porukom da ne treba zločin ostati nekažnjen i da se njegove žrtve ne smiju zaboraviti.

Žrtve zločina genocida u BiH znaju da se prošlost ne može mijenjati, ali saznanje da oni imaju prijatelje na njihovoj strani, im pomaže da se nose sa svojom tugom i patnjom. Usvajanje rezolucije daje nam nadu da se Srebrenica neće ponoviti nigdje i nikome u svijetu.

I vjerujem da govorim ne samo u ime žrtava genocida u BiH, već u ime svih žrtava u cijelom svijetu.

Molim vas da prenesete svim članovima Kanadskog parlamenta da je usvajanje ove rezolucije je prvenstveno za dobrobit djece Kanade i cijelog čovječanstva, stoji u pismu Reisu-l-uleme IZ u BiH dr. Mustafe ef. Cerića.

Institut za istraživanje zločina genocida Kanada na poziv gospodina Paul Dewar, Predsjednika Komiteta Parlamenta Kanade za sprječavanje genocida i drugih zločina protiv čovječnosti je pozvan da prisustvuje Okruglom stolu Komiteta

Poseban gost Parlamentarnog komiteta je dr. Francis Deng, specijalni savjetnik Generalnog Sekretara Ujedinjenih Nacija za prevenciju zločina genocida i zločina protiv čovječnosti. Osnovni cilj Okruglog stola je podizanje svijesti u Kanadi i svijetu uopšte za mobilisanje svih ljudskih potencijala za anuliranje opasnosti od svih eventualnih genocida u budućnosti nad bilo kojim narodom i u bilo kojoj državi.

Dr. Francis Deng će govoriti o potrebi za jedinstvenim pristupom svih država, članica Ujedinjenih Nacija za zajedničku akciju anuliranja svih mogućih pretpostavki koje mogu dovesti do budućih genocida.

Posebno će biti govora u ulozi Kanade u procesu sprječavanja genocida.

Ovaj poziv Institutu za istraživanje zločina genocida Kanada je veoma važan faktor u procesu usvajanja rezolucije o genocidu u Bosni i Hercegovini koja je u proceduri u Kanadskom parlamentu, stoji u saopćenju Institut za istraživanje genocida u Kanadi koji je potpisao predsjednik Emir Ramić.

U povodu ovog veoma važnog poziva koji je upućen Institutu za istraživanje genocida u Kanadi čestitku je uputio dr. Smail Čekić, direktor Instituta za istraživanje zločina protiv čovječnosti i međunarodnog prava, koji je između ostaloga naglasio da će prisustvo tako značajnom skupu biti od posebnog značaja u vezi sa aktivnostima oko usvajanja Rezolucije o Danu sjećanja na genocid u Srebrenici.

Još da naglasimo da je u Kanadskom parlamentu u toku procedura da se usvoji Rezolucija sa kojom će se 11. juli proglasiti - Danom sjećanja na genocid u Srebrenici. Sponzor Rezolucije je član Parlamenta Kanade Brian Masse koji je krajem augusta 2009. na najvećem trgu u Windsoru javno objavio da prihvata prijedlog Instituta za istraživanje zločina genocida Kanada i Kongresa Bošnjaka Sjeverne Amerike, /Ogranak Kanada/ za sponzorstvo Rezolucije o genocidu. Prema

informaciji koju smo objavili sredinom aprila t.g. po ovom pitanju Institut za istraživanje genocida Kanada i Kongres Bošnjaka Sjeverne Amerike, Ogranak za Kanadu je dobio prijedlog rezolucije od strane Vlade Kanade. Iz prvobitnog teksta prijedloga rezolucije izbačen je termini genocid i Bošnjak, nad kojim je izvršen genocid, smanjen broj žrtava genocida u Srebrenici i ukinut prijedlog za proglašenje sedmice Bosne i Hercegovine u Kanadi. Dakako navedene bošnjačke institucije su odbile takav prijedlog rezolucije i poručili su Vladi i parlamentarcima Kanade da sa genocidom i preživjelim žrtvama genocida nema trgovine. Klub prijatelja BiH i Bošnjaka u Parlamentu Kanade nastavlja započetu bitku, a upućeni poziv Institutu za istraživanje genocida potvrđuje da su bošnjački lobisti prodrli duboko u institucijama Kanade.

Institut za istraživanje genocida Kanada i Kongres Bošnjak Sjeverne Amerike - Ogranak Kanada otkrivaju sramni pokušaj Vlade Kanade

BOŠNJACI PORUČUJU VLADI KANADE: KADA JE GENOCID U PITANJU - NEMA NAGODBE!

Prvog aprila ove godine Institut za istraživanje genocida Kanada i Kongres Bošnjaka Sjeverne Amerike, Ogranak za Kanadu je dobio prijedlog rezolucije od strane Vlade Kanade. Iz prvobitnog teksta prijedloga rezolucije izbačen je termin genocid, izbačen termin Bošnjak, stvarno nacionalno ime našeg naroda, smanjen broj žrtava genocida u Srebrenici i ukinut prijedlog za proglašenje sedmice Bosne i Hercegovine u Kanadi.

Proces lobiranja kanadskih Bošnjaka za usvajanje rezolucije o genocidu u Bosni i Hercegovinu u kanadskom parlamentu počeo je prije pet godina, tačno na desetogodišnjicu od genocida u Srebrenici. Tadašnji član Kanadskog parlamenta Jean Augustine, prva žena – crnkinja izabrana u Parlament je pročitala izjavu u Parlamentu u kojoj je tražila od Kanade kao demokratske zemlje, članice Vijeća za implementaciju mira u Bosni i Hercegovini da prigodnom rezolucijom oda počast žrtvama najvećeg zločina protiv čovječnosti poslije Drugog svjetskog rata u Evropi, genocida u Srebrenici. Također iste godine tadašnji Ministar vanjskih poslova Kanade, Pierre Pettigrew obratio se kanadskim Bošnjacima sa podrškom za usvajanje Rezolucije o genocidu u Parlamentu Kanade.

PRIJEDLOG REZOLUCIJE: Krajem augusta prošle godine na najvećem trgu u Windsoru, Brian Masse, član Kanadskog parlamenta je javno objavio da prihvata prijedlog Instituta za istraživanje zločina genocida Kanada i Kongresa Bošnjaka Sjeverne Amerike, /Ogranak Kanada/ za sponzorstvo Rezolucije o genocidu.

Prijedlog rezolucije je predviđao proglašenje 11. jula danom sjećanja na više od 8000 nevinih bošnjačkih žrtava genocida u Srebrenici i proglašenje sedmice Bosne i Hercegovine u Kanadi. Dobro organizovanim lobiranjem, Bošnjaci Kanade su uspjeli dobiti podršku više od 50 članova Parlamenta iz sve četiri parlamentarne stranke.

Prvog aprila ove godine Institut za istraživanje genocida Kanada i Kongres Bošnjaka Sjeverne Amerike, Ogranak za Kanadu je dobio prijedlog rezolucije od strane Vlade Kanade. Iz prvobitnog teksta prijedloga rezolucije izbačen je termin genocid, izbačen termin Bošnjak, stvarno nacionalno ime našeg naroda, smanjen broj žrtava genocida u Srebrenici i ukinut prijedlog za proglašenje sedmice Bosne i Hercegovine u Kanadi.

JEDENAEST GENOCIDA: Više od 50.000 kanadskih Bošnjaka, uglavnom žrtava zločina genocida su dostojanstveno odbili prijedlog rezolucije o genocidu od strane kanadske vlade.

U historiji Bošnjaka je jedanaest puta izvršen genocid nad njima. Ovaj podatak je sastavni i neodvojivi dio bošnjačkog nacionalnog identiteta i bošnjačkog kolektivnog pamćenja, ali i sastavni dio globalne svijetske historije. Prvi genocid je izvršen u 1492. godini u Srebrenici, kad su Srbi prešli rijeku Drinu, poklali bošnjačko stanovništvo i okupirali rudnik srebra. U Drugom svjetskom ratu Srbi su izvršili tri genocida protiv Bošnjaka, navodno govoreći da su "saveznici" saveznika. Zadnji genocid je izvršen u Srebrenici u Julu 1995 godine. Isto mjesto po drugi put u historiji. Ovaj zadnji genocid koji uključuje sve do sada poznate zločine: ekocid, etnocid, kulturocid, urbicid, elitocid, silovanje, mučenje i ubijanje u koncentracionim logorima smrti, nasilno protjerivanje, cijeli svijet je zabilježio. Potvrđen je i presudama Međunarodnog suda pravde i Međunarodnog krivičnog tribunala za područje bivše Jugoslavije.

JASNA PORUKA VLADI KANADE: Kanadski Bošnjaci su poslali jasnu poruku kanadskoj vladi i kanadskom Parlamentu: Bošnjaci u Kanadi neće nikada prihvatiti rezoluciju koja precizno ne uključuje termin genocid. Izbacivanje termina genocid je uvreda ne samo za kanadske Bošnjake, žrtve genocida, već i za čovjeka i civilizaciju uopšte, za Kanadu i čitav slobodoljubljivi svijet.

Nije slučajno da isti dan kada je stigao prijedlog rezolucije od strane vlade Kanade u jednom od najtiražnijih kanadskih dnevnih listova Ottawa Citizen oglasili su se penzionisani general Lewis MacKenzie i bivši kanadski ambasador u Beogradu James Bissett. Obadvojica grubo vrijeđaju bošnjačko nacionalno biće, negiraju agresiju na Bosnu i Hercegovinu i negiraju zločin genocida. Kanada, kao članica međunarodne zajednice, ima dužnost da podrži presude Međunarodnog suda pravde i Međunarodnog krivičnog tribunala za područje bivše Jugoslavije, da prihvati te sudske odluke i da sprovede te odluke.

Kanada trebada imati poštovanje prema Rezolucijama Sjedinjenih Američkih Država i Evropske unije koji su prihvatili posebne rezolucije u kojima se priznaje da je genocid počinjen Bošnjaka u Srebrenici.

NIŠTA NIJE SLUČAJNO: Kanada, kao suverena parlamentarna kraljevina ima dužnost da poštuje međunarodno pravo i prihvati informacije u vezi srebreničkog genocida koje su zabilježene i već prošle sudski proces.

Nije slučajno da isti dan kada je stigao prijedlog rezolucije od strane vlade Kanade u jednom od najtiražnijih kanadskih dnevnih listova Ottawa Citizen, oglasili su se penzionisani general Lewis MacKenzie i bivši kanadski ambasador u Beogradu James Bissett. Obadvojica grubo vrijeđaju bošnjačko nacionalno biće, negiraju agresiju na Bosnu i Hercegovinu i negiraju zločin genocida.

BOŠNJACI NEĆE PREGOVARATI O GENOCIDU: U ime Kanadskih Bošnjaka oštru reakciju u navedenim novinama poslali su Institut za istraživanje zločina genocida Kanada i Kongres Bošnjaka Sjeverne Amerike, Ogranak Kanada. U reakciji se između ostalog kaže:

“Izjave Lewisa MacKenziea su pune mržnje protiv Bosne i Hercegovine i Bošnjaka. Svi njegovi tekstovi ignorišu osnovne principe demokratije, istine i pravde. Lewis MacKenzie je u ulozi komandanta trupa OUN u Bosni i Hercegovini počinio više vrsta zločina, otvoreno saradivao sa agresorom i zločincima, umanjivao i prikrivao rezultate agresije i genocida. Penzionisani general je poslan u Bosnu i Hercegovinu pošto je prethodnu smjenjen u istoj misiji u Somaliji, da bi što se manje zna takođe bio smjenjen i u Bosni i Hercegovini. Žalosno je da se ovakva osoba danas smatra herojem Kanade”.

Bošnjaci Kanade neće pregovarati o genocidu. Na to nema niko pravo u ime stotine hiljada nevinih žrtava – šehida koji su dali svoje živote u odbrani Bošnjaka i Bosne i Hercegovine, kaže se u zajedničkom saopćenju Instituta za istraživanje zločina genocida Kanada i Kongresa Bošnjaka Sjeverne Amerike, Ogranak za Kanadu koga je potpisao Emir Ramić.

Zbog sponzorstva Rezolucije o genocidu u BiH kanadski parlamentarac Brian Masse na udaru četničko-terorističke propagande

ČETNICI U PARLAMENTU KANADE POKUŠAVAJU SPRIJEČITI USVAJANJE REZOLUCIJE O GENOCIDU U SREBRENICI I BiH

Mogu li ikad više ovakve srpsko-fašističke četničke spodobe zaustaviti Bošnjake? Rezolucija o genocidu u Srebrenici i BiH, čiji sponzor je Brian Masse, član Parlamenta Kanade, treba uskoro biti usvojena u Parlamentu Kanade!

Kanadski Četnički ravnogorski pokret je započeo kampanju među kanadskim Srbima protiv Rezolucije o genocidu u Srebrenici i Bosni i Hercegovini, koja se nalazi u parlamentarnoj proceduri.

U organizaciji Kongresa Bošnjaka za Kanadu, Instituta za istraživanje genocida Kanada i Bosanskohercegovačke zajednice Windsor u subotu 29. augusta u Windsoru, tačno na 820. godišnjicu Povelje Kulina bana koja je potvrdila samostalnost i nezavisnost države Bosne i Hercegovine, održana je konferencija na kojoj je član Parlamenta Kanade Brian Masse javno obznanio svoje sponzorstvo nad Rezolucijom o genocidu u Srebrenici i Bosni i Hercegovini. U međuvremenu se Brian Masse-u pridružilo više od četrdeset članova Parlamenta u smislu podrške Rezoluciji. Tako je na pomolu krunisanje petogodišnje aktivnosti Bošnjaka u Kanadi, čiji cilj je usvajanje Rezolucije o genocidu u Bosnu i Hercegovinu od strane Vlade i Parlamenta Kanade, kao moralnog duga jedne razvijene, zapadne demokratije prema žrtvama zločina dopuštenog od razvijenih, zapadnih demokratija.

Genocid u Srebrenici, tadašnjoj zaštićenoj zoni Ujedinjenih nacija, počinjen je od 11. jula 1995. godine, kada su snage pod komandom zločinca Ratka Mladića zauzele to područje. Mladić se još uvijek nalazi u bjekstvu mada već 15-tak godina postoji optužnica i međunarodna potjernica protiv njega. U julu 1995. godine, nakon pada Srebrenice, više od 8.000 bošnjačkih muškaraca i dječaka koji su zaštitu pokušali pronaći kod snaga UNPROFOR-a, pogubile vojne, policijske i paravojne snage Srbo-Crnogoraca iz BiH, Srbije i CG pod direktnom komandom najtraženijeg zločinca Mladića.

Aktivnost kanadskih Bošnjaka je počela 2005. godine na desetogodišnjicu genocida u Srebrenici kada se Jean Augustine, tadašnji član Parlamenta Kanade obratila istom sa izjavom u kojoj je tražila očitovanje Kanade kao demokratske zemlje po pitanju agresije i genocida u Bosni i Hercegovini.

Iako su Bošnjaci Kanade u više navrata tražili da se zakonom zabrani djelovanje fašističko-terorističkih organizacija, unatoč tome, srpski Ravnogorski četnički pokret i dalje djeluje u Kanadi, pa bez obzira na antidejtonski, protuustavno i militantno, i što je velika prijetnja ne samo za Bosnu i Hercegovinu, već i za širu regiju. Ipak i ova akcija kanadskih četnika predvođena Ravnogorskim četničkim pokretom Kanade, je usmjerena prema kanadsko-srpskoj zajednici u smislu mobilizacije i aktiviranja iste za zaustavljanje procesa usvajanja Rezolucije u kanadskom saveznom Parlamentu. U letcima koje četnici u srpsko-engleskoj verziji dijele širom Kanade negira se postojanje kanadske bošnjačke zajednice, Bošnjaka uopće i države Bosne i Hercegovine. Posebno se negira agresija na Bosnu i Hercegovinu i zločin genocida nad Bošnjacima. Četnici u Kanadi obmanjuju kanadsku javnost o navodnom postojanju samo genocida nad Srbima u Prvom i Drugom svjetskom ratu, izvršenih od strane Bošnjaka i Hrvata.

Brian Masse na svečanosti u Windsoru kada je obznanio da će biti sponzor Rezolucije o genocidu u Srebrenici i BiH koja se treba usvojiti u Parlamentu Kanade
Trenutna akcija četničkih terorističkih organizacija u Kanadi nije ništa novo. Iste se pojavljuju redovno kod svih značajnijih akcija kanadskih Bošnjaka. Tako je bilo kod sljedećih aktivnosti:

- akcije priznavanja bosanskog jezika u Kanadi,
- akcije priznavanja imena Bošnjak u službenim, političkim i statističkim dokumentima Kanade,
- reakcije kanadskih Bošnjaka na sramno dodjeljivanje 75.000 dolara od strane Trilium fondacije kanadskom Ravnogorskom četničkom pokretu od kojih je izrađena bista Draži Mihajloviću u njegovoj prirodnoj veličini, zločincu čiji sljedbenici su zlostavljali kanadske vojnike kako u Drugom svjetskom ratu, tako i prilikom zadnje agresije na Bosnu i Hercegovinu,
- uspješne akcije kojom je spriječena akcija tadašnjeg ministra vanjskih poslova Bosne i Hercegovine Mladena Ivanića. On je u Kanadi 2003. godine privatno boravio koristeći ministarske ovlasti, neovlašteno, a uz pomoć ambasadora Bosne i Hercegovine u Ottawi, dr. Vjekolsava Domljana napravio kontakt sa zvaničnicima uglednog Carleton Univerziteta iz Ottawe, kojom prilikom je ugovarao saradnju zasnovanu na principima "multikulturalizma" između rečenog, stvarno multikulturalnog Univerziteta iz Ottawe i Univerziteta u Banja Luci, koji nema ni "m" od multikulturalizma, jer je taj univerzitet skoro 100 posto etnički srpski i identifikuje se sa pojmovima vjerske i nacionalne diskriminacije i aparthejda izraslih iz srpsko crnogorske agresije na Bosnu i Hercegovinu i genocida koji su počinili Srbi i Crnogorci nad Bošnjacima,
- reakcije kanadskih Bošnjaka na seriju članaka u kanadskoj štampi koji afirmišu pretpostavljenu srpsko-hrvatsku podjelu države Bosne i Hercegovine. Tada se u kanadskoj brošuri "Cantiki" pojavila i karta gdje je preko Bosne i Hercegovine napisano Croatia.

- reakcije kanadskih Bošnjaka na priznavanje poštanskih maraka genocidnog entiteta. Poštanski sistem Kanade zaračunava određenu svotu na svako pismo, paket i bilo kakvu pošiljku u genocidnom entitetu. Isto važi i u obratnom smislu gdje poštanski sistem genocidnog entiteta zaračunava takse na sve pošiljke u Kanadu. To znači da postoje ugovori o međusobnom plaćanju između Kanade i genocidnog entiteta, što je neprihvatljivo sa aspekata međunarodnog prava po kome su jedino države subjekti poštanskog saobraćaja,

- permanentnom radu kanadskih Bošnjaka na objelodanjivanju zločinačkih radnji kanadskog generala u penziji Lewis MacKenzie. Navedeni general prilikom svoje misije u Bosni i Hercegovini u funkciji komandanta Mirovnih snaga UN je više puta u logoru "Kod Sonje" silovao Bošnjakinje koje su svoje svjedočenje zapisale u knjizi "Oficir sa ruzom", otvoreno se svrstao na stranu agresora i obmanjivao svijetsku javnost o stvarnoj situaciji u Bosni i Hercegovini. Na žalost bosanskohercegovačko pravosuđe nije voljno pokrenuti tužbu protiv generala. Silovane Bošnjakinje su spremne doći u Kanadu i javno svjedočiti o zločinama generala. Inače general u penziji i sada vojni savjetnik i analitičar je redovan gost svih skupova kanadskih Srba. Akcijom kanadskih Bošnjaka spriječeno je imenovanje generala u Senat saveznog parlamenta Kanade.

Kanadska važna ulogu u međunarodnoj zajednici i kanadsko članstvo u Upravnom odbor Vijeća za implementaciju mira u Bosni i Hercegovini nije spojivo sa odnosom Vlade Kanade prema kanadskim Bošnjacima i prema Bosni i Hercegovini. Kanada zbog svog neodlučnog i neblagovremenog djelovanja, i dopuštanja agresije na Bosnu i Hercegovinu kao i genocida u Srebrenici i Bosni i Hercegovini, sada ima šansu da ukaže počast žrtvama genocida, i da u interesu sadašnjih i budućih generacija istraje u pobjedi istine i pravde za Bosnu i Hercegovinu.

Kanada treba prvo da ispravi svoje grijehе iz prošlosti kad nije htjela priznati glas većinskog izbornog bosanskohercegovačkog tijela, kad se postavila na pogrešne stvari umjesto na principe demokratije i glasa naroda kojega je trebalo poštovati i braniti. U kritično doba agresije na Bosnu i Hercegovinu i genocida nad Bošnjacima, Kanada je bila vođena premijerom koji je dozvolio da se etnički interesi iz njegove lične familije umiješaju u vanjsku politiku zemlje.

Letak kanadskih četnika: latinična transkripcija
ZAUSTAVIMO BRAJANA MASIJU

Šamar srpskoj zajednici u Kanadi

Dobronamerni ljudi širom Kanade, a posebno Srbi Windsora su zatečeni i zapanjeni skorašnjim postupkom Brajana Masija, poslanika saveznog parlamenta iz partije Nove Demokratije za zapadni Windsor. Brajan Masi je sa vodećim ljudima takozvane bošnjačke zajednice pokrenuo inicijativu u saveznom parlamentu za uvođenje tzv. Dana sećanja na genocid u Srebrenici koji se navodno dogodio 1995. U svom govoru na žalosnom skupu koji je organizovao pre dve nedelje Masi je pokušao da zadivi svoje nove bošnjačke prijatelje koristeći jake i zvučne reči kao što su genocid, masakri, ratni zločini, itd.

Jedini zločin počinjen ovde je zločin protiv istine i njega je počinio mnogopoštovani Brajan Masi iz Nove Demokratije. Tužna istina je da ovaj napasni stručnjak za genocid dolazi upravo iz

multikulturnog saveta Windsora koji već godinama unazad odaje srpskoj zajednici najviša priznanja za rad i doprinos Windsoru i okolini.

Šta je nateralo našeg Brajana da bira strane u nametnutom balkanskom sukobu?

Kako to da Srbe pominje samo kao ratne zločince na ovom propagandnom skupu?

Odgovor je jednostavan: Brajan Masi je ambiciozni političar koji se na tržištu nudi onome ko ponudi najviše para. Istina o balkanskim ratovima mu predstavlja samo smetnju. Takođe naš Brajan je i odličan matematičar. On je lukavo izračunao da srpske žrtve ne donose puno prihoda, a ni glasova da bi se njima bavio. Naprotiv, srpske žrtve i srpska stradanja mogu samo da zasmetaju ili da upropaste uspešnu karijeru našeg cenjenog poslanika. Uzgred budi rečeno, osim tzv. genocida šta drugo Brajan Masi i partija Nove Demokratije mogu da nam ponude. Njihova računica je jasna, stavimo genocid u prvi plan, pa niko neće da nas gnjavi o problemima zapadnog Windsora koji sve više podseća na siromašne zemlje trećeg sveta.

Brajan Masi je hitar da prepozna genocid u Srebrenici 1995. ali ga nigde nema kada su u pitanju stvarni i tragični genocidi iz prošlog veka kao što je pokolj 1,5 miliona Jermena od strane Turaka tokom prvog svetskog rata ili pokolj preko milion Srba od strane Hrvata i Muslimana (Bošnjaka kako ih Masi naziva) tokom drugog svetskog rata.

Ovaj pamflet neće promeniti Masijevo mišljenje o nama, jer mi osim istine nemamo šta drugo da ponudimo. Ovo je prevashodno namenjeno svim dobronamernim ljudima da se sete ove podle avanture Brajana Masija i njegove Nove Demokratije sledeći put kada budu glasali (možda već ove jeseni).

Takođe vas molimo da proširite vest o ovom nemilom događaju nebi li uspeali da zaustavimo izglasavanje ovog predloga saveznom parlamentu.

Kroz Rezoluciju o genocidu u Srebrenici i Bosni i Hercegovini koja je u parlamentarnoj proceduri, Vlada Kanade može ispraviti greške iz prošlosti prema Bošnjacima i Bosni i Hercegovini, može popraviti svoju reputaciju na internacionalnom planu, može poslati jasne poruke svim onim koji rade na zločinima da će uvijek podržavati mir kroz pravdu i istinu, može služiti kao model drugim zemljama da prate put u utvrđivanju genocida nad nevinim Bošnjacima, može dati nadu onima koji su je izgubili – kanadskim Bošnjacima, žrtvama zločina genocida, tako da se ovaj genocid nikad ne zaboravi, da ljudi žive zajedno u miru, poslije pobjede istine i pravde i da se nikad nikome ne ponovi ono što se desilo Bošnjacima.

I na kraju poruka kanadskim Četnicima: kanadski Bošnjaci ići će do kraja u svojoj najvažnijoj i najvećoj akciji, akciji usvajanja Rezolucije o genocidu. To je naš mali ali obavezujući dug prema mrtvim i živim žrtvama smišljene i organizovane srpsko crnogorske agresije i zločina genocida. U ova nemirna vremena nema te sile koja će biti na putu borbe kanadskih Bošnjaka za pravdu i istinu o zločinu, ne u ime osвете koja je strana bošnjačkoj duhovnoj tradiciji, već u ime brige za budućnost čovjeka i civilizacije, koja se između ostalog zasniva i na dubokim korijenima ideje Bosne i bosanskog duha kroz priznavanje, poštovanje, prihvatanje i tolerisanje drugog i drugačijeg, kroz kažnjavanje zločinaca, što se sve pokušalo poništiti zločinom prema Bosni i Hercegovini i Bošnjacima. Kanadski Bošnjaci će bez obzira na prijetnje i pritiske učiniti sve u svojoj moći da genocid postane riječ kojom Kanadski Parlament naziva politiku agresije u Bosni i Hercegovini i da nacionalni interes Kanade bude da sve osobe odgovorne za ratni zločin, genocid i zločin protiv čovječnosti snose odgovornost za svoje postupke i budu privedene pred lice pravde.

Poruka dobronamjernim kanadskim Srbima: odbacite akciju kanadskih četnika, ne dozvolite da još jednom, po ko zna koji put podržite nacionalističke ekstremiste iz vlastitih redova koji vas stalno dovode na osuđeničku klupu međunarodne zajednice i permanentan sukob sa komšijama.

Prijedlog rezolucije o genocidu je najbolji način da se oda moralna, pravna i osjećajna odgovornost prema žrtvama i pošalje jasna poruka budućim generacijama - istina je da je bila agresija na Bosnu i Hercegovinu, istina je da se desio zločin genocida, istina i pravda su dokučivi. Usvajanjem Rezolucije Kanada će se konačno priključiti "svjetskim akcijama borbe za istinu i pravdu". Kanada ne smije posustati pod pritiskom četničkog lobija. U interesu je svakog kanadskog Bošnjaka, Bosanca i Hercegovca, svakog Kanađanina, prijatelja istine i pravde da ova Rezolucija bude usvojena.

Kongres Bosnjaka Sjeverne Amerike, Ogranak za Kanadu, Institut za istraživanje genocida u Kanadi i bošnjačka i bh. zajednica u Kanadi pozivaju sve kanadske Bošnjake, Bosance i Hercegovce i sve prijatelje BiH u Kanadi na do sada najvažniju i najveću akciju:

DAJMO DOPRINOS DA KANADSKI PARLAMENT USVOJI REZOLUCIJU O GENOCIDU U SREBRENICI I BOSNI I HERCEGOVINI

Dajmo svoj doprinos da genocid postane riječ kojom Kanadski parlament putem Rezolucije naziva politiku agresije u Bosni i Hercegovini.

Dajmo svoj doprinos da Kanadski Parlament putem rezolucije pošalje jasnu poruku da zločin mora biti kažnjen te da će Kanada nastaviti podržavati nezavisnost i teritorijalni integritet Bosne i Hercegovine.

Dajmo svoj doprinos da Kanadski parlament putem Rezolucije oda duboku počast svim žrtvama agresije i genocida u Bosni i Hercegovini.

Dajmo svoj doprinos da Kanadski parlament putem Rezolucije poruci Ujedinjenim nacijama i njenim zemljama članicama da bi zbog svog neodlučnog i neblagovremenog djelovanja trebale dijeliti odgovornost zbog dopustanja masakra u Srebrenici i genocida u BiH.

Dajmo svoj doprinos da nacionalni interes Kanade bude da sve osobe odgovorne za ratni zločin, genocid i zločin protiv čovječnosti snose odgovornost za svoje postupke i budu privedene pred lice pravde.

Pozivamo sve Kanadske Bosnjake, Bosance i Hercegovce i sve prijatelje istine i pravde sirom Kanade, da kontaktirate svoje članove Kanadskog parlamenta, pozovite ih da podrže Rezoluciju o genocidu u Srebrenici i BiH i tako daju svoj doprinos da Kanada bude upisana u zemlje koje će podržati istinu o agresiji na BiH i zločinu genocida nad Bosnjacima.

SVE POTREBNE INFORMACIJE ZA UCESCE U AKCIJI

Kao što vam je poznato, gospodin Brian Masse je sponsor Rezolucije o genocidu u Srebrenici i Bosni i Hercegovini u Parlamentu Kanade. Dakle, prvi korak je već savladan samim njenim

uvodjenjem u parlamentarnu proceduru. Drugi korak je rasprava o njenom sadržaju u Parlamentu. Ovo je ujedno i najkritičnija faza u kojoj je utjecaj protivničkih lobija najprisutniji. Treći korak je glasanje kada se odluka donosi nadpolovičnom većinom.

Kako bi rezolucija sigurno bila izglasana potrebno joj je osigurati više ko-sponzora i podržavaoca članova Parlamenta Kanade. U procesu osiguravanja što većeg broja ko-sponzora i podržavaoca ove rezolucije, uloga dijaspore u Kanadi je od presudnog značaja.

Stoga se ovom prilikom obraćamo bosanskohercegovačkoj dijaspori u Kanadi, odnosno svakom pojedincu posebno, da uzme aktivno učešće u donošenju ove izuzetno važne rezolucije za Bosnu i Hercegovinu, tako što će kontaktirati svog predstavnika u Parlamentu Kanade i tražiti od njega/nje da postane ko-sponzor i podržavalac ove rezolucije.

Dolje ispod Vam nudimo Upustvo kako kontaktirati vašeg predstavnika u Parlamentu Kanade.

UPUSTVO:

1. Saznajte ime vašeg člana Parlamenta, i njenu/njegovu "Constituency Offices" adresu, broj telefona i fax-a kao i njenu/njegovu email adresu koja je ispod zaglavlja "Hill Office", klikom misa OVDJE: <http://webinfo.parl.gc.ca/MembersOfParliament/MainMPsCompleteList.aspx?TimePeriod=Current&Language=E>
2. Napišite pismo vašem članu Parlamenta tražeci da postane ko-sponzor i podržalac rezolucije. Dole ispod je naš uzorak pisma kojeg možete iskoristiti u cijelosti (copy/paste) ili možete napisati novo pismo svojim riječima, vodeći pri tome računa da sačuvate sustinu poruke.
3. Posaljite pismo emailom (i tzv. "carbon copy" nama, tj. cc: CNAB@bosniak.org postom ili faxom vašem članu Parlamenta na adresu njegovog/njenog "Constituency Office" (za slanje postom ili fax-om).

Sve ovo zahtjeva samo malo truda a od neprocjenjive je koristi za Bosnu i Hercegovinu.

NAPOMENE:

Važno je ostati ustrajan pa vam s toga preporučujemo da uradite "follow up" telefonom na vaše prethodno poslano pismo ili fax, kako biste bili sigurni da je uredno primljeno.

Pismo zahvale ili telefonski poziv vašem predstavniku nakon pristanka na ko-sponzorstvo i podržavanje ove rezolucije treba da stigne upravo od vas. Time stavljate do znanja koliko vam je, kao njegovom/njenom potencijalnom glasaču, stalo do pitanja vezanih za Bosnu i Hercegovinu.

Molimo obavijestite nas, email-om ili telefonom, nakon što kontaktirate vašeg člana Parlamenta kako bismo mi sa naše strane mogli izvršiti dodatni "pritisak" na njega/nju. To je

najjednostavnije odraditi u slučaju email korespondencije, stavljanjem uvijek cc:
CNAB@bosniak.org

Jedna od praktičnih mogućnosti slanja pisma članu Parlamenta je da se organizujete u vašim lokalnim zajednicama i pošaljete jedno grupno pismo sa vašim imenima, potpisima, brojem telefona i adresama stanovanja.

Postoji mogućnost da vam pomogne jedan od naših stručnih saradnika ako nam se obratite na
CNAB@bosniak.org

UZORAK PISMA

(Date)

RE: Co-sponsor Brian Masse motion SREBRENICA REMEMBRANCE DAY

Honourable (puno ime i prezime člana Parlamenta), MP
[adresa člana Parlamenta – “Constituency Office”]

Dear (puno ime i prezime), MP

As your constituent, I would kindly ask you to support, and become a co-sponsor of MP Brian Masse's motion SREBRENICA REMEMBRANCE DAY.

Being a co-sponsor and supporter of this motion will help demonstrate that you deeply care about issues important to your Bosnian-Canadian constituents. There are about 50,000 Bosnian-Canadians , and as you know, many of them live in your riding.

There are many most serious aspects directly implicating, involving, and connecting Canada to the events and issues leading to, and in the aftermath of, Srebrenica and many other atrocities in the war aggression and genocide on the sovereign state and UN Member the Republic of Bosnia and Herzegovina (RBiH) and its People. In asking you to co-sponsor and support this motion, let me stress one aspect which is less known to Canada's public, and that is international responsibility and privilege from Canada being a member of the UN Security Council's Chapter VII Executive Governing Body of Bosnia and Herzegovina - the Steering Board of the Peace Implementation Council (SB PIC), sitting together with its closest allies and international partners, US and European Union, which have already adopted similar resolutions (European Parliament resolution of 15 January 2009 on Srebrenica; US S. RES. 134 and H.Res. 199). Further details and thoughts from us, Bosnian-Canadian community can be found at these links:

By passing Mr. Masse's motion, Canada will benefit in many ways:

- If support, Canada's international image will be respected as it was in the past;
- If support, Canada will send a clear message to all abusers of power that we will always stand for peace through justice;

- If support, Canada will serve as the model and guidance to other countries to follow its path in acknowledging the genocide of innocent Bosnians; and
- If support, Canada will give hope to those whose hope was taken from them;
- If support, you are demonstrating that all Parties and Members of Parliament can work together in a non-partisan way on such fundamental issue of our human race.
I trust that I can count on you as a committed supporter of a free, democratic, and sovereign Bosnia and Herzegovina , of the victims and survivors of the genocide and the Canadian-Bosniak community in large (who still face overt and subtle threats and intimidation here in Canada without protection of the local and other authorities).

Thank you very much for your time and urgent attention to this matter.

Sincerely,

(Svojerucni potpis)

(Vase puno ime i prezime)

(Vasa puna adresa stanovanja, telefon i, ako imate, e-mail adresa)

cc: CNAB@bosniak.org

Vise informacija mozete dobiti na:

www.bosniak.org

E-mail adresa za informacije: CNAB@bosniak.org

Posjetite Facebook group "Help make July 11th Srebrenica Remembrance day in Canada."

Potpisite peticiju za članove Kanadskog Parlamenta na: Petitiononline.com

Do sada su se Hon. Brian Masse pridruzili sljedeci clanovi Kanadskog Parlamenta: Hon. Terence Young, Hon. Irwin Cotler, Hon. Derek Lee, Hon. Libby Davies.

The motion Srebrenica Remembrance Day is now in the House of Commons of Canadian Parliament.

M-416 — September 10, 2009 — Mr. Masse BrianWest) HousePublications

— That, in the opinion of the House, the government should declare the day of July 11 as Srebrenica Remembrance Day and the week of July 11 as Bosnia and Herzegovina Tribute Week in memorial of the Srebrenica Massacre of July 1995, in which more than 8,000 Bosniak civilians were executed under the policy of ethnic cleansing, the worst act of genocide in Europe since the Second World War, and 30,000 others were expelled from their homes by Serbian forces.

Bosna i Hercegovina! Sjeća te li se?

ZAŠTO KANADA TREBA PODRŽATI REZOLUCIJU O GENOCIDU U SREBRENICI I BiH?

Imam Dr. Zijad Delić je Izvršni direktor Islamskog kongresa Kanade

Srbi iz Bosne i Hercegovine i Srbijanci iz Srbije i Crnogorci iz Crne Gore sa podrškom srpske i crnogorske vlade ubili su oko 250,000 muslimana, silovali preko 50,000 muslimanki, zatvorili hiljadama u logore, osakatili i ranili hiljadama i hiljadama. Čitav spisak groznih zločina je predugačak da se izlista ovdje. U sada poznatom bosanskom gradu Srebrenica, što je navodno bio poznat kao "sigurna zona" — Srbi su ubili preko 8,000 muškaraca i dječaka, zločin samo što su muslimani.

Bosna i Hercegovina je bila predivno mjesto gdje su ljudi svih religija uživali u predivnim blagoslovima. Bez odlaganja ja mogu opisat ovo mjesto u svijetu kao zemaljski raj dok psihopate kao Radovan Karadžić nisu pokazali svoje lice. Pojavili su se među nama s njihovim čudnim fašističkim idejama, gdje su koristili taktike da manipulišu mišljenjima drugih Srba. Radi ovog došlo je do bijesa i mržnje protiv Bošnjaka i drugih etničkih grupa u Bosni i Hercegovini. Raj je brzo postao pakao na svijetu. Bosna i Hercegovina!

Za većinu svijeta, ime ove zemlje neposredno posjeti na period između 1992. i 1995. godine, gdje su hiljade i hiljade nevinih Bošnjaka u genocidu stradali, ubijeni - etnički "očišćeni" — samo što su muslimani. Životi mladih su izbrisani i sav njihov potencijal izgubljen zauvijek, strijeljani, ubijeni, zakopani sa bagerima, i ovo sve u srcu civilizirane Evrope. Koncentracioni logori, brutalna ubistva, isplanirana silovanja nad bošnjačkim curicama i ženama (svaka od njih je nečija kćerka, sestra, supruga, nena, mati), hiljadama djece osakaćene, zlostavljane ispripadane, ljudi ranjeni bez nade za oporavak. Srbi iz Bosne i Hercegovine i Srbijanci iz Srbije i Crnogorci iz Crne Gore sa podrškom srpske i crnogorske vlade ubili su oko 250,000 muslimana, silovali preko 50,000 muslimanki, zatvorili hiljadama u logore, osakatili i ranili hiljadama i hiljadama. Čitav spisak groznih zločina je predugačak da se izlista ovdje. U sada poznatom bosanskom gradu Srebrenica, što je navodno bio poznat kao "sigurna zona" — Srbi su ubili preko 8,000 muškaraca i dječaka, zločin samo što su muslimani. Šta su Srbi uradili nevinim Bošnjacima pripada definiciji genocida kao što je potvrđeno u drugom članu Konvencije o sprečavanju i kažnjavanju zločina genocida koja je usvojena u Parizu 9. decembra 1948. godine i koja je stavljena u praksu 12. januara 1951. godine.

Traumatične memorije što su proizvedene kroz namjernu patnju Bošnjaka, i sada su veoma žive u srcima i dušama preživjelih. Iako ima više od deset godine poslije ovog pokolja, nije kasno da svijet kolektivno ustane i osudi sve zlo što je urađeno nad ljudima u Bosni i Hercegovini. Do sad su američki Senat i Kongres usvojili rezolucije kao i Evropski Parlament ranije ove godine. Sad čekamo na kanadski Parlament.

Iz masovne grobnice: Vrijeme da i Kanada usvoji Rezoluciju o genocidu u BiH!

Ove jeseni član kanadskog Parlamenta Brian Masse planira da predstavi prijedlog Rezolucije o genocidu u Srebrenici i Bosni i Hercegovini. On namjerava pokrenuti kampanju za obilježavanje Dana Srebrenice i Bosne i Hercegovine u Kanadi. Brian Masse tako daje Kanadi priliku da se pridruži drugim zemljama u solidarnosti protiv zločina, genocida i da pokaže svoju reputaciju kao zemlja koja se zalaže za mir, istinu i pravdu i štiti ljudska prava i slobode.

- a) Kanadska reputacija na internacionalnom planu će ovom rezolucijom biti poštovana kao što je bila i u prošlosti;
- b) Kanada će poslati jasne poruke svim onim koji zloupotrebljavaju vlasti da će uvijek podržavati mir kroz pravdu i istinu;
- c) Kanada će služiti kao model i mentor drugim zemljama da prate put u utvrđivanjima genocida nad nevinim Bošnjacima; i
- d) Kanada će dati nadu onima koji su je izgubili.

Ovi su samo neki razlozi zašto Islamski kongres Kanade i kanadski muslimani daju podršku Brian Masse za sponzorstvo rezolucije o genocidu u Bosni i Hercegovini. Mi vjerujemo da svi Kanađani trebaju podržati ovu rezoluciju, tako da se ovaj genocid nikad ne zaboravi, da ljudi žive zajedno u miru, poslije pobjede istine i pravde i da se nikad ne ponovi ono što se desilo Bošnjacima. Islamski kongres Kanade i kanadski muslimani se zahvaljuju Brian Masse što je prepoznao najgori genocid koji je izvršen protiv civila od Drugog svjetskog kada su nedužni bošnjački muškarci, žene, djeca, bolesni i stari podnijeli najveći teret smišljene i organizovane srpsko-crnogorske agresije. Mi pozivamo sve predstavnike kanadskog Parlamenta i sve svjesne i demokratski orijentirane Kanađane da podrže ovaj hrabri korak da se usvoji Rezolucija o genocidu u Bosni i Hercegovini, te da se tako nađe pravda za sve one koji su brutalno masakrirani. Kanađani trebaju da budu zahvalni što je Brian Masse u ime istine i pravde prihvatio ovaj zadatak u ova uznemirena vremena. Kanadski Bošnjaci su ponosni na Brian Masse jer on poštuje čestitost, ispravnost i pravdu za svakog čovjeka. Za mene, kao duhovnog lidera i ljudsko biće, filozofija poštovanja pravde i istine počinje od tri faktora:

- a) Moje vjersko porijeklo, koje je zasnovano na jakim principima pravde, jednakosti i brige za čovječanstvo. Intelektualna tradicija u islamu ostavlja upečatljiv ožiljak na moj lični izbor po ljudskom pitanju. Muhammad a.s jednom reče; "Najbolji od svih ljudi su oni koji beneficiraju (sve) druge ljude";
- b) Moja familija i korijeni Bosanske kulture, kroz koje sam ja naučio različitost u ranoj mladosti da brinem za sve druge ljude; i
- c) Moja nova domovina Kanada, gdje je svako nepostiđeno slobodan i ohrabren da živi svoju vjeru, gdje ljudi mogu otvoreno potvrditi Božiju ljubav za sve čovječanstvo, gdje je vjera agenat za ozdravljene, pomirenje i mir, gdje vjernici i institucije ohrabruju razumijevanje, saradnju i poštovanje, gdje vjera promovise sigurnost, dostojanstvo, slobodu i potencijal za svaku osobu kao i za čitavo čovječanstvo.

Kanada je mjesto gdje je svima data mogućnost da pomognu sami sebi i za uzvrat da pruže ruku pomoći drugima, bližnjim i daljim, uključujući one koje nikada nećeš ni vidjeti ni sresti. Za mnoge Kanađane, Bošnjaci su nepoznati ljudi sa potrebom, ljudi sa dobrotom, zaboravljeni od svojih komšija u srcu Evrope, zaboravljeni samo zato što pripadaju različitoj vjeri. Naša molba Kanadi: Nemojte zaboraviti ljude sa potrebom!

Za Bošnjaci.Net govori Brian MASSE, član Parlamenta Kanade i sponzor Rezolucije genocida u Srebrenici

KANADA IMA ŠANSU DA POPRAVI GREŠKU I PREPOZNA GENOCID U SREBRENICI

Brian Masse, član Parlamenta Kanade i sponzor Rezolucije genocida u Srebrenici Bošnjaci.Net: U ime Bošnjaci.Net, najpopularnijeg web magazina na bosanskom jeziku, koji predstavlja izvor najnovijih i najrelevantnijih vijesti vezanih za Bošnjake u BiH i dijaspori hvala Vam što ste pristali na interview.
Brian MASSE: Nema na čemu.

Borim se za prava i ravnopravnost ugroženih naroda

Bošnjaci.Net: Vaše ime i vijest vezana za vaše sponzorstvo rezolucije o Srebrenici u kanadskom Parlamentu su se proširili bošnjačkim i drugim medijima nekoliko minuta nakon održane press konferencije u subotu 29. aug. u Windsoru. Možda sada možemo da se malo osvrnemo u vašu prošlost i da našim čitaocima kažete ko je Brian Masse, šta je Vaš fokus u životu i za šta se zalažete Vi i vasa stranka NDP?

Brian MASSE: Ja sam obični građanin odnosno Kanđanin kao svi ostali. Prvi put sam se uključio u kanadsku politiku kada sam se sa svojim komsijama borio za prava na lokalnom/općinskom nivou gdje sam se borio protiv odluke općine koja bi bila negativna za naše naselje i naše porodice. Kasnije sam postao glasnogovornik za našu asocijaciju, te gradski vijećnik.

Na parlamentarnom nivou sam se uključio nešto kasnije nakon izbora 2002.g.

Razlog zašto sam se kandidirao kao Novi demokrata je zbog mojih principa vezanih za ljudska prava. Jedan od glavnih razloga koji me privukao toj stranci je to što sam pisao jednom Novom demokrati o genocidu koji se tada dešavao u East Timoru. On mi je odgovorio i taj članak je kasnije objavljen u novinama Peace Magazine.

Kanada nije bila aktivna, niti je osporavala akcije vlade u ovom slučaju i to mi je smetalo kao čovjeku čiji principi i vrijednosti ne dozvoljavaju da budem pasivan. Uključio sam se u tzv. mrežu East Timor Society gdje sam učvrstio znaje o genocidu, vladi, politici i socijalnoj pravdi. Kasnije sam radio sa ljudima sa fizičkim invaliditetom, kao i sa imigrantima. U oba slučaja sam se borio za prava i ravnopravnost ugroženih naroda, kao i za promjene u državnim zakonima koji su preventirali ili ugrožavali ta prava.

Naučimo lekciju iz ovog genocida

Žrtve ovog genocida zaslužuju podršku i pomoć, i što svi treba da naučimo lekcije od ovog slučaja jer u suprotnom mogli bi ponovo da se nađemo u situaciji gdje naš glas nije dovoljno jak da spriječimo ovakve grozne gubitke ljudskih života. Zato oni koji ne žele da se ovakve stvari događaju moraju raditi na jačanju glasa protiv genocida, ali i na tome da proces oporavka može da se nesmetano odvija, i da se kvalitet života žrtava vrati na jedan normalan nivo.

Podrška

Već imam podršku jednog člana Parlamenta koji će podržati rezoluciju. On je član druge partije i to je vaoma važno, jer treba da stvorimo alijansu kako bismo predstavili rezoluciju u nestranačkom duhu i koja bi kao takva trebala biti jednoglasno usvojena. Ovo nije samo slučaj

Bosanaca, Bošnjaka i muslimana, niti je ovo samo moja rezolucija; krajnji rezultat je važan tj. da ljudski rod prepozna potrebu da spriječi genocid ma gdje se on dešavao.

Kanada ima obavezu prema imigrantima

Pošto je Kanada ta koja je primila hiljade Bosanaca i drugih imigranata, ona ima i obavezu da bude u toku dešavanja u svijetu i da pomogne tim ljudima u očuvanju njihove tradicije ali i u zalječivanju njihovih rana. Ova rezolucija bi upravo mogla da pomogne Kanadi da se izjednači i ne kasni za drugima na međunarodnoj sceni.

Rezolucija i Zakon

Prva opcija je usvajanje rezolucije, a druga opcija, koja zahtjeva više napora je usvajanje zakona. Krajnji rezultat je u oba slučaja isti, a to je prepoznavanje i obilježavanje dana i sedmice u julu mjesecu koji će služiti kao edukacijsko sredstvo svim Kanađanima. Mislim da su obje opcije moguće, ali ćemo zavisno od političke situacije u Kandskom parlamentu raditi na onoj koja ima bolje šanse u datom trenutku.

Odazvat ću se pozivu

Bio bi privilegovan da prisustvujem takvoj konferenciji. Ako mi vrijeme dozvoli sigurno ću se odazvati pozivu. Nadam se da bi u tom slučaju sa ponosom mogao reportirati da je Kanada usvojila Rezoluciju o Srebrenici jer u suprotnom bi mi bilo teško doći pred narod u Srebrenici.

Ujedinimo se da spriječimo genocid

Ovo je pitanje socijalne pravde, ljudskog roda i humanosti i svi moramo stati iza toga. Ovo je prilika da se povežemo i da budemo dio solucije u preventiranju onih koji i dalje čine nered po zemlji. Moramo se ujediniti da izvršimo pritisak na takve vlade i organizacije širom svijeta tako da nam ovo bude prilika da naučimo i apliciramo lekcije preventiranja genocida. Kanada ima priliku da popravi grešku i prepozna ovo što su prepoznali mnogi drugi na internacionalnoj sceni

Bošnjaci.Net: Šta Vas je motiviralo da postanete sponsor Rezolucije o genocidu Srebrenici, šta to znači za Vas a šta za Kanadu?

Brian MASSE: Ovo elementi o kojima sam govorio su važni za moj život kao i domaću i interancionalnu politiku. Tako da mi je bilo lahko prihvatiti prijedlog da Kanada usvoji Rezoluciju o genocidu u Srebrenici. Ja na to gledam kao činjenicu da se genocid desio prije 14 godina, a da Kanada nije obratila dovoljno pažnje tom genocidu niti je prepoznala znake i posljedice tog genocida. Zato Kanada ima priliku da popravi tu grešku i prepozna ovo što su prepoznali mnogi drugi na internacionalnoj sceni.

Drugi razlog je to što žrtve ovog genocida zaslužuju podršku i pomoć, i što svi treba da naučimo lekcije od ovog slučaja jer u suprotnom mogli bi ponovo da se nađemo u situaciji gdje naš glas nije dovoljno jak da spriječimo ovakve grozne gubitke ljudskih života. Zato oni koji ne žele da se

ovakve stvari događaju moraju raditi na jačanju glasa protiv genocida, ali i na tome da proces oporavka može da se nesmetano odvija, i da se kvalitet života žrtava vrati na jedan normalan nivo.

Moramo pokazati solidarnost jedni prema drugima

Bošnjaci.Net: Sada kada je kampanja odpočela možete li nam reći kakve su Vaše impresije sa održanog skupa u subotu, 29. avgusta, i kada namjeravate da predložite rezoluciju u Parlamentu?
Brian MASSE: Skup je bio odličan i bio sam ponosan na bosansku zajednicu kao i druge zajednice koje su podržale ovu akciju kao što su Ukrajinci, Ruandžani, Šri Lančani, Palestinci, Pakistanci i naravno Kanađani. To dokazuje da ovo nije samo slučaj jedne nacije nego čitavog čovječanstva. U Windsoru smo stajali zajedno na trgu Carlsa Klarka koji je također bio borac za ljudska prava. Stojali smo do spomenika koji promovira mir u svijetu. Zastave su se ponosno viorile. Zato moramo pokazati solidarnost jedni prema drugima i pokazati da mi kao društvo ubjedljivo govorimo i radimo na razumjevanju, prepoznavanju i sprječavanju genocida. Rezolucija će biti pročitana u Parlamentu kad se vratim krajem septembra. Već imam podršku jednog člana Parlamenta koji će podržati rezoluciju. On je član druge partije i to je vaoma važno, jer treba da stvorimo alijansu kako bismo predstavili rezoluciju u nestranačkom duhu i koja bi kao takva trebala biti jednoglasno usvojena. Ovo nije samo slučaj Bosanaca, Bošnjaka i muslimana, niti je ovo samo moja rezolucija; krajnji rezultat je vazan tj. da ljudski rod prepozna potrebu da spriječi genocid ma gdje se on dešavao. To je ono što me čini ponosnim na bosansku zajednicu, ta njihova otvorenost i progresivna priroda da surađuju sa drugima i rade ka generalnom poboljšanju uslova života svih ljudi. To garantuje da će posao biti odrađen kao treba.

Istina nekog može da zaboli

Bošnjaci.Net: Uzimajući u obzir da je genocid u Srebrenici sudski dokazan od strane Međunarodnog suda pravde i Tribunala u Den Haagu, zatim da je usvajanjem rezolucije prepoznat od američkog Kongresa i Senata, Evropske Unije i drugih, da li predviđate ikakav otpor usvajanju ove rezolucije u Kanadi.

Brian MASSE: Kada govorite istinu onda to nekog može i da zaboli tako da možemo očekivati neznatan otpor. Međutim, Srebrenica je fakt koji nije otvoren za debatu. Pošto je Kanada ta koja je primila hiljade Bosanaca i drugih imgranata, ona ima i obavezu da bude u toku dešavanja u svijetu i da pomogne tim ljudima u očuvanju njihove tradicije ali i u zalječivanju njihovih rana. Ova rezolucija bi upravo mogla da pomogne Kanadi da se izjednači i ne kasni za drugima na međunarodnoj sceni.

Bošnjaci.Net: Govorili smo prije da bi pored rezolucije bilo moguće i predstavljanje prijedloga za usvajanje Zakona (bill) koji će u Kanadi proglasiti Dan sjećanja na genocid u Srebrenici. Šta bi taj projekat zahtjevao?

Brian MASSE: Rezolucija koju smo mi kreirali je drugačija od onih UN-a, SAD-a, EU-a itd, morali smo je uskladiti sa Kanadskom parlamentarnom procedurom i manje je opširna/kompleksna i

manje obavezujuća od Zakona. Međutim ova rezolucija je bazirana na činjenicama, koja govori istinu i koja je progresivna, te je moguće da bude jednoglasno usvojena.

Prva opcija je usvajanje rezolucije, a druga opcija, koja zahtjeva više napora je usvajanje zakona. Krajnji rezultat je u oba slučaja isti, a to je prepoznavanje i obilježavanje dana i sedmice u julu mjesecu koji će služiti kao edukacijsko sredstvo svim Kanađanima. Mislim da su obje opcije moguće, ali ćemo zavisno od političke situacije u Kandskom parlamentu raditi na onoj koja ima bolje šanse u datom trenutku. U svakom slučaju se nadamo skorom usvajanju. Spremni smo raditi u svakom slučaju.

Klub prijatelja BiH u kanadskom Parlamentu

Bošnjaci.Net: KBSA - Ogranak za Kanadu pokušava već nekoliko godina da kreira Klub prijatelja u Kandskom parlamentu. Šta mislite o toj ideji i da li biste predvodili jedan takav Klub?

Brian MASSE: To je odlična ideja koja bi kreirala centar gravitacije koji bi privlačio članove Parlamenta koji gravitiraju međunarodnim problemima i solucijama; i ja bih se rado prihvatio da radim sa takvim kolegama. To bi trebalo da bude nestranačka grupa koja bi bila centar edukacije pogotovo za institucionalno znanje o historiji. Naravno ta grupa bi bila tu za sva buduća pitanja vezana za Bosnu i njene napore ka poboljšanju kao što su trgovina, kultura, ekonomija itd. Tako bi pojačali odnose između dvije države.

Humanitarne inicijative me privlače

Bošnjaci.Net: Sljedeće godine Institut za istraživanje gonocida organizuje trodnevnu konferenciju u BiH. Konferencija je zakazana za 9., 10. i 11. jula 2010.g., dobili smo oficijelnu informaciju da je vaše ime na listi onih koji će biti pozvani na tu konferenciju. Vaše mišljenje?

Brian MASSE: Bio bi privilegovan da prisustvujem takvoj konferenciji. Ako mi vrijeme dozvoli sigurno ću se odazvati pozivu. Nadam se da bi u tom slučaju sa ponosom mogao reportirati da je Kanada usvojila Rezoluciju o Srebrenici jer u suprotnom bi mi bilo teško doći pred narod u Srebrenici.

Sa personalnog aspekta bila bi mi to prilika da naučim još od drugih ljudi koji se bave problemom genocida. Takve humanitarne inicijative me privlače i bila bi mi čast da budem na takvom mjestu i u takvom društvu.

Prilika da se povežemo da budemo dio solucije u preventiranju onih koji i dalje čine nered po zemlji

Bošnjaci.Net: Koju poruku upućujete građanima i prijateljima Bosne i Hercegovine u dijaspori, posebno Kanadi?

Brian MASSE: Dok smo u utrci sa vremenom, preporučjem da pomno partite vijesti i da aktivno lobirate članove Parlamenta Kanade kroz e-mailove, telefonske pozive, pisma itd. Ovo je pitanje socijalne pravde, ljudskog roda i humanosti i svi moramo stati iza toga. Ovo je prilika da se povežemo i da budemo dio solucije u preventiranju onih koji i dalje čine nered po zemlji. Moramo se ujediniti da izvršimo pritisak na takve vlade i organizacije širom svijeta tako da nam

ovo bude prilika da naučimo i apliciramo lekcije preventiranja genocida. Također, moramo da se sjećamo.

Veliki dan za Bosnu i Hercegovinu, Bošnjake Kanade i sve prijatelje istine i pravde u Kanadi

MASSE: DOŠLO JE VRIJEME DA KANADA PROGLASI 11. JULI – DANOM SJEĆANJA NA GENOCID U SREBRENICI

Prijedlog Rezolucije za Dan sjećanja na genocid u Srebrenici

Da, po mišljenju Doma, Vlada treba da proglasi 11. juli kao Dan sjećanja na Srebrenicu i narednu sedmicu odavanja počasti Bosni i Hercegovini, kao spomen na masakr u Srebrenici 11. jula 1995., u kojem je ubijeno više od 8,000 bošnjačkih civila u okviru politike etničkog čišćenja, kao najgori akt genocida u Evropi od Drugog svjetskog rata, i u kojem je protjerano iz svojih domova više od 30,000 od strane srpskih snaga.

U organizaciji Kongresa Bošnjaka Sjeverne Amerike, ogranak za Kanadu, Instituta za istraživanje genocida Kanada i Bosanskohercegovačkog kluba Windsor u subotu 29. augusta, tačno na 820. godišnjicu Povelje Kulina bana koja je potvrdila samostalnost i nezavisnost države Bosne i Hercegovine, u Windsoru je održana konferencija na kojoj je član Parlamenta Kanade Brian Masse javno obznanio svoje sponzorstvo nad Rezolucijom o genocidu u Srebrenici i Bosni i Hercegovini.

Tako je krunisana petogodišnja aktivnost Kongresa Bošnjaka Sjeverne Amerike čiji cilj je bio verifikacija agresije na Bosnu i Hercegovinu i zločina genocida nad Bošnjacima od strane Parlamenta Kanade. Aktivnost je počela 2005. godine na desetogodišnjicu genocida u Srebrenici kada se Jean Augustine, tadašnji član Parlamenta Kanade obratio istom sa izjavom u kojoj je tražila očitovanje Kanade kao demokratske zemlje po pitanju agresije i genocida u Bosni i Hercegovini.

Manifestaciji u Windsoru su prisustvovali: Brian Masse, član Parlamenta Kanade, dr. Zijad Delić, direktor Islamskog kongresa Kanade, Tajib Pašanbegović, glavni imam Bošnjačke dijasporne za Kanadu, Haris Alibašić, predsjednik UO KBSA, Ferid Sefer, sekretar UO KBSA, Mirsad Smajić, član UO KBSA, Emir Ramić, predsjednik UO KBSA - Ogranak za Kanadu i mnogi predstavnici nevladinih i organizacija za zaštitu ljudskih prava Kanade, te mnogi građani BiH koji žive u Kanadi.

Na kraju konferencije i predstavljanja Rezolucije poslanik doma kanadskog Parlamenta Brian Masse je izjavio: Sa ovom Rezolucijom Kanada priznaje važnost događaja

Došlo je najzad vrijeme za Kanadu da proglasi 11. juli - Danom sjećanja na genocid u Srebrenici. Ova godišnjica povećava svijest o tragičnom stradanju naroda Bosne i Hercegovine i odaje čast i poštovanje onima koji su ubijeni kao rezultat genocidne politike, etničkog čišćenja i ratnih zločina izvršenih u Bosni i Hercegovini od 1992. do 1995." - rekao je Masse, ističući: "Sa ovom

rezolucijom - deklaracijom, Kanada priznaje važnost ovog događaja u pomaganju bošnjačkom narodu da se stavi tačka na ovaj događaj samo kroz istinu i pravdu. Institucionalizacija Dana sjećanja na Srebrenicu svakog 11. jula će da pomogne u informisanju budućih generacija kao i svima nama da radimo u pravcu mirne koegzistencije. Nakon pada Srebrenice 11. jula 1995, vojska bosanskih Srba, kojom je komandovao Ratko Mladić (optužen za ratne zločine), i druge paravojne jedinice su brzo pogubili više od 8,000 Bošnjaka (Muslimana), muškaraca, mladića, i starih osoba, koji su tražili sigurnost u tom području. Osim toga, oko 30,000 je prisilno prognano u etničkom čišćenju uz pomoć UN-a. Rezolucija Evropskog parlamenta je prozvala masakr u Srebrenici "najvećim ratnim zločinom u Evropi nakon Drugog svjetskog rata". Ovaj zločin je proglašen aktom genocida od strane Međunarodnog krivičnog suda za bivšu Jugoslaviju. Predstavnički dom i Senat Sjedinjenih Američkih Država su 2005. godine usvojili Rezolucije o genocidu u Srebrenici i za sve zločine koji su se dogodili tokom rata u Bosni i Hercegovini između 1992. i 1995. godine. Evropski parlament je usvojio svoju rezoluciju 15. januara 2009. godine time utemeljujući 11. juli kao Dan sjećanja na genocid u Srebrenici, istako je kanadski parlamentarac Masse, sponzor Rezolucije o genocidu u Srebrenici.

Senad Alićehajić u uvodnim napomenama je izložio historijski put kanadskih Bošnjaka, predvođenih KBSA koji je rezultirao današnjim historijskim događajem za njih. Haris Alibašić je potvrdio riješenost KBSA u aktivnostima oko istine o agresiji na BiH i genocidu nad Bošnjacima, te pravde za žrtve. U veoma nadahnutom govoru, često prekidanim aplauzima, dr. Zijad Delić je govorio o značaju ovog velikog trenutka ne samo za kanadske Bošnjake i Kanadu, već za cijeli svijet. Brian Masse je naglasio da Kanada kao demokratska zemlja mora učiniti više napora da se u budućnosti izbjegnu zločini genocida. Rezolucija koju on sponzorise u parlamentu je na tom tragu.

U rezoluciji se predviđa da Vlada i Parlament Kanade proglase 11. juli - danom sjećanja na žrtve genocida u Srebrenici; i da se uvede sedmoca o BiH u Kanadi.

Obraćanje Tajib ef. Pašanbegovića

Uručivanje Plakete Emiru Ramiću

Na kraju je članu kanadskog parlamenta Brian Masse uručena Plaketa zahvalnosti za sve što čini za BiH i Bošnjake, za istinu i pravdu u svijetu. Također je Emiru Ramiću uručena Plaketa za dugogodišnju borbu da se istina o agresiji na BiH i zločinu genocida nad Bošnjacima čuje u Parlamentu Kanade, te da se zadovolje pravda prema žrtvama zločina.

Nakon održane konferencije rekli su za javnost:

Wahida Valiante, CIC Nacionalni predsjednik,: Nad nevinim Bošnjacima srpske snage su počinile genocid

"Ono što je urađeno nad nevinim Bošnjacima od strane srpskih snaga spada u definiciju genocida kao što je navedeno u članu 2. Konvencije o spriječavanju i kažnjavanju zločina

genocida, koja je osnovana u Parizu 9. decembra 1948, a stupio na snagu 12 januara 1951” – istakla je gospođa Valiante.

Senad Pašalić dipl.ecc.: Bošnjaci Kanade neće odustati od istine i pravde

Nakon ovog historijskog skupa u Windsoru, u Kanadi, neće više nikada biti isto. Sa ovim činom Bošnjaci Kanade su dokazali da nikada neće odustati od pravde i istine ma gdje oni živjeli. S obzirom na jačinu poruke koja je 29. avgusta 2009. godine odaslana iz Windsora, nema sumnje da će kanadski Parlament ovu Rezoluciju i prihvatiti.

Senad Alićehajić: Važno je da se osudi ideologije genocida

“Ovdje smo danas da prepoznamo činjenicu da su počinjena ova užasna nedjela, ali da su ideologije genocida, etničkog čišćenja, fašizma, rasne i kulturne diskriminacije, nacizma i mržnje omogućili da se izvrše ovi zločini. Dok počinioци ovih zločina moraju biti izvedeni pred lice pravde, podjednako je važno da se osude i ove lažne ideologije. Dan sjećanja na Srebrenicu će upravo pružiti takvu mogućnost” – rekao je Alićehajić.

Mr. Haris Alibašić: Hrabar čin Briana Masse

U ime članova KBSA i UO KBSA, krovne organizacije američkih i kanadskih Bošnjaka, zahvaljujem se se svim kanadskim Bošnjacima, KBSA – Ogranku za Kanadu, Centru za istraživanje ratnih zločina i genocida u BiH - Kanadski odjel i drugim organizacijama, koji su na bilo koji način učestvovali i pomogli ovu inicijativu vezanu za Rezoluciju o genocidu u Srebrenici i sedmice počasti BiH u Parlamentu Kanade. Posebnu zahvalnost upućujem članu kanadskog Parlamenta, Brianu Masse, zbog njegovog hrabrog čina u borbi za istinu o agresiji na BiH i pravdi za žrtve genocida i etničkog čišćenja u BiH. Velika je čast biti sa Bošnjacima i drugim gostima u ovakvom veoma važnom i historijskom trenutku, jer ovo pokazuje snagu KBSA ali i snagu bošnjačke dijaspore. Mi nećemo stati na ovome, nego ćemo nastaviti na širenju istine o agresiji na BiH, i još jače ćemo raditi na jačanju BiH i njezinog uključivanja u euroatlantske integracije, te zaštititi interesa Bošnjaka ma gdje u svijetu se oni nalazili, rekao je mr. Alibašić, predsjednik UO KBSA.

Prof. Emir Ramić: Veliki čin za Kanadu i Kanađane

Ovo je historijski trenutak za Kanadu, Kanađane – posebno kanadske Bošnjake i za Bosnu i Hercegovinu. Rezolucija člana kanadskog parlamenta Brian Masse kojom se 11. juli proglašava danom sjećanja na najveći zločin protiv čovjeka i civilizacije u Evropi poslije Drugog svjetskog rata, te u Kanadi uvodi sedmica sjećanja na žrtve zločina je veliki korak u pobjedi istine o agresiji na Bosnu i Hercegovinu i istine o zločinu genocida nad Bošnjacima, veliki korak u pobjedi pravde za žrtve.

Mr. Ferid Sefer: Imamo obavezu da svijetu kažemo istinu o genocidu

Srebrenica je simbol genocida koji se desio u Bosni i Hercegovini. Mi kao KBSA, koji zastupa interese svih probosanskih snaga, imamo obavezu da svijetu kažemo istinu šta se desilo ne samo u Srebrenici nego u cijeloj Bosni i Hercegovini. U Bosni i Hercegovini uz genocid, dogodio se i etnocid, urbicid i kulturocid. I zbog toga je milion građana BiH raseljen po svijetu. Genocid je širok pojam, a i mi ga trebamo tako gledati, zbog svi onjih koji su stradali u proteklom ratu, a i zbog generacija koje dolaze. KBSA je uvijek bio, a i ostati će na braniku zaštite svih Bošnjaka, Bosanaca i Hercegovaca, i svih probosanskih snaga. I sigurno je da ćemo ispuniti svoju historijsku zadaću da demokratskim putem predočimo svijetu istinu o BiH. Prijatelji BiH, kao što su gospodin Brian Masse i mnogi drugi koji stoje iza demokratije i istine, će nam u tome pomoći, - izjavio je sekretar KBSA.